

Casayuran
han

F
232.96
P267c

PASION nga MAHAL

NI

JESUCRISTO nga GUENO-O
NATON

378



PINOLUNGAN HA SAMAR UG LEYTE

56 - 200

Casayuran
han



EALMACEDA COLLECTION

PASION nga MAHAL

NI

JESUCRISTO nga GUENOO NATON

SADANG IKASUBO HAN CASINGCA-
SING HAN SINO MAN NGA MAGBABASA.

328

GUIN HULUG HIN PAG KA VINISAYA HA
PINULONGAN HA SAMAR UG LEYTE.

NI

Go. DIAZ M. PICARDAL

ORAS, SAMAR

Gueno
7/2/92 232.96
P 2676

F

Casayuran han

PASION NGA MAHAL

NI

JESUCRISTO nga GUENOO NATON

KARANTAHON KON PANAHUN

NGA

SANTA CUARISMA ug SIMANA SANTA

315718
11/12/90

An hino man ng Cristianos ka-angayan ug kasorok-an nga gayud an pag palandong han mga kasakitan nga guin agui-an ni JESUCRISTO nga Gueno-o naton, tongud han pag panobos sa aton nga magpakasasala.

An pag palandong ug pag basa han MAHAL nga PASION Ni JESUCRISTO nga GUENO-O NATON, diri la kon panahun nga Sta. CUARISMA Ug SIMANA Sta. kundi sa mga adlao nga Domingo ug mga fiesta nga iglililihi nga diri na ka orasan hapag kantaha, mahihimo ug maupay an pagpalandong agud kita matukib san mga kasa kitan ni JESUCRISTO nga GUENO-O Naton, Ug sugad man san aton MAHAL nga Iroy nga si Sta. MARIA VIRGEN.

Copyright 1938.

by

Diaz M. Picardal.

Pub. 5/3/90

PAG-AMPO SA DIOS

—oOo—

OH DIOS sa calañgitan
Hadi san tuna sugad man
Dios nga uaray samahan
bo-utan labing maaram
ug puno sin hibabro-an



Ycao an Amay nga ma-aghop,
dao nag hihingilo daimon lubos
Amay nga diri matapos
malolo-uyon ug mananacop
tauo sa tuna, tapo'h tapo'h guintubos

Ymo itugot sa amon
Dios Amay malolo-uyon
con mahimo amon auiton
an cori saquit camabido-un
san anac mo mahigugmaun.

816518



Ug icao Virgen Maria
Yroy nga malolo-uyon ca
urog san ngatanan sampaga
diri ma uga di malalata ca
ma-anyag marayadaya.

Ycao Gueneng ancia lamang
Sedes Sapiente ang ngaran
lincuran san quina-adman
dao caba nga yinauihan
sa Dios sa calangitan.

Torre nga uaray icaduha
ni David mathom nga Profeta
balay bulauan maca ó ongara
nga pinamalayan manta
han icaduha nga Persona.

Ycao Gueneng Virgen mahal
bito-un sa cadagatan
nacacali-ao san may comingao
mananabang san may cabidu-an
marig-un san carig-unan.

Reina nga uaray sanglit
sa calangitan nga Angeles
di matapos an pag dayig
mga Tronos Dominaciones
Virtudes ug Potistades.

Emperatriz nga hata-as
san Patriarcas Profetas
Virgen uaray masugad
labé san mga babaye ngatanan
nag panamcon san Mesias.

Cay si icao diri ibá
borabod han Misericordia
mananaligdig maturo manta
an calo-uy mahal nga gracia
san mathom nga talo ca Persona

Cami Gueno o olod lamang
nga sa tuna nag cacamang
lubos san mga carat-an
Virgen con dimo tabangan
¿ano an amon hingangadtu-an?

AN PAGLARANG HAN GUENO-
O NGA DIOS HAN BUG-OS
NGA CALIBUTAN

An tuna pate ang langit
sa panganoron opod an hangin
hayop nga isda sa tubig
tauo an may pag isip
may hunahuna bo-ut nga hingpit.

An lain lain nga cabtang
ngadi naton hin quiquit-an
angay ngadiri pagto-uhan
cay o usa la an Dios lamang
hiya anag buhat ug nag larang.

Diri iba ug sia manta
inobos pag ladngun niya
uaray mag titigo hinula
ticos nga guin buhat niya
tauo ngatanaan sa tuna.

Busa niyan an ca-angayan
quitá mag to-o sin tuman
sa Santisima Trinidad
to tulo sa pag ca Personas
6 usa an pagca Dios gad.

Ynin Dios camato-uran
uaray puno nga guin ticangan
uray liuat catapusan
tuman nga cagamhanan
mahusay nga cahimay-an.

Mato-ud nga an Dios 6 usa la
to tolo sa pagca Persona
uaray orhi ug uaray una
botanan omnipotencia
sahid nag hihimaya.

Con sapag isip san tauo
una an Amay toto o
icaduha ang Verbo
ug an Persona nga icatolo
Dios Espiritu y Santo.

Ug sira an tulo lubos
o usa la an pagca Dios
busa sa simbolo guin pulong
quales Pater tales Filius
tales Spiritu Santos.

Con sa macatuguib baga
con ano an Dios Amay ta
sugad man an Anac niya
sia manta diri iba
an icatolo nga Persona.

Mesterio diri matitigo nga
hin bisan can canay dila
Dios nga mato-ud sia
puno nga tag larang manta
ngatanaan nga buhat niya.

An bug-os nga calibutan
inin Dios an tag larang
langit tuna ano paman
san iya pamulong lamang
nahimo uaray pag langan.

Ug sa Genesis nga libro
an iguin surat amo ito
han pag ladnga sinin Mundo
sinin Dios nga toto-o
ca adlauan sin Domingo.

Tinoto-o pag osisa
san matahom nga Santa Yglesia
an sa Genesis nga isinurat na
nganiya camato-uran nga
an Dios anag paquita.

Onom ca adla6 ngan san-o
cahuman sinin Mundo
paté pag buhat san tauo
in mocoy sa icapito
inin Dios nga tototo.

Yni pinapag susundan daton
sa Dios nga malolo-uyon
busa iya iguin tugon
nga pag tumanon ug sundon
an Sabado ig lihe naton.

An una niya guin larang
an langit nga hita-asan
ug dido sa ilarom naman
sinin tuna binutangan
ngan infierno carastiguhan.

Dida an balang malares
cacastiguhon sin masakit
cocori-an nga di ma isip
an di maruyag pomatlaid
sa Dios Hadi sa langit.

Guin buhat niya naman
sa langit an ma uco'y man
mga Angeles nga cadaman
ngan espiritu nga tuman
uaray dom-it sa calauasan.

Sa Lunes an firmamento
nga iguin buhat toto-o
Sa Dios nga mgangaco
isinonod naman adto
tubig san bug-os nga Mundo.

May binuhat sia nga dagat
may mapait ug maisin man
may marasa may matab-ang
pinalabé sin uay sugad
sinin Dios nga hata-as.

San Martes pinanabngan
an bug-os nga calibutan
cahuy cadam-an nga tanaman
mag lain lain nga cahayopan
mucaruruyag pag quit-an.

Miercoles na pag buhaton
sinin Gueno o malolo-uyon
adlao bulan ug bito-un
mag ingat nga uaray tupong
macalili-ao pag quit-un.

Dida sa Jueves nga adlao
binuhat niya naman
mga tamsi ug caisda-an
tamsi sa hangin an poroy-an
isda sa tubig an balay.

Natuman na ug uaray culang
dinhi sa calibutan
binuhat uaray pag langan
an Amay naton si Adan
dida sa Viernes nga adlao.

An tolo nag carucayacan
tauo buhaton sin tuman
nganira aton ladauan
papriho an guin angayan
san mga tauo nga tanan.

San cahimo catapos na
lauas san tauo бага
pinaguinhaua madagmit la
dida na niya pasudla
quinabuhi ug calag pa.

Ug sadto pinamulongan
hala mag bangun ca Adan
nag buhat sa cadagmitan
dida na iya nasaygan
an Paraiso Terrenal.

Ynin Paraiso nga tuna
butang nga maca ó ungara
matahom nga uaray sama
mga taman abunda
diri sadang ig asuy na.

Ano pa tuman ngatanan
cahimaya-an uay sugad
tuna labing camahalan
sanglit cay buhat ngatanan
sa Santisima Trinidad.

San nacada na si Adan
san lubos nga calipayan
sa Dios Gueno o nga mahal
layon sia binaya-an
sia nag ó usa-an.

Bisan capin cahimaya
an guin cacaptan niya
inalpan sin mingao sia
cay uaray man upod niya
sia nag ó usa-an la.

San maquita ug masayud
san malolo-uyon nga Dios
sa guilayon linusad gud
nga di mag bido an bo-ut
si Adan pinacaturug.

Binuhat sa guilayon na
sa Dios nga Amahan ta
can Adan san paghimo-ok na
sa uala nga caguiliran niya
usa nga gusok an quinuha.

Ynin usa nga gusok man
iya hinugot can Adan
sa Dios nga garamhanan
dayon guin bendicionan
san iya mga camahalan.

San pagcatauo ni Eva
si Adan man pinocao na
Adan layon mag bangun ca
quita-a an imo asawa
sa imo ngahao caha-a.

Dida na niya masaygan
mag asaua sira Adan
sira guin tugon sin tuman
san ira pag mamangno-an
ancia ini an guin yacan.

Adan an imo asaua
pag mahalón mo uay sama
cay lauas mo sia manta
sundon mo san inongara
angay nga buhat pag sunda.

Ug si icao man babayi
higugma-un mo sin labe
si Adan cay sa'y lalaqui
sundon mo sa adlao gabi
cay angay nga buhat ini.

Si camo pag titicangan
san tauo sa calibutan
nga uaray sin caisipan
sinin tuna nga malotao
pag opod camo sin mahusay.

Ynin nga calipayan
dinhi ug camahalan
nga iyo nasasayuran
si camo na an maaram
comuha san caruyagan.

Ug an cahuy ngatanan la
inin may mga bunga
caun camo san sadang na
diri lamang iton usa
nga an pag ngaran **Manzana.**

Bunga san cahuy ini **man**
nga acon tugon pag did-an
iyo ini pag tigam-nan
con iyo pag pagsipadan
layon camo mamatay.

San ini ipamulong na
sa Dios nga Amahan ta
binulag guilayon sia
ug iya binaya-an na
inin duha nga mag asaua.

Asuyon an calipayan
ni Eva pate ni Adan
lubos nga cahimaya-an
an ira guin a ataman
sa Paraiso Terrenal.

Uaray nira pagca gu-ol
uaray gutom ug caronos
pagca buhi lubos nga **lubos**
cay iya man pag bo-ut
san malolo-uyon nga Dios.

Mesterio macatitingala
sinin Dios nga may gugma
sa Paraiso manta
mga cahuy cadam-an nga
may usa maca o ongara.

Con бага sacatadugan
an ngatananan nga taman
an cahuy nga cabubuhayan
nga inin **Manzana** naman
cahuy nga camamatyan.

Adton arbol de la ciencia
 diri iba an Manzana
 iguin didiri can Adan can Eva

nga con coma-un han bunga
 sasabuton con magpasipara.



ANG PAG SULAYA HAN DE-
 MONIO NG HALAS SAN MAG
 ASUA NGA AMAY NA-
 TON SI ADAN NG SI EBA

Sapag upod nga mahusay
 nira Eva ug ni Adan
 lubos nga cahimaya-an
 an ira guin a ataman
 sa Paraiso Terrenal.

Han maquita san demonio
 an cahimaya nira sadto
 layon guin sulay itocso
 bo-ut uaray nahihimo
 nga firme gomoc toto o.

Nganiya di catadungan
 an tauo di pag pasipad-an
 acon pag papalabi labihan
 bug-os nira nga calipayan
 agud abutan sin cacori-an.

Si aco diri matugut
 san siton lorong nga bo-ut
 sin diri co hi among gud
 ha upod sira casunug
 sa calayo sin catubod.

Dida inin madaya
 an halas quinada na
 san cahuy nga tugon dira
 sa Dios pagmangno-i na
 sa lindug sin mangbod sia.

Sadto san nag lilibang libang
 si Eva naglalacat lacat
 panginano san tanaman
 dida iya hin quit-an
 cahuy nga tugun di labtan.

San cauile cahimaya
 san pag quita-a na niya
 ug pagtanao sinin bunga
 namulong guilayon diya
 an demonio nga malabha.

Eva pulong san malimbong
 ¿ano nga dica naca-un
 sinin bunga di bomuro gud?
 baton ni Eva nga pulong
 ini guin didiri damon.

An Dios Gueno o nga mahal
 sa amon anagtugun man
 con cami diya somuhay
 coma-un sinin bunga man
 layon cami mamatay.

Pulong sinin malabha
 ay nganiya ancia nga
 iguin didiri inin bunga
 bangin camo hanugadla
 ug tomupong camo diya.

Ynin pulong san hidungan
 ni Eva maluya an bo-ut man
 tino-ud sin capiritan
 san pulong nga iguin saysay
 san demonio tampalasan.

Binuro ngani si Eva
 bunga san arbol de la vida
 cuma-un guilayon sia
 ngan iya guin dad-an pa
 higugma-un ng asaua.

Pinaca-un niya sin tuman
 asaua nga camahalan
 sa daco nga tinahuran
 nga paghigugma ni Adan
 sa can Eva uaray suhay.

San macaca-un matapos
 mag asaua nga magtig-ub
 dida na sira casayud
 ug quinilala nga gayud
 sala nga nabuhat sa Dios.

Dida na ira nasaygan
 cabtang nira ug cahimtang
 sira nga duha sinabut man
 sin cahadloc ca araodan
 pagcabido di samahan.

Guilayon sira nanguha
 mga dahon sin higuerra
 ira ipinanahub na
 san mga lauas nira
 san ca alo nga uaysama.

San daco nga cabidu-an
 sa Dios Guenoo nga mahal
 lin musad uaray pag langan
 ngan iya pinamulongan
 Amahan naton si Adan.

San cahadloc ca auod na
 ni Adan san ira sala
 sia na unop in musa
 diri sadang pasiplat nga
 san Guenoo nga may gugma.

Adan con san Dios Amay ta
 ¿ano nga nag lares ca
 uaray mo aco baliha
 pinanga-un niyo nga duha
 iguin didiri co nga bunga.

Si Adan san casayuri
 bin maton sin amo ini
 Dios co nganiya nga pinalabe
 muller quam dediste mihi
 dedit mihi deligno bite.

Ynin babayi nga hatag mo
 nga dinhi iguin ó upod co
 amo dacon anag toceso
 ug nagpaca-un totoo
 bunga nga iguin didiri mo.

Pinaqui-ana can Eva
 sin sugad nga pag osisa
 oh babayi ¿inano ca
 nga imo guin pasipara
 an tugun co pag larisa.

Baton ni Eva nga la-ong
 Gueno o Hadi harangdon
 inin halas nga malimbong
 amo an nag toceso dacon
 sa mahinay naquig pulong.

Guilayon niya sinumpa
sa Dios inin malabha
nganiya tampalasan ca
tican niyan san-o pa
maghihila ca sa tuna.

Tigaman sinin babayi
cahadloc dimo nga labe
camamatan niya ngani
maulpot asay mabaui
catampalasan mo dinhi.

Yni amo an sumpa co
sa imo lorong nga demonio
usa ca babayi nga tauo
may adlao macanhi ito
magtatamac san imo ulo.

San ini ipamulong na
sinin Dios nga may gugma
binalic sin pag lingui-a
an babayi nga maluya
ngan iya naman sinumpa.

Con san Dios nga ma aram
babayi si ica naman
toto o mo nga huhuptan
an bug-os nga pagburot-an
canan asaua cahimtang.

Labing bido ug budlay pa
an dadangatan mo Eva
casaquit nga uaray sama
con domangat mga nac ca
ngatanan mo ibubunga.

Adan ica malinaris non
uaray ca sunod sa acon
sin bido caman dadangaton
ngatanan mo nga pag ca-un
sa balhas mo cocoha-un.

Ynin ubos mo nga bana
sin pag dugnit tatagan manta
panapton nga mag upay nga,
san catapos bin maya
an Dios Gueno-o Amay ta.

Guilayon sadto quinonsad
Querubin cafin ca anyag
espada sacbit san hauac
dao бага sin camasirac
nag lalaga nga dao quidlat.

Layon sira tinabug man
ini si Eva ug si Adan
ug sira pinapag calacat
pina iuas pinagauas
sa Paraiso nga tanaman

An puerta guin bantayan
sinin Querubin nga mahal
pag sulod uaray tugutan
sinin tuna nga camahalan
sa Dios Gueno-o gamhanan.

Sira Adan ngan si Eva
iniuas san cahimaya
layon dida quinilala
budlay gutom pag ampo na
casaquit nga uaray sama.

Tongud sinin pag laris man
layon sira binulagan
san gracia nga camahalan
quinuha ipinahamtang
san Justicia original.

Quita an mga anac nira
sin sugad nga darangin pa
sinin pulong isinodia
san original nga sala
tican can Adan can Eva.

Ano pa ngadi maisip
pag basol cadam-an nga saquit
dinatngan nira camapait
san pag baya cafin casaquit
dida san tuna nga matam-is.

Ug nasaygan na nira
dida na pag hunahuna
san unahan nga cahimaya
budlay saquit sabihon pa
sinin mga calag nira.

An buhat nga hinsaypan
san daco nga catampalasan
tongud dida san pagsuhay
ira na guin babasulan
nagpanangis gab-i adlao.

Yni si Adan ug si Eva
nanganac na sin duha
mga lalaqui sira
si Cain an siapa
si Abel an icaduha.

Yguin asuy iguin tug-an
san ira mga guinicanan
san manonobos san ngatanan
mabascug san cabascugan
san demonio tampalasan.

Ano pa inin duduha
anac ni Adan ug ni Eva
nag susunod alagad sira
san sugo pag uaydong dira
san Amay nira Yroy pa.

San panageo nga sadang na
inin mag bugto nga duha
sira nag haua nag una
ug sin masaquit nangita
san Amay Yrog may gugma.

Ano pa san lupigan
dara niya casu-itan
ni Cain nga tampalasan
si Abel dayon pinatay
sa bot nga san cabuquiran.

Dongug san mag bugto
an langit nangangamuyo
sin pirit pinangangaro
badlungun ug po-uyon mo
magurang co nga malingo.

Cafin catampalasan
sinin lorong nga nagpatay
an sala di guin basulan
in miuas ug binaya man
nag lacat sa cabanua-an.

An dinat ngan hin ngada-an
ni Cain nga tampalasan
san camatayon dinatngan
calag niya ibinutang
san cafin nga casaquitan.

Ycatalo nga sinunod man
anac ni Eva ug ni Adan
hi Seth an iya ngaran
bo-utan maupay an batasan
nag susunod san guinicanan.

San mag damo maribhonng na
anac ni Adan ug si Eva
an mag borugto sa ira
dida nag arag sauwa
pag tirig-ub mag sarama.

An cia an pagdamo sini
tauo san bug-os nga orbe
si Enoc nga descendiente
si Seth an gui ma ag hupe
sa Dios say guin palabe.

Sanglit asay naguin bunga
san can Cain sendencia
mag ra-ut nga uaray sama
toto-o uaray quilala
sa Dios nga Gueno-o ta.

An Amahan ta si Adan
cabuhi sa calibutan
siam eugatos ngatanan
catlo-an an caisipan
catuig iya edad man.

Ug inin bug-os nga Mundo
sinagayapan san tauo
pag darayig nga toto-o
san tampalasan nga demonio
bo-ut ngatanan itoc-so.

Dinarahig madara
an mga anac ni Eva
nga sa iya mangopod la
sa Dios diri nangilala
ug diri sira nag singba.

San capongot nga capinan
sinin Dios nga may larang
an calibutan guinanao
an ualo ka tauo lamang
igiunauas di namatay.

Sira Noé ca asaua
napulo cag tulo an anac nira
ca asao-an tagsa tagsa
ini lamang anahatura
san mga Anac ni Eva.

Busa niyan tigayon gad
si quita mag pasalamat
sa Dios Hadi uay sugad
kalo-uy nga di macarag
san casaquit mahigauas.

Tongud san pacasala
nira Adan ug si Eva
nag papaca tauo na
penili an naguin Yroy niya
san icaduha nga Persona.

AN PAG ANAC NI STA. ANA SA ATON GUENOO STA. MARIA

Sa mga tulin camantan
ni David Profeta nga mahal
si Sn. Juaquin lin mutao
mamat ca apo apuhan
ni Patriarca Abraham.

Dida manta diri iba
tulin guinicanan niya
san Virgen Sta Maria
naguin Yroy nga daraga
san mananacop san sala.

Bisan bao-as ug tigurang
si Sta Ana nga bad-an
nagsagpon pa, nanganac man
sin babaye nga di tup-ngan
ma-anyag nga di samahan.

Bisan mat-hom nga uay sama
nga labe san mga sampaga
an Anac ni Sta Ana
ini amo uaray iba
an Virgen Sta Maria.

Ynin Maria bantugan
bito-un nga gayud maingat
ug sia nacacalambrag
sanag lalacat nga magsasacay
sa calao-dan san dagat.

Ynin ngahao diri iba
an Virgen nga Preservada
sa Oregenal nga sala
nag sahid ngatanan la
tican can Adan ug ni Eva.

San umolput na sing mirang
inin bito-un sa cadagatan
Maria labing masanag
himaya di pasimang-gad
san Santisima Trinidad.

San matuman toto-o
ug an adlao na mahusto
igiun halad niya sadto
layon guin dara sa templo
si Maria nga Mahinglo.

Yguin halad iguin singba
iguin ampo sa Dios nira
an anac nga hiniguma
calipayan nga uaray sama
casing-casing ngan bo-ut nira.

Diri pa liuat madangat
tolo ca tuig an edad
san Virgen Yroy may palad
sa singbahan ihahalad
Yroy Amay ana ruyag.

Sabihun an calipayan
san catig-uban nga mahal
nga mahadul-ong sa Singbahan
san casayuri hin quit-an
si Maria nga bo-utan.

Catapus ig halad sa Dios
sa Colegio sin mulod
guin mang-nu-an ug sinacup
inin bata nga maligdong
puno nga ha buho an bo-ut.

Didto sia guin tutdu-an
panahe ug paghablun man
ug mga ca-angayan
angay san iya cahintang
camahamis cabo-utan.

Cay an matahum nga gawe
San Virgen Yroy nga putle
sa Colegio buhat ngani
sanglit cay sa Dios penile
san Gueno-o nga Hadi.

Cay an buhat niya lamang
nag á ampo sa gab-e adlao
sia an labe nga susgaranan
san mga cadaragan-an
sa Colegio caterig-uban.

Capulong pulong uay sama
Angeles san paghigugma
amo naman si Maria
labe san mga balaye nga iba
camamatan nira Eva.

Naguin siam catuig na
edad san Virgen Maria
guin mangnu-an ug kinuha
san Amay ug Yroy niya
nga sa iya mag dadara.

Cay didto sa Colegio
inin Virgen nga mahinglo
nag tatahud nanga nga muyo
sa Dios amay nga toto-o
nga Hadi san Universo.

San mahusto na matuman
tuig nga inabutan
nga sa pag asaua na sadang
iya naman hintungdan
magsama an ira palad.

San casayud ni Maria
nga ig cacasal na sia
namati nag halung-gana
san Padre nga nag ma mango dida
ini a nguin asuy niya.

Aco Padre nga mahal
buhat nga uaray inabutan
harayo sa panamduman
inin mahamis nga cabtang
diri sin dom-it sasactan.

Ug inin pag ca Virgen co
sa Dios ipina nga maya co
ug diri bobung cagun co
domdom co asay guin tuyo
sa Singbahan sin pag ampo.

San casayud na hibaru-an
san Padre nga may pag borut-an
nahadloc бага natahap
mga polong nga ma anyag
san Virgen putle uay sugad.

Dayun nira sa Singbahan
mga Padre nga bara-an
nag sipag ampo sin tuman
sa Dios nga garamhanan
san boruhaton nga angay.

Ug an domdom ug tinguha
mga sa-ad ni Maria
diri bo-ut pa asaua
ug bin maton man dira
an Dios nga Amahan ta.

Ngan an Dios nga ma-aram
mag tiroc camo ngatanan
an bug-os nga catolinan
ni David Profeta nga mahal
caruyag co pag borut-an.

Dinhi co ipaquitquita
diyo ipaquiquilala
sadang angay ig asaua
ma alagad uay iba
san Anac co Maria.

Casayud sini nga cabtang
san mga Padre nga mahal
guin tiroc na sa Singbahan
an ngatanan nga catulinan
ni David Hadi bantugan.

May usa nga tigurang na
si Josef an ngaran niya
Anac sa tribu ni Juda
catulinan sendencia
ni David labe nga Profeta.

Amay niya guinicanan
si Eleas iya pag ngaran
matahum angay an batasan
bo-ut capin camahinay
mahamis sa cahamisan.

Amo ini si San Josef
asay caborut-un san langit
mague guin Esposa nga hingpit
san Yroy Virgen uay sanglit.
putle capin dima su-it.

Siya an lin mabao lamang
nga pinile san cadam-an
nga nacada sa Singbahan
san ngatanan nga ca-apuhan
san Patriarca ni Abrahan.

San casaygue can Maria
di bo-ut papangasaua
layon dia mapaquita
an Dios nga Amahan ta
ug namolong man sia.

Ngan an Dios nga ma-aram
Maria icao pacasal
ini acon pag borut-an
camahamis nga ditup-ngan
dica sin buring doduc-tan.

An imo ig a asaua
bo-utan mat-hum uay sama
mahamis labe san iba
busa anac somunud ca
saa acon ino ungara.

San hibaro-i casay gue
san Virgen Yroy nga potle
tinangdo na uaray diri
ug nag pacasal na dinhe
can San Josef nga guimamahale.

Ug san hira macasal na
na nimalay nag ca usa
hugot an pag sa-ad nira
mahamis nga uaray sama
bug-os nga cabuhi nira.

An pag ca Virgen uaray sugad
inin usa diri mababung-cag
baga Angel nga ma-anyag
saguihapun nacabanuag
an capaua nga uay sugad.

Dinhe ngani nanimalay
inin duha nga sanglitan
uaray ocuy gab-e adlao
pag ampo uaray pahuay
sa Dios nga labing mahal.

An oficio capanday ngani
inin bad-an nga lalaque
an buhat man san babaye
pag hablun ug panahe
panimalay nira ini.

Po-un nagecaca usa
caborut-un sinin doduha
mahusay nga pag opud nira
tinatabangan uay sama
sa Dios nga Gueno-o Amay ta.

ARAL

An ciapa nga litra—A
R—an icaduha
an icatolo naman —A
L—an icaupat nga tlira
totdo san tauo ngatanan na.

Cristianos an ca angayan
nga sira masusgaranan
san matadong nga batasan
caborut-an nga mahusay
sinin ira panimalay.

Ngan asay pina iran ta
sino man nga mag asaua
con mahusay ngan magsama
diri harayo sa ira
calo-uy mahal nga gracia.

Conde an paraqui auay
sa gab-e pate sa adlao
asay quinasisi nahan
ug iquina uauara man
san gracia nga camahalan.

Sadang ta masusgaranan
mag orag sauwa sino man
si Josef say pinairan
ug si Maria nga bad-an
iya pag mangno sa balay.

Busa an bisan sino
nga mag asaua nga tauo
an panolos liwatan niyo
agud dangatan abutan niyo
ang calipayan sa Paraiso.

Ug niyan mag malipayon na
an capuningut caha-a
cay mag papacatauo na
an icaduha nga Persona
san Trinidad Santisima.

AN PAG KATAUO SAN ICADU- HA NGA PERSONA SA TIYAN NI STA MARIA

San maiha na nga toto-o
tuig man upat caribo
tican guin larang an Mundo
an cia an pag canhi sadto
pagpanobus san mga tauo.

Condi uaray sasabuta
san mga tauo sa tuna
an lubos nga pag higugma
tuman nga diri masala
sa Dios Hadi uaray sama.

Cay an binubuhat lamang
pacasala gab-e adlao
puro catampalasanan
san Gueno-o nga may larang
uaray cahadloc ni guti man.

An labe daco nga sala
san ngatanan nga anac ni Eva
sinin guin tahud nga idolatria
ano nga pinangaraba
pinaca Dios ini nira.

Usa nga nacion sa Mundo
quiniquilala nga toto-o
sa Dios nga nagsacop san tauo
nga inin mga Judio
orug labe an ito.

Sahid nangingilala
sa Dios nga Amahan ta
inin lamang taga Judia
puno sin mga sala
inin cadam-an sa ira.

Ano pa an calibutan
nagugumok san malao-ay
sala diri guin basulan
ini dinhi nasayuran
sira quina lolo-uyan.

Nga dao natuman an bo-ut
san malolo-uyon nga Dios
san comita ug masayud
sayup nga mga panulos
tauo sa calibutan guil-cop.

Caruyag na nga matuman
nga tanan nga iguin pahayag
san mga Santos Profetas
nga iguin asuy sa surat
san pag abot san Mesias.

Tongud cay uaray man iba
sadang mag tubos san mga sala
san mga anac ni Eva
Condiri an Anac niya
an icaduha nga Persona.

Nag carucayacan an tolo
san cabuhat sinin Mundo
an hatag nga concistorio
diri iba an Verbo
an cia an manonobos san tauo.

Guin sugo layon sin dagmit
si Sn. Gabriel Arcangel
cay sa-ad nga di mabalhin
si Maria labing Virgen
Sta nga uaray matanding.

Quinmonsad nga quinadto
an Angel nga guin sugo
labing matahum totoo
masori-ao boslngan sin tauo
camaluanog nga daco.

Si Maria nalohud
na nga nga muyo sin hugot
ano an iyo sinabot
sa oratorio sin mulod
Angel nga sinugo sa Dios.

Yni an guin sayud niya
maghimaya ca Maria
napuno ca sin gracia
urug nga nan labe ca
san mga babaye nga iba.

San ini iya hidong gan
san Virgen nga sañglitanan
layon siya quinalasan
uaray pag tiñgug gute man
ini nga pulong guin timbang.

Ynin Angel san pag quita
nga diri binaton sia
binalic pag sangpitan niya
diri nga niya mahadloc ca
agaron co Virgen Maria.

Toñgud nga si icao lamang
orug nga quina lolo-uyan
sa Dios sa calañgitan
nga naguin Yroy sintuman
manunubos san calibutan.

San casaygan ni Maria
pañgin sayud nga icaduha
bin maton layon sia
san Angel nga imbajada
ini an guin pulong niya.

Maunano nga matuman
inin imo pinoluñgan
sin hugud nga acon sa-ad
nga dico pag dadom-itan
inin malinis nga cab-tang

San casay-gue san Angel
san ibinaton san Virgen
pag asuy liuat binalic
mga polung nga matam-is
mag tahum nga uaray sañglit.

Maria nga niya Guenao
bu nga nga ipa nga nga nac mo
diri la, larang sin tauo
tuman nga imo Esposo
an Dios Espiritu Santo.

Ug con бага somirang na
an imo mague guin bu nga
Jesus an pag ngaran niya
manonubos para cuha,
sa calibutan san sala.

Busa diri ca mag domdom
cay diri pag bobung cagun
labe nga pag papa-udgun
mahiñgpit sin uaray topung
pag ca Virgen nga matadong.

Agud imo pag mato-uran
iguin asuy co ngatanan,
si Ysabil patod mo man
bisan siya con tigurang
sag-pun sin ica onom cabulan.

Bisan bag-o pag sayure
si Ysabel imo guin palabe
sin gugma nga uaray top-ñgue
sa Dios san bug-os nga orbe
uaray pag diri nahimo ini.



Guin timbang sa hunahuna
 san Virgen nga may higugma
 nga diri mabung-cag cunta
 bin maton sa guilayon na
 ini an guin polang niya.

Ynin Angel nga mahal
 aco oripon sin tuman
 sa Dios ta nga garamhanan
 an guin polung mo matotoman
 sa iya an pag borut-an.

Ngan ini san ipamolong na
 san Virgen Sta. Maria
 di ma asuy an himaya
 san Angel nga imbajada
 ug saguilayon bin mulog na.

Saguilayon quinonsad
 Espiritu Sto. nga mahal
 pina-gua an dugo nga tuman
 sa tiyan san Virgen ma-aram
 guin himo nga calauasan.

Guilayon itinig-ub na
 an matahom nga calag niya
 ngan dayon man sinolod na
 lauas san Virgen Maria,
 an manonobos san sala.

An cia na an pagcatauo
 san matahom nga Divino Verbo
 layon quinanhi sa Mundo
 iguin lihe nga toto-o
 ni Maria nga mga ngaco.

Naungunsad sin uaray culang
 an mga coro Angelical
 guin tatahud ug guin auitan
 inin camahal mahalan
 Dios ug tauo nga tuman

Natuman na nga toto-o
 inin mahal nga Mesterio
 han pag canhhi sa Mundo
 ug san iya pag catauo
 san Guenoo Jesucristo.

AN PAG LA-UY NI STA. MARIA CAN STA. YSABEL.

Ug san pira na ca adlao
 can Maria naisipan
 macadto sia pagdo-ao
 san iya patod nga lunsan
 sagpon sin onom ca bulan.



Saguilayon nag lacat na
an Virgen Santa Maria
si San Josef an opod niya
an tuyo nga tadong nira
cabuquiran san Judia.

Uaray nga gayud pag iha
inin pag lacat nira
sa guilayon in mabot na
boŋgto sa Ebron manta
nga asay tuyo tiŋguha.

Dida na sira pag quita
si Ysabel ug si Maria
calipay nga uaray sama
san mga calag nga tagsa
sa guilayon inabraza.

Sugad man an calipayan
an bata niya sa tian
ni Ysabel nga bad-an
dida padao an bara-an
an precursor nga si Juan.

Ug ifimamolong layon na
ni Ysabel can Maria
ini an guin luas niya
oh, nganiya palaran ca
uray san mga babayi nga iba

Ug palaran nga totoo
inin buŋga sa tian mo
Jesus Hadi sa Mundo
manorobos san mga tauo
nga sa Dios nag liliŋgo

Nag baton man si Maria
pulong san patod niya
nganiya pag dayauon ca
sa Dios nga Amahan ta
pate mahal mo nga buŋga.

San ini na ig sayud
san Virgen Yroy ma-aghop
uaray paŋgiuas maŋ gud
hasta nga diri emabot
duha ca bulan an matapos.

Dida an buhat nira
sinin mag patod nga duha
pag asuy cabara-an la
ug paŋga muyo uay sama
sa Dios Guenoo Amay ta.

Lin macat na nanamilit
an mag asaua nga hiŋgpit
dida anay sira pag hapit
sinin boŋgto sa Nazareth
san cabotlauan uay saŋglit.

Ug san pira ca adlao na
an pag sagpon ni Maria
guilayon nasaygan niya
ug dayon man quinilala
higugma-un niya nga asaua.

Pagcasayud ni San Josef
cabtang san esposa nga hingpit
haros mauara ug mapinit
an dughan ug casingcasing
san cabudlay ug casaquit.

Ycamamatay niya isipun
canan Virgen pag ca sagpon
nag balic balic an domdom
uaray tuhay nga borohaton
san domdom ug caborot-un.

Ug an iya naisipan
andam nga di masina lamang
linacat sia panan-ao
ug si Maria baya-an
sa ira balay mag usa-an.

An daco nga cabaraca
sa domdom ug huna huna
nag tima pag guican sia
sa guilayon pinakita
usa nga Angel sa iya.

Oh Josef dica masamdong
con san Angel nga matahom
can Maria nga imo ti-ayon
dao salaming camatahom
an ca Virgen say guihaon.

Ug an casagpon sin tuman
nga imo nasa-sayuran
diri tauo an tag larang
canan Dios pag borot-an
san bata sa iya tian.

Amo ini con igauas
an totoo nga Mesias
si Jesus an ig nga ngaran
manonobos san ngatanan
san mga Anac ni Adan.

San casabot ni San Josef
sinin Meterio san lañgit
guinhaua sin uay sañglit
nacuha an bido saquit
calipay nacadarahig.

Layon inin mag asaua
si Josef ngan si Maria
mag ampo ug mgaraba
nag sañgpit ngan ma ngamaya
sa Dios nga Amahan ta.

Pag abugho tago lamang
ni Josef san Virgen mahal
sadang ta masus garanan
cay asay ta agsub agui-an
san tauo nga hino paman.

Con igo sa ca a ngayan
batasan camato-uran
an maghisayop totdo-an
diri sadang pag pabay-an
san tauo nga sino paman.

Ug con an sala san iba
malao-ay ig padayg ta
ngamara-ut labe uay sama
tago-un uaray comita
cay minahal an asaua.

Mga bugto co nga labe
a ngay ini pag tigam-ni
tauo nga madali dali
pamolong nga pag palabe
lauas manta niya ini.

AN PAG PACATAUO NI STA.
MARIA SAN ATON GUENO-O
JESUCRISTO

San may siam na cabulan
can Maria casagpunan
bo-ut naman nga masirang
yadton Mesias nga mahal
an Mundo babanauagan.

An nalarang na isipan
 san Hadi Tiberio Cesar
 nag pabando cadagmitan
 ngatanan nga nasasacupan
 Provincia ug bangto ngatanan.

Sa bando iguin pahayag
 mga tauo nga sino man
 mag pauli diri mag lañgan
 san bongto nira nga tuman
 cay mag bobohis ngatanan.



San somabot sinin tauag
 si San Josef naqui iuas
 opod an Virgen nga bansag
 guilayon sira nag lacat
 sa Belen namahuay gad.

Sinonod uaray suhay
 san sugo nga hin bati-an
 bisan sagpon nga carac-an
 ug bulan na nga tala-an
 san Yroy Virgen ma aram.

San tauo nag paca pobre
 an mag asaua nga potli
 nag panarit sira ngani
 uaray ni sino lin miñgi
 ni ira mga pariente.

Bisan con pobres culauan
 san gracia labing mangaran
 calag pate calauasan
 say labe pinopuy-an
 sa Dios sa calaangitan.

Nag paubos nga uay sama
 nag pasunod pag tamaya
 sadang pag pairan ta
 sa pag panañglit cuha-a
 san tauo dinhi sa tuna.

San uaray na quimadtu-an
 uaray nalo-uy sino man
 sinin ira pag cabutang
 dida sira pamahuay man
 gauas san bongto capiliuan.

May ada nira naquita
 luñgib sa guba ug cueva
 siroñgan san mga vaca,
 ug mga hayop nga iba
 dida pag casulod sira.

Ynin cueva nga natocdan
 dayon sira sinolod man
 cay asay pinile sin tuman
 sa Dios sa calaangitan
 san Virgen pañgañgan can.

Catut nga san cagabihon
 san mag damlag magpo-un
 isinirang san haraṅdon
 ni Jesus nga Gueno-o naton
 sa tian san Virgen maligdong.

Saguilayon sin miraṅna
 yadton adlao san Justicia
 cay babanauaagn niya
 an magsirom nga calagta
 nga na huhulug san sala.

Ynin cueva nag malambrag
 san pag sirang san Mesias
 matahom nga uaray sugad
 himaya tuman nga tuman
 camahamot naṅgaṅgalimuag.

Quinuha dayon guinogus
 san Virgen nga marahalon
 inin bata nga matahom
 ug pinotos niya dayon
 calipay nga uraya topong.

Cahimaya nga subrado
 bug-os nga laṅgit Imperio
 mga Angeles naṅgunsad sadto
 pag dayig sa Esterno Verbo
Gloria in Exelsis Deo.

Con бага sa macatuquib
 sinin ira guin a auit
 pag dayao sin uaray saṅglit
 sa Dios Hadi sa laṅgit
 sa hita-asan di maisip.

Dida may naṅguṅgocuy naman
 nga mga capastoresan
 sa bongto di harayo man
 nagmamaṅno nag babantay
 san hayop nga nag o owang.

Layon dira pinacada
 Angel matahom uay sama
 cay guin pasabot sira
 casayud nira pag quita
 nag cahadloc pinaṅgulba.

An pulong san Angel sa Dios
 diri camo mag cahadloc
 icalipay niyo lugod
 cay inabot na inolpot
 san sala asay manonobos.

Ynabot na ug guinauas
 sa Belen ipinaṅganac
 an guin huhulat nga Mesias
 busa niyan aṅgay gad
 mag da-ao camo sin hucas.

San casayud nira sadto
 nag pulong pulong toto-o
 si quita man comadto
 aton do auon an Niño
 Verbo manonobos san tauo.

Layon nag calacat naman
 sa Belen an quinadtu-an
 naquita nira hin tocda
 an Mesias nga mahal
 hinuhulid sa caran-an.

Casayud san ira isip
 han ubos nga mga pastores
 haros an mata manaṅgis
 calipayan di maisip
 san dughan ug casingcasing.

Nan hin haroc sa te-il pa
 sinin matahom nga bata
 tigaman nga pag quilala
 san mato-ud nga Hadi nira
 Dios nga guinicanan ta.

San catapos pag ludhan
 binaya sira guin mican
 tauo nga ig hitapo man
 ira guin sosomatan
 milagro ira hin quit-an.

An pulong asuy sa surat
 usa nga Profeta nagpahayag
 con omulpot an Mesias
 sa siniraṅgan sisirac
 usa nga astro maliuanag.

Tagna ñgadi hin babaru-an
san tolo nga ca Hadi-an
sa gab-i pate sa adlao
astronomia an quinaptan
naquita nira an pagsirang.

Sadton gab-e ñga pagancan
san Gueno-o Hadi Mesias
ancia na an casayuran
sinin tolo ñga palaran
san bitu-on bag-ong sirang.

Cay sa pagtan-ao nira
milagro ira naquita
dayon nagsipagtima

pag do-ao an tuyo nira
can Jesus Gueno-o Amay ta.

Ynin tolo ñga ca Hadi-an
an tuman ñga ira pagñgaran
Melchor Gaspar ug Baltazar
higrayo di ano lamang
tagsa nira ñga guin Hadi-an.

An tagsa ñga bongto nira
Persia Arabia ug Saba
sa sinirañgan san Palestina
tuna ñga maca o oñgara
urog sin lipay ug himaya.



AN PAG BUNYAG CAN JESUS

Can Moises casugo-anan
sugo ñga cabatasanan
con mahusto an ualo ca adlao
an isip tican ipañganac
an anac pag bobunyagan.

San catuman ñga mato-ud
an ualo ca adlao omabot
an Mesias na omulpot
guin bunyagan sa guilayon
an iguin ñgaran si Jesus.

San catuman ñga mato-ud
an ualo ca adlao omabot
an Mesias na omulpot
guin bunyagan sa guilayon
an iguin ñgaran si Jesus.

Yni an una ñga pag turo
sadton malinao ñga dugo
san Mesias ñga mga ñgaco
ancia naman an pagtampo
sa casingcasing gugma ñga husto.



AN PAG DO-AO HAN TOLO
NGA CA HADI-AN MELCHOR
GASPAR UG BALAZAR

San matuman na mahusto
adlao nga tuyo totoo
iguin anac san Verbo
guin do-ao ngan quinadto
san tolo nga Hadi Mago.

Sira diri mag aram
sadton ira guin lalactan
nagcarucayacan lamang
san pag hitarapo sa dalan
toñgud san bito-un guin sundan.

Pag camatulín subrado
san hayop nga dromedario
nga pinasacyan toto-o
san tolo nga Hadi Mago
sapag lacat nira ngadto.

Ug san ira pagcalacat
sa guba ug capatagan
mga buquid nga hagta-as
an siga nacabanauag
sadton bito-un masanag.

San ira na hitoñgdan
Jerusalem nga guin hadi-an
nauara sa cadagmitan
bito-un nga guin sosundan
nga mando nira sa dalan.

Nag dolom an caboquiran
naborong sira sa dalan
an tolo nga cahadi-an
an bongto nga hin ngadto-an
can Herodes guin hadi-an.

San harani na homapit
guin Hadi-an ni Herodes
nasayud sira sin hingpit
an canayunan natol-id
dalan para Nazareth.

Ug san sira harani na
guin carocayacan nira
tolo nga Hadi may gugma
si Herodes con masadang la
a agui-an, ig o opod ta.

Baton ni Hadi Baltazar
o o ancía an ca añgayan
pag hatag sin tinahuran
con ma opod o diri man
agud naton hibaro-an.

Ano pa san harani na
sa boŋto pag sulod nira
namahuay nag sugo pa
sin pinaca embajada
con mahimo maca entra.

Si Herodes nag baton
sugo san mga haradi-anon
nag dayon sira pag sulod
nga sabuton co ug masayud
catoyu-anan nira nga lubos.

Sa boŋto nag casulod man
pag quita paŋginano naman
pinaŋgisayud ngatanan
con hain di-in pag ancan
yadton mahal nga Mesias

Ug san pag casayud sadto
ni Herodes Hadi maliŋgo
pinasaca sa Palacio
an cahadi-an nga tolo
pinaqui-anhan con ano ito.

Camo nganiya nga in man
mga Hadi nga gamhanan
caruyag co hibaruan
aco sa dagmit asuyan
san iyo catoyu-anan.

An ibinaton san tolo
quinanhi cami nagtuyo
mag hahalad nga toto o
san iguin Anac nga bag-o
Hadi san mga Judio.

Ug an sin mirang mga cometa
tigaman iguin anac na
sa boŋto amon naquita
busa Hadi pag asuya
con hain dapit sia.

Ynin pulong san saboton
ni Herodes nga malimbong
bo-ut isip nahaborong
na arimoŋgot guihaon
pacadoŋgug sinin pulong.

Guilayon ipinatauag
an mga Doctor ug saŋgcap
iya pinaŋginsayuran
con hain dapit pag ancan
an inabot nga Mesias.

Pulong nga baton sa iya
ngatanan naŋgingilala
sa Belen dao di masala
tagna san mga Profeta
nga sa tribo ni Juda.

Casayud sinin maliŋgo
pag baton nga amo ito
namulong liuat sin bag-o
nganiya mga Gueno o
maupay pamati-an niyo.

An iyo guin bibiling man
nga sa Belen iguin anac
toto-o iguin pahayag
san Profeta si Miqueas
didto camo partadong gad.

Ug con iyo casayuran
balica aco iyo pagsayuran
cay si aco macadto man
pag do-ao ug pagtahud naman
san Mesias bag-ong sirang.

Cay si aco man mado-ao
macadto sin pagtan-ao
pate acon nasasacupan
te-il niya pag hahadcan
sa pag ca Hadi nga tuman.

Nanarit na sin pag lusad
mga Hadi nga palaran
calipay uaray catapusan
binmalic liuat pag sirang
bito-un nacabanauag.

San sira domatong na
sa Portal san Belen manta
dayon in mocoy dida
bito-un nga mando nira
nag dugang an camasiga.

Nagcalusad na pa ubos
 san sinacyan nira nga hayop
 sa portal nag casulod
 dida na sira casayud
 mahal nga Niño si Jesus.

Sa pag ca Hadi Supremo
 san bug-os nga Universo
 lin mohud nag tahud sadto
 te-il hinadcan totoo
 sadton mga Hadi Mago.

Guin halaran dayon nira
 bulauan incienso ug mirra
 an cetro nira ug corona
 sa te-il iguin halad pa
 can Jesus nga Amahan ta.

Guin halaran sin bulauan
 mathom nga Hadi Baltazar
 san pagca Hadi nga tuman
 pag capot sin cagamhanan
 bulauan sa calibutan.

Halad naman an incienso
 ni Hadi Gaspar sa Verbo
 sa pagca Dios nga toto-o
 malolo-uyon mañgañgaco
 san maginampu-un nga tauo.

Ynin mapait nga mirra
 halad ni Melchor ug dara
 san tuman nga pag catauo niya
 sa pag sacop pag tubos pa
 sa calibutan san sala.

Pag agui sin pira ca adlao
 san sinin ira pag do-ao
 can Jesus Hadi nga mahal
 nagpasabot panarit man
 san mag asaua nga bad-an.

Nag pauli nagecaguican
 an mga Hadi nga bara-an
 pageaturug nira hin mo-ucan
 pinocao sira sin tuman
 usa nga Angel nga mahal.

Con san Angel sa ira
 con si camo mag pauli na
 ug con camo mag cabaya
 si camo diri pomaquita
 san malimibong mapasipara.

San Hadi lorong masu-it
 tampalasan nga Herodes
 casingcasing haros mapinit
 san casina nga uay sañglit
 camo tatagan sin casaquit.

San ini na ig pahayag
 san Angel nga uaray sugad
 sa lañgit napahata-as,
 an mga Hadi nga palaran
 dayon sira nag calacat.

AN PAG DO-AO SA TEMPLO SA JERUSALEM NI GUENENG STA. MARIA SA PAGTUMAN SAN SUGO HAN BABAYE NGA ANAC AN PAGTAUAG PURIFI- CACION.

Batasan san unhan nga adlao
 an mga ñganac nga sino man
 dina sulod sa Siñgbahan
 hasta con diri matuman
 an cap-atan ca adlao man.

Ug con babaye an anac
 pamomolaton sin tuman
 catlo-an ca adlao ñgatanan
 ini an tugon nga hayag
 nga can Moises isinurat.

Con matuman na mahusto
 an mga adlao nga amo ito
 pag dodo auon sa Templo
 mag hahalad nga toto-o
 san matahom nga Cordero.

Con obos ug uaray mangad
 uaray sa Cordero halad
 tortula sadang lamang
 o pichon con asay man
 sa Templo ig hahalad.



San cap-atan ca adlao na
nga pañganac ni Maria
nag sunod ug natuman na
san pamatasan nga una
an pag ngaran ley antigua.

Pinotos na inin Niño
san Virgen nga mgañgaco
cay ihahalad sa Templo
sa Dios Amay totoo
Hadi san Universo.

Saguilayon naglacat na
si San Josef opod niya
duha nga Pichon an dara
san domatong naman sira
sa Siñgbahan nag dayon la.

San macasulod na sa Templo
si Maria nga mgañgaco
dayon quinogus na sadto
ni Simeon mathom nga tauo
an Mesias nga totoo.

Calipay di ano lamang
an can Simeon guin captan
an mata dayon isiniplat
sa Dios Amay nga maaram
namulong sacadagmitan.

Dios co Gueno-o nganiya
dagat san misericordia
quinabuhi co a anhon pa
cay acon na naquita
an magtutobos san sala.

¿Hain pa in quiquita-un co
labing matahom sa Mundo
con diri inin Anac mo;
inin guin cocogus co
ihinahalad co dimo?

Cay imo man caborot-un
nga sia an magtutobos
han ngatanan magsasacop
dugo niya an ma-agus
sala san calibutanon.

San catapos mag oracion
sinin bara-an nga Simeon
inin bata idinuhol
san Virgen nga marahalon
ug sia naman namulong.

Nganiya daco capinan
an dara mo nga calipayan,
condi labe mo nga cabiud-an
an imo nga dadañgatan
con an adlao omabot man.

Pag sacop pag tubos niya
pag panam con san mga sala
sahid niyo maquiquita
ngatanan dadat-angan niya
ni Jesus nga imo buña

Pacabate ug sabuton
san Virgen Yroy nga marahalon
sa casingcasing tinahus
ihinalad ug ilinohud
sa Dios; an Niño nga higugma-un.

Dios co Guenoo nganiya
Amay co nga hinigugma
an ma-aram si icao na
sinin hatag mo nga buña
Anac co nga hinigugma.

Cay ini caborot-un mo
nga san iya pagcatauo
niyan ihahatag co
ug ihahalad sa imo
inin bugtong nga Anac mo.

An ma-aram nala si icao
san iya ig cacabuhay
susundon an pagborot-an
si aco uaray pag suhay
cay anac moman nga lunsan.

Ynin Pulong san catapos
san Virgen nga Yrog sa Dios
binaton dayon pinotos
ug guin dara an ma-aghob
an Anac niya si Jesus.

An una nga casugu-anan
tohgud san Anac nga suhag
ihinahalad sa Siingbahan

busa panonobson naman
san Amay Yroy guinicanan.

Cay ini cabatasanan
huna huna-un sin maupay
cay o oboson pamatay
an mga anac nga suhag
san taga Egipto naman.

Con diri guin sugad hito
han Dios; an Hadi nga malingo
diri dida sa Egipto
nagcacabaya toto-o
Israelitas nga mga tauo.

Batasan ini nga guin sunod
san Virgen Yroy ma aghob
inin Gueno-o si Jesus
nag alagad sia nag sunod
san mga sugo ug tugon.

Han ini matapos naman
nag pauli sa cadagmitan
an mag asaua nga mahal
bongto nira Nazareth man
da-an nga pinopuy-an.

Tican sadton pag do-ao
sa Templo an Virgen mahal
daco an casamucan
san mga tauo nga cadam-an
sa Jerusalem nga bongto man.

Antinicanan pag dongug
canan mga pastores tingug
urug labe nga casayud
san damotang na omabot
tolo nga Hadi orud gun.



San hibati-an naman
ni Herodes tampalasan
linabe an casamucan
orug san dina agui-an
san tolo nga ca Hadi-an.

Bo-ut isip gomoc sadto
uaray anoman nganahihimo
an minaupay san malingo

papamugot san mga ulo
ngataman bata sa Reino.

Sugad nga buhat guin isipan
san Hadi nga uaray batasan
usa nga gabi-i si San Josef man
guin somatan nga gomican
usa nga Angel sa calangitan.



AN PAGCADTO SA EGIPTO.

Ug dida pina uco'y man
sa Egipto guin Hadi-an
cay bo-ut niya pugutan
san Hadi nga tampalasan
an bata nga bag-ong sirang.

San sabuton naman sadto
ni Josef potli nga Santo
nag biling sin usa nga asno
dida isinacay sadto
an Virgen pate an Niño.

Uaray pag paca aga man
gab-e an ira pag guican
camasirom nga disamahan
an suga nira nga camatu-uran
an dara upod nga gamhanan.

Sa buquid pag lacat nira
an Virgen napapagal na
can Jesus sin pag dinara
dayon idinohol niya
higugma-un nga asaua.

Sa cadadlanan nag a auit
ngatanan mga Angeles
di matapos an pag dayig
san Gueno-o nga uay sanglit
Hadi sa tuna ug langit.

An cahuy nga ina agui-an
magtala Yroy gamhanan
nan yuyocbo pag tahud man
daco an dara nga co udganen
san Gueno-o may pag borot-an.

Dinagud hapag asuy na
ngan dinatuquib sin dila
mga milagro binohat niya
sa Dios nga Gueno-o ta
san Egipto bug-os nga tuna.

San sira domatong na
usa nga bongto masaliyaya
hino nga tauo nga comita
can Jesus ug can Maria
nag lilipay hin uay sama.

San domatong na nga toto-o
sira sa tuna sa Egipto
ngatanan Dioses sa templo
iquinangirhat san mga demonio
nag caroromoc nag capidaso.

Si Sn. Josef ug Virgen nga tuman
pate si Jesus nga mahal
sa Egipto nag puyo man
usa nga bongto gute lalamang
guin pili nira ug inandam.

AN PAPA MUGOT NI HERODES SAN NGA TANAN NGA CABATA-AN.

Sa daco nga pagca orit
bo-ut ni Hadi Herodes
ni usa dinaca isip
dughan niya ug casingcasing
an caponingot uay sanglit.

Ano cay gomoc toto-o
bo-ut san Hadi malingo
sinosulod san demonio
nag larang sin sugad hito
han sacop niya ug vasallo.

Nag sugo ug nag patauag
soldados camagisganan
san pagca abot pinamulongan
nga niya camo ngatanan
saguilayon mag caguican.

Sa Belen comodto camo
panacpon niyo yadton tolo
ca Hadi-an nagca agui sadto
con uaray bisan an Niño
say dad-un sa atubangan co.

Adton bag-o nga iguin anac
nacacasamoc san ngatanan
nga san iba nasasayuran
an Mesias dao nga tuman
guin huhulat san ngatanan.

Guinican na an ngatanan
soldados nga guin sugo man
bongto sa Belen an quinadto-an
sa pag toruy caperitan
san bata nga bag-ong sirang.

Guin libot an bug-os nga bongto
buquid patag pinangadto
uaray ig quita an Niño.
nag balic an mga soldado
san Hadi lorong nag sugo.

Casayud san tampalasan
mabangis nga diri topngan
asay na liuat na larang
nag sugo san sinarigan
vasallos nasasacupan.

Pulong san Hadi nga lorong
pinangangaro niyan nacon
san acon mga soldados
inin Belen pag libuton
mga bongto pag osisahon.

Panac-un an cabablasyon
nga uaray gud calahusan
sa acon uaray somohay
mga bata nga hiquit-an
san quinabuhi caha-an.

Mag usa catuig o comolang
o mag husto duha catuig man
an bata dayon pugutan
an sa acon di mag tuman
san quinabuhi cocoha-an.

San Hadi sugo uay sama
diri sadang larison nga
soldados nag calacat na
an hin quiquit-an nga bata
dayon pinugutan nira.

Sinahid an balay sac-un
guin dayon hasta sa sulod
pamiling nira masucot
ug an bata nga quita-un
casaquit tatagan dayon

Gomoc ngatanan an bongto
camangiras pangin-yupo
dimag tong-ganan tauo
sang panangis ug pag bac-ho
Amay Yroy mga bugto.

¿Canay matig-a nga bo-ut
an dimatunao homomoc
con macaquita masayud
an dugo sugad sin agus
pinamugutan nga Niños?

Daug an laga san puthao
bo-ut sinin tampalasan
uaray calo-uy ni gote man
sanglit asay hin ngad tu-an
an casaquit nga di tupngan.

An caisipan toto-o
bata nga pinatay sadto
pulong ni Salmero sabio
cafin sin upat karibo
anag camatay sadto.

An dugo nanamiguis
mga Niños inocentes
an dinat-ñgan ni Herodes
iquinada sin masakit
olod sa lauas natabid.

Casamdanon an lauas
mabaho ñga uaray sugad
diri sadang hirani-an
san ngatanan guin lilicyan
an iya pagca butang.

Yni an bayad ug balos
san buhat nga di matadong
sinin Hadi nga malopot
labi nga casaqitan gud
sa langit sia uaray sangpot.

!Ba-a malupig uay sugad;
!ba-a Hadi ñga uaray palad;
!ba-a lorong ñga mananapi
!ba-a si icao nabihagi
¿ano dicana macacahubad?

¿Ano an imo hunahuna?
¿ano an imo larang pa?
¿ano nga casaquit mona?
¿ano nga namulong ca
an malimbong mo nga dila?

Ynin imo hinihigda-an
ini an pag pa ampo man
ini an cia an cabayaran
laga san pungot nga tuman
ini an imo dadangatan.

Calayo nga di matapos
calayo san pungot sa Dios
calayo san buhat nga mara-ut
calayo say mag susunog
Hadi malimbong nga hayop.

Hadi nga uaray pag isip
Hadi lorong ug masuit
Hadi nga uaray masanglit
Hadi nga uaray pagcapaid
san dugo han inocentes.

Busa asay dinat-ñgan mo
sakit bido sa infierno
lorong masaclin nga tauo
an isug mo dao calayo
an pungot ni Jesucristo.

Amo ini an panigam nan
san malabha nga sino man
coha-un ini nga cabtang
cay diri, an dadangatan
sa infierno nga casaqitan.

San mamatay na matapos
an Hadi nga uaray haros
sa Egipto quinonsad gud
usa nga Angel sa Dios
guinaui-an nagtatahud.

Quinadto san higda-an
si San Josef nga bara-an
canan Angel guin sayuran
sin pulong nga camahalan
amo ini an guin yacan.

Con san Angel can San Josef
pag bangun anac ni David
cadto camo pag balic
ug omoli sa Nazareth
humalin camo sin dagmit.

Uaray na cay namatay
an Hadi nga tampalasan
nga nag saquit san bongto man
si camo mag balic naman
san da-an nga pinupoy-an.

San casayud casabot gad
san da-an nga pinopuy-an.
ni San Josef nga may palad
sa Virgen dayon nag pahayag
nga mag dagmit pag lacat
opod ngahao an Mesias.

San nacadto sa dalan
ira liuat matahapan
ang bongto sa Jerusalem man

cay an Hadi si Arquelao
anac sadton tampalasan.

Naglipas sira sin dalan
quinadto ngan nagdayon man
bongto nga sadang hunongan
lugar nga sadang pag puy-an
sin balay nga gote lamang.

An Nazareth an quinadto
bongto nira nga toto-o
cay sapag catauo sadto
tatauagon Nazareno
mabaue san mga tauo.

Balay nga guin bibiling nira
da-an nga pinoy-an pa
uaray cabalhin nacada
dida sira pag casaca
si Josef ug si Maria.

Dida an Niño si Jesus
sapag alagad pag sugat
mga sugo nga mato-ud
firme sa dughan ug bo-ut
mag asaua may gugma gud.

An mga Evangelistas
san nadaco na an Mesias
natubo ngan nahata-as
gracia hibaro uay sugad
sanglitan cay sa Dios anac.





AN PAG DO-AO SA TEMPLO SA JERUSALEM.

San napulo cagduha mahusto
catuig an edad ni Cristo
an mag ti-ayon quinadto
sa Jerusalem nga Templo
usa nga adlao hin Pasco.

Opod sadto sin pag lacat
si Jesus labe ca an-yag
an harayo guin antos gad
sapag sunod nga uaray sugad
han mga cabatasanan.

San domatong na sa Templo
sin mulod sira an tulo
ug nanga ngamaya didto
sa Dios Hadi toto-o
san bug-os nga Universo.

Ug sadto san mataliuan
an fiesta nga iguin tug-an
ngada-an cabatasanan
sira nanguli naman
san da-an nira nga pinopuy-an.

Didto na inin Verbo
napacauara sa Templo
u aray abta nga toto-o

mag ti-ayon uaray sabut sadto
layon sira naharayo.

Caborut-un nga dayag man
inin tuyo san matuman
san Amay han calangitan
busa inin Dios anac
sa Templo pinabilin gad.

Ug san himangno na nira
nira Josef ngan si Maria
dida san pag lacat nira
nga diri nira opod na
si Jesus nga Gueno-o ta.


Sadto an Yroy nga palaran
an casingcasing linon pan
layon nag tangis sin tuman
an domdom haros matunao
san di pag quita san anac.

Ug si San Josef nga Santo
an cabaraca subrado
san diri pag quita san Verbo
dughan бага nag loloc-so
san daco nga pag cabido.

Sadto san iquina buas na
nga gayud san ca aga
sira naman nag calacat na
sa Jerusalem an pangita
san anac nga nauauara.

Ug uaray sadto ig quita
inin Anac ni Maria
cay diri an huras pa

may guin lalarang niya
Mesterio diri pasipara.



AN PA PAG BILING NI JESU-
CRISTO SA SINGBAHAN
SA JERUSALEM.

Tulo ka adlao nga husto
an pag cauara ni Cristo
dinayon sira sa Templo
didto hin quit-an totoo
calipay nira subrado.

Sa liburan napabot nga
san mag aram nga iba
cay bisan sia bata pa
sang cap sa pag pulong na
ug mato-ud con mamolong sia.

Dina-ug niya toto-o
camag araman ug Docto
tinic-lop an mga libro
sang litan pa ngani an Verbo
Dios ug Hadi nga toto-o.

An ngatanan naquilala ..
quinadto ngan mag tahud diya
an pulong san tagsa tagsa

hin-o hini nga nira
an tag anac sa iya.

An sugad nga pag harampang
dinayon pahara ni-an
san Virgen Yroy nga palaran
ug nasay-gan san ngatanan
ini an iya guin yacan.

Bantug nga niya nga anac co
ano cami nga guin sugad mo
aco pate an amoy mo
baga lorong cami toto-o
san pag pinamiling dimo.

¿Ano nga amon sala
nga uaray mo maupaya,
ay ano nga binulag ca?
tulo ca adlao nga po-un na
nga amon sa imo pangita.

Dayon niya pag baton
ni Jesus san Virgen Yroy
amo ini an guin pulong
ano babaye nga la-ong
an pangita niyo dacon

Da-an si camo ma-aram
bisan con aco guinican
uaray coman quinadtu-an
condi pag sunod co pagtuman
sa Dios amay co nga mahal.

Ynin pag asuy nga hingpit
uaray pacag pulong an Virgen
quinaptan dayon hin dagmit
ni Maria ug ni Josef
ug nanguli sa Nazareth.

Natubo quina-adlao man
ini si Jesus nga mahal
hino man uaray masuhay
han sugo bisan ano man
san Amay Yroy nga tuman.

Ug iguin asuy sin hingpit
san Evangelio iguin sangpit
ni San Mateo guin tuquib
nga inin Verbo nga mahamis
Et erat subditus illis.

Saca mato-uran ancia
ini si Jesus nga Amay ta
toto-o nga Dios sia
nag alagad nag sunud pa
can Josef ug can Maria.

Ug an bug-os nga paghigugma
pag tuman sin uaray sama
ni Josef ug st Maria
sin gute uaray ca cuha
san domdom nira an duha.

ARAL

Oh anac nga malares man
san Amay Yroy guinicanan
dinhe imo nasasay gan
buhat nga pag pa ubos lamang
sinin Dios nga ma-aram.

Hiya Hadi uay sama
sa langit pate sa tuna
ngatanan nga buhat niya

pamatasan niyan obos la
paghatag pananglitan la.

Ycao malinaresnon man
uaray gute nga talahuran
san Amay Yroy nagataman
con sugu-un ca cafinan
ngorob ngutob bobondoc man.

An pulong o usa pala
amay Yrog nag alila,
an sagbang mo sacaribo na
pag ato mo nga uraura
ug pag suhay sa ira.

Yni tampalasan ca
ug hata-as nga hunahuna
oh anac nga malabha
batasan mo guiraraute la
mahibang sa imo manta.

Con diri mo pag ibanan
balico mo nga pamatasan
toto-o nga imo hicacaptan
an ngatanan nga casaquitan
sa adlao nga caurgi-an.

Sadang mo icabaraca
domdumon pag hunahuna-a
casaquitan ngatanan na
nga guin antos guin aguanta
han Amay mo ug Yroy pa.

Bisan pa pagtadtaron mo
unod pate totul-an nimo
ngatanan mo nga barahibo
dipa sadang ipacabayad mo
san casaquitan tongud sa imo.

Con diri mo pag liuaton
inin imo camalinarisnon
diri camanta sasang cayon
si icao é iba ibahun
sa Dios nga Gueno-o naton.

Busa niyan ca-angayan
si Jesus aton pag sug-an
pag alagdun ta sin tuman
ano man nga casugu-anan
Amay Yroy nga nag ataman.

ANG PAGCAMATAY NI SAN JOSEF.

Han harani na pagualihan ni Jesus an catauhan bo-ut niya nga casaygan an iya pagca Dios man mga tauo may casal-anan.

Condi an castos nga Esposo Amay san gugma san tauo si San Josef bara-an nga Santo sinabot man niya toto-o an dadangatan san Vergo.

Cay diri pa naquiquita ni Josef cadam-an ngapagsaquita can Jesus nga iya pina-ura inaro, an bug-os nga gugma hiya an mamatay ha una.

Cay diri man é ilubon ni Josef mainampo-un nga con iya pag quit-un casaguitan nga dadangaton ni Jesus iya higugma-un.

Han pag ampo nga matahom ni San Josef nga urodogun dayon naman inabuyon an Dios nga malolo-uyon han sa-ad niya nga marig-un.

Ancia an tinicangan na han pagca saquit na niya minangnu-an nga firme na ni Jesus ug ni Maria si Josef nga hinigugma.

Condi ini an husto an mahamis nga esposo pinalanga nga toto-o san Gueno-o Jesucristo si Maria nga mgangaco.

Labe na nga uaray sugad casaquit sinin palaran dinag papas an hiragnat ini ancia an hucas quinabuhi ma o otas.

Diri sia binubulagan mag tala Yroy bot-anan san pag ataman nga tuman san iya pag himatay hasta, san quinabuhi ca-utdan.

Uaray matanding masama sadton pagcamatay niya da-ug an Santos ngatanan na sa camot mag ca Yroy pa gomican an calag niya.

An calag nga uaray sanglit san bara-an nga San Josef guin tapo san mga Angeles dimatapos an pag dayig calipayan nga dimaisip.

Ngan ira ibinutang sa Seno ni Abrahan dihapag asuy lamang an pagcalipay ditop ngan san ngatanan nga bara-an.

Si, San Josef an ciapa nga nag bantug nag notecia san mga Santos Profeta nganiya ma-abot na an magtutubos san sala.

Dida an naisipan san lubos nga panomduman dina magdudugay man dayon sagaliuanan ira mga casaquitan.

Ano pa san mamatay na an esposo ni Maria iguin lubong guilayon na si Jesus man upod pa nag panangis an duha.

Cabatasanan ngatanan na guin sunod san Virgen Yroy ta nag lut-o dayon sia tigaman san Hinigugma can Josef nga iya asaua.



AN PANOTDO NI SAN JUAN
BAUTISTA DIDA SACADAD-
LANAN, UG PAG BUNYAG
CAN JESUCRISTO.

Si aco nga niya lamang
an can Jesus guin sugo man
pina pag a andam ngada-an
nga mag hahauan san dalan
nga iya pag a agui-an.

Ynin ipinamomonuyag co
tubig matahum toto-o
condi con comanhi an ito
an ihahatag san tauo
an gracia iya pag acoh.

San ini ig padayag
sinin Bautista ig lua,
usa ca adlao camatu-uran
con umabot an Mesias
an tuyo pag pabunyag.

Si Jesus san pag quita-a
uaray na quiquilala-a
ni Juan nga patod niya

an bo-ut nagroha duha
pinangintocud layon na.

Labe na san hibati-an
adton pulong nga guin yacan,
aco bunyagan mo Juan
dida pag mato-ud naman
patod niya nga camato-uran.

Natingala ug nan lomo
inin ma-anyag nga Sante
nganiya cay ;ano ito,
pabubunyag ca Gueno-o
sa uaray horos nga tauo?

Ancia an ca angayan
si aco imo bunyagan
san mga camot mo nga mahal
sa pag ca Dios nga tuman
sa pagca tauo lamang.

Binaton pa inin Verbo
Juan aco alagdon mo
sinin ina aro co sa imo
nga masusgaranan toto-o
aco san ngatanan nga tauo.

Uaray na baton si Juan
san iya patod nga lunsan
linug song sira nag atabay
ngadto han salug sa Jordan
si Jesus na binunyagan.

Yomongud san pangpang
an langit dayon binocsan
ug an Espirito naman
quinonsad ug mag saysay
can Jesus Gueno-o nga mahal.

Ug dinongug naman sadto
tingug san Padre Eterno
an pinamulong san Verbo

ini an pulong co Anac co
minahal ca nga toto-o.

Calipay ngadi ano lamang
san bug-os nga calangitan
Angeles nag araguitan
pagdayig uaray pahu-uay
san Mesias nga ma aram.

San matuman na matapos
an pag bunyag can Jesus
nag lecencia man dagus
san iya lunsan nga patod
mahigugma-un sin lubos.



NAPAPAG SULAY SI JESUS SAN DEMONIO DIDTO SA BUQUID.

Nag dayon sa cabuquiran
Si Jesus Gueno-o nga mahal
ug nag culacion sin tuman
cay napapag susulay man
san demonio tampalasan.

Ano pa san dumatong na
sa buquid nga guin tinguha
dayon sinulod sia

sa usa nga lungib o cueva
dida pag ampo pangaraba.

Uaray ca un ni gute man
dida san pag ayunar
pirao gutom pate uhao
guin antos niya ngatanan
sadton cap-atan ca adlao.

san matuman na toto-o
an pag ayunar mahusto
nagutom naman si Cristo
dida na guin sulay sadto
san malimbong nga demonio.

Naquipariho an bayhun
 san tauo adton bua-un
 бага тигоранг pag quit-un
 dinara-un sia dayon
 can Jesus layon mamulong.

Oh higugma-un co nganiya
 sapag sabot co anac ca
 sa Dios Gueno-o Amayta,
 ano nga icao nag a aguanta
 gutom uhao ngatanan la?

Toto-o natatago man
 sa surat nahamomotang
 con mahihimo diri maglangan
 nga imo pulong lamang
 tima ug himo ngatanan.

Busa niyan an pulong co
 nga ino ungara sa imo
 sa dagmit buhaton nimo
 nga maguin tinapay an bato
 may panga unon ta toto-o.

Binaton sia layon naman
 sadto, ni Jesus nga mahal
 nga niya diri lamang
 san tinapay mabubuhi man
 an tauo nga sino paman.

Condi an calo-uy sa gracia
 mga mahal nga buhat ta
 sa Dios Hadi uay sama
 ancia an icabubuhay nga
 san tauo nga binuhat niya.

San dica tuman toto-o
 limbong daya san demonio
 nag larang liuat bag-o
 dayon guin dara si Cristo
 sa Pinaculo nga Templo.

Con бага sa catadungan
 an Pinaculo nga iguin tug-an
 ancia an cahita-asan
 nga boveda han Singbahan
 sa Jerusalem nga bongto man.

San nacadto na si Cristo
 guin sulay liuat sin bag-o
 san malimbong nga demonio
 bo-ut niya nga dag-un sadto
 an guin pulong amo ito.

Nganiya con mato-ud ca
 nga icao gud an anac niya
 sa Dios Hadi uay sama
 pomacahulug ca hin tigda
 tican dida angadi sa tuna.

Cay naha asuy sa surat
 nga diri ca ma a ano gad
 con toto-o ca nga sa Dios Anac,
 pupugulon ca ipabahata-as
 san Angel niya nga alagad.

Bin maton si Jesucristo
 san madaya nga demonio
 an guin pulong amo ito
 ngan ayao pag sulayon nimo
 an Gueno-o nga Dios mo.

Ngan sadto san hidongan
 san demonio nga tampalasan
 an pag sulay binalic man
 ug si Jesus iya quinaptan
 guin dara sa cabuquiran.

Dida san buquid nga ito
 iguin patan-ao san Verbo
 san madaya nga demonio
 san borobongto ug reino
 camangaran nga toto-o.

Nganiya si aco lamang
 may gahum nga guin cacaptan
 sinin mangad nga cadam-an
 nga iyo na guin quiquit-an
 sa bongto nasasacupan.

Sumpay nga pulong guin sabi
 san demonio nga palabilabi
 pulong can Jesus amo ini
Hac omnia tibi dabe
si cadens adorareris me,

Con бага sa catadungan
sinin malingo tampalasan
nga con caruyg mo captan
mga mangad nga é ini man
si aco imo pag ludhan.

Con aco pag tahuron mo
ug lomuhud sa atubangan co
diri mag sasayup nga toto-o
ihahatag co sa imo
dinhi an mga mangad co.

Ug ini san casayuran
ni Jesus ini nga cabtang
guinamit an pagca Dios man
ug bug-os nga cagamhanan
binaton an tampalasan.

An sa-ad nga lugaringon
san demonio nga malimbong,
bin maton ngan pag asuyon
ni Jesus nga Gueno-o naton
Vade Satanas nga la-ong.

Sacatadungan toto-o
ngani Jesus san demonio
Satanas iuas ca ngadto
paharayo sa atubangan co
tomadong ca sa infierno.

Agud hibaruan mo nga da-an
sa surat naha momotang
an Gueno-o nga Dios lamang
tacos pag ludhan sin tuman
sa adlao gab-e pagtahuron man.

San pacabate san demonio
san guin pulong ni Cristo
nahaparaptay nag lomo
kahadlucan nga subrado.
cahadlo-can nga subrado.

Nasay gan an guin isipan
san demonio tampalasan
nga si Jesus tauo lamang
urug nga tinatabangan
sa Dios sa calangitan.

San matima ug matapos
han pag da-ug na ni Jesus
san demonio nga malupot
sa langit quinonsad dagus
Angel nga sinugo sa Dios.

Nag cacanta nag a auit
cadam-an mga Angeles
dara tinapay ug tubig
nag hunahuna nga may saquit
an amay nira uay sanglit.

Quina-un sa guilayon man
si Jesus sadton tinapay
ug sin tubig ininom man
nag pasalamat sin tuman
san Amay sa calangitan.

Sa buquid san nacadto
an Gueno-o Jesucristo
sa Jordan guin osisa sadto
ug si San Juan nga Santo
san mga limbong nga Julio.

San maquita ug casaygan
san fariseos ngatanan
mga buhat nga bara-an
han precursor nga si Juan
dida sa salug sa Jordan.

Guin osisa san ngatanan
fariseos ug escribas
sa bo-ut nira guin hingyap
san mato-ud nga Miseas
si San Juan anag bunyag.

Busa an guin isipan
nga ira cacadtu-un man
pinaqui-ana pangin sayuran
ang pag abot con san-o man
nangin tucod can San Juan.

Nga nira si icao Gueno-o
¿icao ba si Jesucristo?
ngani Juan diri si aco,
pag sumat icao con hino
¿con si Elias ca nga Santo?

Ngani San Juan palaran
 aco diri si Elias
 diri Profeta nga bansag
 Voces aco nagtatauag
 sadton mahal nga Mesias.

Si aco ancia lamang
 an nag hahauan san dalan
 nga iya pag a agui-an
 busa an ca-angayan
 mag liuat camo sin batasan.

Han sabuton na ug mabatid
 san mga embajadores
 layon nanguas nga pirit
 buhat ni Juan nga hingpit
 pag bunyag con may nasarith.

AN HITONGDAN HAN PAG CADTO SA GALILEA NI CRISTO.

Ano pa san hibati-an
 nag hunahuna si San Juan
 si Cristo nag bangun man
 nag lacat tinadong lamang
 sa Nazareth nga hita-asan.

Ngan sadto ana isipan
 sa Capharnaum gumican
 ug didto nag ocuy lamang
 pag biling san guin sisid man
 san may mga casalanan.

San harani na pag saygui
 sinin gamhanan nga labe
 nga ni Juan amo ini
 Pulong *Ecce Agnus Dei*
qui tollis peccata mundi.

Ypimanotdo san tauo
 pag kit-a inin Cordero
 an Dios nga mga ngacoh
 nacacauara toto-o
 han casal-anan sa mundo.

Si Jesus iniuas dagmit
 ug inuli sa Nazareth
 ini naman si San Andres
 mga orupod dinapit
 san Gueno-o nag sunod pirit.

Condi yadton opod pa
 ni Andres con sino daola
 pulong san mag aram nga iba
 ini diri magsasala
 si Juan Evangelista.

Yni nga duha an inupod
 ngadto san balay ni Jesus
 didto na sira casayud
 san Virgen Yroy ma-aghop
 calipayan nga di matapos.

Didto sira guin ualihan
 ni Jesus Gueno-o nga mahal
 pulong nga guiguin haua-an
 san catapos dinayon man
 sa pag calacat pag guican.

Calipayan uaray sama
 san mga calag nira
 an binuhat guilayon na
 ni Andres guin paquita
 si Simon nga bugto niya.

Sa daco nga calipayan
 nga guin huhuna huna-an
 si Simon guin hitapo man
 dayon niya guin asuyan
 pulong *Vidimus Mesiam.*

Sa macatuquib con бага
 amon nganiya naquita
 an Mesias nga matahum na
 busa sangcay alagad la
 cay basi ca comilala.

San pag cacayud cabatid
 ni Simon han asuy ni Andres
 inupod sa Nazareth
 dida sira paghapit
 canan Maestro guin sangpit.

Can Jesus ipinahayag
Simon dimo an pag tauag
nga can Jona caman anac
tican niyan Cephas
ngaran dimo ig tatauag.

Ynini Cephas pulong co
nga iguin ngaran sa imo
an cahulugan hi Pedro
cay sapananglit sin bato
camatig-a nga subrado.

San ini ipamulong man
sadton mahal nga Mesias
didto sia pinahulat
san mag hapun ug magdamlag
guin totdu-an ug guin ualihan.

Sadto san pagca aga
si Jesus man linacat na
yadton tolo nga upod niya
si Felipe iguin quita
sa bangto sa Bethsaida.

Sinangpit naman an ito
san Gueno-o Jesucristo
Felipe aco sundon mo
inalagad nga toto-o
si Felipe sa Cordero.

Sa usa naman ca aga
si Nathanael iguin quita
ni Felipe nga may gugma
sinangpit guilayon niya
ini an guin pulong pa.

Ngani Felipe abian co
nasayuran san mata co
nga si Jesus Nazareno
igiun tagna nga toto-o
san mga Profeta Santo.

Pulong ini nga dayag
ni Nathanael nag luas
lano sa Nazareth hayag
inin mahal nga Mesias
sa bongto nga pasimang-gad?

Diri ba nahamomutang
sa Escritura nahadadayag
con omabot an Mesias
sa Belen diri magauas
san Virgen ipanga nganac.

Nga niyan iguin pulong mo
nga hiya Nazareno
ngani Felipe cay oo,
gamhanan nga toto-o
sa Galilea macadto.

Con bo-ut ca comilala
sa acon omupod ca
dayon naman na quita
si Jesus sinangpit niya
ni Felipe nag asuy pa

An ibinaton ni Cristo
an guin pulong amo ito
nganiya pag quit-an niyo
an Israelitas nga tauo
sa acon nadara-un ito.

Si Nathael nag saysay na
Maestro, hain nganiya,
aco imo naquiquilala?
ngani Jesus sa Higuerra
dida co icao quiquita-a.

Didto pag ampo-un mo
sa Dios Hadi nga Amay co
ipaquiquita sa imo
ngan ipaquiquilala con hino
an Mesias nga toto-o

Sugad nga pulong guin sabi
ni Jesus gui mamahale
an calipayan gui dadaco-i
si Nathael nagdayig ngani
pulong tu *ex Felius Dei*.

An isinompay nga pulong
tu *ex Rex Israel* ngala-ung
con baga bibinisay-un
Anac sa Dios nga bugtong
ug Hadi san Ysraelnon.

Pag casayud san sugad siton
nag balic na an harangdon
si Nathael pala iton

ngan Bartolome Opostol
pahayag san quina admananon.

—oOo—



AN MILAGRO NGA GUIN BU- HAT NI JESUS SA BONGTO CANA-A

San si Jesus na humapit
sa bongto niya Nazareth
nangupod sira nga parit
an lima nga Apostoles
hinigugma niya sin hingpit

Sin usa ca-adlao sira
sa usa nga boda quinombida
upod an Virgen Yroy ta
dayon nag calacat na
ngadto sa bangto Cana-a.

San sira domatong naman
san nag combida nag andam
san panga-un oras bilang
an Virgen pinalin cod man
ug si Jesus an cahampang.

Pagca maribhung toto-o
mga tauo nag pacadto
alac-siw quinablas sadto

maca arouod maca a alo
sinin mahal nga desposado.

Pag casayud ni Maria
hinoringn an anac niya
anac co nga hinigugma
dinhi uaray alac siw na
ca a alahan an may bodo.

An ibinaton ni Cristo
Yroy pag a anhun co
uaray gud man ni ano
sa acon sugad man dimo
san nacocolang nga ito.

Cay diri paman nadatong
an oras nga gusto nacon
ini sadto san sabuton
san Virgen nga marahalon
mga buhat nga matadong.

Pina nangpit layon layon
san Virgen Yroy maligdong
serbiente sa lamisa nagtambong
ngatanan iya guin tugon
amo ini an guin pulong.

Nganiya mag sunod camo
san ano man nga ig sugo
ni Jesus nga Anac co
agud masayud si camo
hibabro-an nga toto-o.

An ini nasaygan nira
napaharani sa lamisa
si Jesus nag quiquita
nag huhulat pag sugo-a
ano man nga sidngun niya.

Yguin sugo san Verbo
nacada nga mga tauo
nganiya panodlan niyo
mga tadyao nga é ito
sinin tubig nga toto-o.

Nag alagad uaray suhay
inin mga guin sugo man
pinangamon pinarodlan
an onom nga mga tadyao
ug ira pinanubigan.

Yni an milagro nga una
buhat san Hadi uay sama
sa usa capamulong niya
ang tubig naman dayon la
naguin milagro alac siu na.

Nag panginom nga toto-o
an cadam-an nga mga tauo
an calipayan subrado
nag dadayig nga toto-o
san Gueno-o Jesucristo.

San matonud na an adlao
sira nag pauli naman
an ira guin domatungan
nga asay quintadong lamang
Nazareth nga pinopuy-an.

Con san nangingilala
nga tag ada sadton boda
si Juan Evangelista
iquinasal sin daraga
nga mahusay ug may gugma.

Condi bisan iquinasal
uaray pag opod sin balay
cay ini naman si Juan
diri sia nabulag man
san Maestro niya nga mahal.

Ano pa cay iguin pahayag
camaupay bo-ut san Mesias
san mga bongto masirang
an lubos nga camalambrag
macacali-ao san ngatanan.

Ug sia an magpapat-o
san pagca Dios ni Cristo
si Juan patod nga suho
nga nag pasabot san tauo
sinin mahal nga Misterio.


ANG PANATDO NI CRISTO SAN MGA BABAYE SA MARITANA.

An borobongto guin libot
san pañotdo ni Jesus
han adluoy napapagal gud
guininhaua ngan lomingcod
dida sa atabay ni Jacob.

Dida iya iguin hibagat
babayi may casal-anan
Samaritana an ngaran
sapag abot dayon naman
sinangpit ngan pag ualihan.

Ug an binuhat sadton
dalan sadang quilala-un
iya naman pinainom
an ino uhao nga mato-ud
tauo may sala nga gayud.

An cadam-an mag ngil-ad nga sala
an taga Samaritana
dayon ipinaquilala
ni Jesus Gueno-o Amay ta
pina pag basul manta.



Ynin babaye layon man
an beso iya binaya-an
dagmit sa bongto sinulod man
nag pasabot san ngatanan
yadton milagro hin quit-an.

Nahabantug san ngatanan na
cabu-utan quina adman niya
hinoman nga tauo nga comita
sahid natatahud na
can Jesus Gueno-o Amay ta.

Ynin Dios nga ma aram
nag puyo duha ca adlao
dida sa bongto sa Sicar
mga tauo pinanotdo-an
ug pinapag milagrohan.

Condi an mga hebreos
ug mag pintas nga fariseos
nag suso-ut an mga bo-ut
san milagro nga nahabantug
sinin malalo-uyon nga Dios.

Ynin Gueno-o uay sanglit
usa ca adlao sinampig
sa dagat sa Tiberiades,
dida naquita si Andres
bugto ni Pedro nga hingpit

Sa tubig ira guin boclad
an ira pucot nga andam
dida na ira nasaygan
nira an Gueno-o nga Mesias
nag sunod uaray tinipahan.

Linacat uaray tala-un
ipin Gueno-o naton
pate upat nga orudgun
napacadto nag dayon
sa bongto sa Capharnaum.

Didto san domatong na
sinulod sa Senagoga
ug nanotdo san ngatanan na
ngatanan nag tahud diya
kaborot-un cabantugan niya.

Yni an iguin pahayag
ni San Marcos iguin surat
cadam-an nga tauo nangarauat
ug mamati san ngatanan
San Gueno-o nga Mesias.

Dinhi san sini nga bongto
may pinapag upay ni Cristo
sin panulay sinulod sadto
an lauas siton tauo
namamalay an demonio.

Ug ini san buhaton na
ni Jesus Gueno-o Amay ta
guinican sa Sinagoga
ug ngadto nag dayon sia
san balay ni Pedro manta.

Dinat ngan naman sa balay
an can Pedro ogangan
masaquit nag hihimatay
pinapag upay layon man
nag serbe sa lamisahan.

Sadto san quina buasan
dida han can Pedro puertahan.
nacada tiroc ngatanan
mag saquit nga uaray caisipan
mga tauo sa bongto man.

Pinapag upay guilayon
san sinin Gueno-o naton
mga tauo nag panguli dayon
calipayan nga uaray tupong
sa casing casing ug domdom.

Ug binaya dida dayon
sang bongto sa Capharnaum
sa galilea nagtadong
si Jesus Gueno-o harangdon.
pag ca batlao uaray topong.

Didto cadaman-an uay sama
milagro guin buhat niya
labot san pinapangupay pa
nga magsaquit ug patay na
pinamanhao guilayon la.

Ug san sira na magbalic
san dalan sa Nazareth
dida naman natuquib
tauo namati sin hingpit
panotdo niya uay sanglit.

Pagcadamo nga subrado
nangupod nga mga tauo
an binuhat sinin Verbo
sa Barca ni Simon Pedro
sinacay sira toto-o.

Sa tabi san cadagatan
mga tauo guin ualihan
san matapos dayon man
pinalauod dayon naman
ug sira pinamulongan.

Ynin pucot mo nganiya
Pedro iyo hulogun na,
ngani Pedro nga may gugma
cami Gueno-o mag damlag na
uaray nadacop bisan usa.

Condi Gueno-o aco masunod
san imo sugo pag bo-ut
dida dayon hinacbot
ni Pedro ug hinulog
sa lauod an iya pucot.

San pagcaboclad na nira
pucot uaray casasa-ug na
san camabug-at uay sama
pinatambulig layon na
orupod niya nga iba.

Cadam-an nga labe na
nadacop nira nga isda
guin sudlan duha nga barca
mga tugub nga orawa
milagro maca orosa.

Dida guin dayigtoto-o
an Gueno-o nga Maestro
pagcalipay nga subrado
tican sa te-il ug ulo
han Santa Yglesia ni Pedro.

Ynin isda nga cadam-an
Pate barca nga sinodlan
diri iba cnodi ladauan
han Santa Yglesia nga mahal
bug-os nga ca Cristianosan

Sin usa nga ca-adlao sadto
sa Capharnaum nga bongto
asay ni Jesus quinadto
tuyo pag uale didto
may casal anan nga tauo.

San tuman nga paghigugma
nga iya pag hunahuna
cay diri na hahamtang pa
dao nabaringat sia
san iya calag paghiongara.

Ynin cadam-an toto-o
mga tauo nga nag tuyo
usa nga paraletico
madara upat catauo
pina atubang can Cristo.

Sadto san iya pag quita
si Jesus nasayud na
may saquit tauo nga niya
an ngatanan mo nga sala
acon iguin perduna.

Ynin polung san sumabot
san Escribas ug Fariseos
nag casina ug nag humot
hino nga nira macaca cuha gud
san sala condi an Dios.

Ynin tauo nga minahal
mag pasalio nangahas
an iguin polung san Mesias
niyan si camo na-abat
cagamhanan nga uay sugad.

Pinamolungan na sadto
an inin paraletico
layon mag bangun ca tauo
dad-a dayun an banig mo
ini an sugo co dimo

Yni san ma ipamolung
paraletico nag bangun
pinas-an an banig dayun
ug nag dayon sa guilayon
sinin Gueno-o nga matahum.

Nag lacat na guinican
nga sa bongto pag uli man
cada iguin hihitagpo-gad
iya guin sasay sayan
sinin milagro nga tuman.

Ynin buhat nga milagro
san ma-aghop nga Cordero
dinhe iguin sayud sadto
ngatanan nga mga tauo
pag dayig nira sobrado.

Natuman nadao an tagna
bo-ut quina-adman niya
bug-os nga Bongto sa Siria
puro nag mamato-ud na
san iya mga Doctrina.

Sa usa ca adlao si Mateo
quita-un na san Verbo
sinangpit niya adto
ug inopod naman ito
san ma-aram nga Maestro

Pag cabuhi ug tindahan
salape nga guin tubu-an
layon iya binaya-an
ni Mateo nga sanglitan
tongud can Jesus nga mahal.

Hinapit na can Mateo
an malolo-uyon nga Verbo
ano san casayud sadto,
an mga Fariseo
pag sosun nira subrado.

Con ini nga nira bad-an
anac sa Dios nga tunay
ano nga sin maca sin balay
ug naqui quig saro paman
sinin tauo nga sala-an.

Ynin Gueno-o uay sanglit
uaray buhat nga diri patlaid
mga abian nga di ma isip
an inin mga mag su-it
puro mga mag lares.

San can Jesus masaygan
inin mga tampalasan
an acon catoyu-anan
nga niya diri an mga bara-an
condi an may casal-anan.

An bug-os nga hunahuna co
diri naman Medico
an uaray saquit nga tauo
busa mga Gueno-o
an isip niyo magbag-o.

An ini nga yacan dayag
san mahal nga Dios Anac
guilayon siya linacat
sa Jerusalem pahayag
pagtoto san ngatanan gad.

Didto damo nga milagro
binuhat niya san tauo
dalan nga paghumot ito
nira san mga Judio
san Guenco Jesucristo.

Damo nag humot san sala
san sinin mga mag labha
casina sin uaray sama
mara-ut nga buhat nira
sinin Gueno-o nga may gugma.

Da-an ni Jesus hin babaru-an
an domdom nga carat-an
camo mga tampalasan
ug sa guilayon guin mican
Bongto sa Jerusalem man.

Ug dida san pagican dagmit
san Gueno-o nga uaray sanglit
nag orupud sira perit
an ngatanan nga mag saquit
hasta sa Tiberiades

Pinapangupay layon pa
mga tauo nga opod niya
ni Jesus nga Amahan ta
ug iya ipinaquita
nga maguin alagad niya.

Napulo cag duha catauo
an pinile ni Cristo
Apostoles nga toto-o
nag pahayag sa Mundo
sadton iya Evangelio.

Si Pedro amo an una
puno san Sta Yglesia
si Andres an icaduha
mag bugto ini hira
mga lunzan nga Anac ni Jona.

Si Juan si Santiago
suho sira nga mag bugto
mga anac ni Zebedeo
mga Apostol ni Cristo
pinile niya nga toto-o.

Yca lima nga isip man
hi Felipe an pag ngaran
ug an ica onom naman
si Bartolome nga bo-utan
Apostol niya nga tuman.

Si Tomas an icapito
icaualo si Mateo
ica siam si Jacobo
pate si Judas Tadeo
mag burugto naman ito.





An Amay niya guinicanan
doduha ca tauo lamang
si Alfeo an pag ngaran
bo-ut niya camahusay
bisan ubos an cahimtang.

Ycapulo cag usa ito
nga Apostol ni Cristo
si Semon Cananeo
matahum maupay nga tauo
malolo-uyon nga toto-o.

An icapulo cay duha
si Judas diri masala
escariotes nga malabha
ngan maraut an buhat pa
nag pacara-ut san Maestro niya

Ynin icapulo cag duha hito
an uaray haros nga tauo
uaray batasan sa Mundo
amo an lorung nga toto
uaray hibabru-an bisan ano.

Amo ini an guinpili-an
ni Jesus Gueno-o nga mahal
san uale nag papahayag
buhat han larang ngatanan
dida sinin calibutan.

San mapile na matapus
an Apostoles ni Jesus
pate mga desipolos
dinayon sia paglin-cud
sa buquid hita asan gud

Dida guin ualihan na
ni Jesus Hadi uaray sama
an paglarang nga buhat na
paquimalo-uy uay sama
san tauo dinhi sa tuna

Ug sadto na san catapos
sinin pag uale ni Jesus,
layon sira nag cahadloc
sa buquid ini uas mangud
pate mga desipolos.

San pag dolhug na sadto
san Gueno-o Jesucristo
pinapag-upay man ito
na hirani nga leproso
naquimalo-uy toto-o.

AN PAG BELING NI MAGDA-
LENA CAN JESUS

Sa usa ca adlao an Verbo
napadapit nga toto-o
sa can Semon Fariseo
pinaanginanuhan man sadto
usa nga babaye nga tauo.



Sa huras na an pagca-un
an inin Gueno-o naton
amo an idinatong
ni Magdalena nga matahum
cabido uaray matopang.

Guilayon sia lin mohud
sa te-il mahal ni Jesus
luha sa mata dao agus
te-il hinadcan nga gayud
ug pinahiran san buhoc.

Ug iya binucasan pa
balsamo nga iya dara
ug san can Jesus pag quita.
guilayon iguin perduna
an sala ni Magdalena.

Ug san matapos na-adto
lin musad na si Cristo
sa Galelia quinadto
mag uauale nga toto-o
san cadam-an nga mga tauo.



AN PAG SACAY SAN MGA APOSTOLES SAN KALAO- DAN SAN DAGAT.

Usa ca adlao naisipan
sa Barca mag casacay man
lin mayag sa cadagatan
upod niya pag sacay
an mga Apostoles ngatanan.

San sira pumalauod
si Jesus nahangaturog
hin abutan sira sin unos
uran nga macaharadloc
haros an Barco lomunod.

Dinhi nag cacahadloc na
an mga ca orupdan niya
can Jesus na nara-un na
ngan pinucan adto nira
ini an guin asuy na.

Gueno-o nga nira nga Maestro
came ngani ilicay mo
malonod na inin Barco
cay mabas-cug nga toto-o
an hangin uran maciado.

Baton ni Jesus Amay ta
mga alagad nga niya
panarig niyo culang pa
cahadloc niyo uaray sama,
e ini aco nga iyo opod na.

Diri ba naquita niyo
an ano man nga buhat co
con tungud lamang kito
camo dina mahihimo
san cahadloc nga subrado.

Ug ini san tapos pag yacan
inocuy na an camadagat
pinalinao sin uaray sugad
pina ocoy ngatanan gad
hangin uran uaray sugad.

Casayud nira pag quita
sa mga alagad niya
ini nga tauo nga nira
tubig hangin ngatanan la
nag-a-alagad sa iya.

Ug san mag cahao-as naman
si Jesus may ada hin quit-an
duha catauo sinaliuan
san Demonio tampalasan
pinangupay niya naman.

Dida liuat sa cadalanan
may babaye nga hin quit-an
sin saquit tinacasan
sin adlao nga camaiha-an
pinapag-upay sin tuman.

Han si Jesus na maquita
san panapton hin maroc na
nag upay ug guinin haua
sadton man san pag abot na
Principe sa Sinagoga.

Napaharani sa Cordero
an Principe si Jayro
ihinalad nga toto-o
anac nga guin dadaraco
ipinaquita can Cristo.

Nalo-uy an Gueno-o nga mahal
dayun sia quinadto man
ngan dida man sa raysangan
may nag asuy nga cag-anac
nga an iya anac patay.

Con si Jesus nga niya
diri icao mabaraca
ug sa acon sumarig ca
nga an Anac mo patay na
layon mabubuhay sia.

San umabot na sa balay
an bata naman patay
ira pina-nangisan
Yroy niya guinicanan
ug iba pa nga catolinan.

San can Jesus na maquita
dinayon sauayon niya
diri si camo mag haya
cay diri patay nganiya
nacatorug lamang sia.

Sa sulod pina iuas man
inin tauo nga cadam-an
nga an nahabilin lamang
Amay Yroy guinicanan
san isina-ad nga patay.

Ngan an opud man ni Cristo
si Juan Pedro ug Jacobo
da-an nga iya hibaro
asay sayud nga toto-o
sinin daco nga milagro.

Layon san camot quinaptan
inin mao nga minatay
ug guilayon sinangpit man
san can Jesus na madonggan
binangun layon sin tuman.

Ynin milagro ni Cristo
nahadayag san mga tauo
guin dayao man nga toto-o
condi asay naguin apdo
san Escribas ug Fariseos.

San napulo cag duha
nga mga Apostoles niya
namile sia liuat pa
hin capitu-an cag duha
discipulos nga oropud pa.

Sira an mag uauali man
san bug-os nga catauohan
mga Mesterios ngatanan
ig papaquilala sin tuman
sa Dios sa calangitan.

Yguin tugun ngatanan la
san buhat nga maupay na
ug an dadangatan nira
con si Jesus mamatay na
ini diri mag sasala.

Sira naman tniagan
sin tuman nga cabascugan
pagbuhat sin catingalahan

nga sira pag mato-uran
ano man nga catodu-an.

Nahabantug an Cordero
can Herodes nga malingo
ipinapugot an ulo
ni Juan bad-an nga tauo
ug patod niya nga suho.

Ynin cabtang san cabatid
san Gueno-o nga uay sanglit
usa nga barca an sinangpit
pate mga Apostoles
nagdayon sa Genazarith.



AN PANOTDO SAN ATON
GUENO-O JESUCRISTO SAN
CADAM- NGA MGA TAUO.

Ug au tinadong nira
tuna sacop san Betsaida
sa Decierto san didto na
si Jesus Gueno-o Amay ta
pate coarupdan niya.

Uaray pag iha sadto
mag ca-abot an mga tauo
cafin sin lima caribo
namamati nga toto-o
san mga totdo ni Cristo.

Dida sira guin ualihan
mag lainlain damo nga cabtang
nga sadang gud guinhaua-an

condi auray pangabat man
mga tauo san cagutmanan.

AN GUIN BUHAT NGA MILA-
GRO SAN ATON GUENO-O JE-
SUCRISTO NGA LIMA NGA
TINAPAY UG DUHA NGA
ISDA.

Ano pa san casayud
sinin nga discipulos
adlao na udto nga gayud
dayon namulong can Jesus
ngan nag asuy sin mato-ud.

Gueno-o namon nga nira
papamaya-a na sira
sa bongto mag pauli na
an adlao naudto na
pan gugutomon na sira.

Pulong san Gueno-o naton
ano nga hira papaguinason
dinhi na iyo pagca-un
¿di-in man cocoha-un
an tinanay nga caran-un.

Duha cala-in di uaray oo
inin tipaya dara co
pulong ni Felipe, ¿ano,
macacasadang ba Gueno-o,
sugad cadamo nga tauo?

Dinhi Gueno-o, uaray ano man
candi lilima nga tinapay
ug duha nga isda naman
¿pa o unan-un nga cahimu-an
macacabusug ba ngatanan?

Ngani Jesus si camo ba
dad-un nganhi an tinapay na
pate an isda nga iyana
sa pag abut dinayun la
guin bendicionan niya.

Ypina nuhol na sadto
sinin mga discipulo
ngatanan nga mga tauo
nagecabubusog toto-o
lorusahon nga milagro;

Calo-uy di pasimangad
sinin mahal nga Mesias
nag cabubusog ngatanan
nag subra uaray ca ugad
napulo cag duha ca canastro gad.

An panga-un san catapos
nga an ngatanan nabusog
pate mga discipulos
nag lacat naman dagus
inin Gueno-o nga Dios.

Usa ca adlao natiroc man
an Apostoles ngatanan
dayon pinamaqui-anhan
ni Jesus sinin cahimtang
an sa bongto carucayacan.

Ngani Jesus ba, ¿ano,
an mga dinungug niyo
nga mga pulong san tauo
con hi aco ba con hino
sa casabot nira toto-o.

An ibinaton sa iya
icae Gueno-o diri iba
an si Juan Bautista
nga an iba si Elias pa
Jeremias nga Profeta.

Con sugad con san Verbo
an hunahuna san tauo
condi an pag sabut niyo
pinile co mga hibaro
¿hin-o бага, ug con hi aco?

San hidung-gan casaygui
ni Pedro nga pinalabe
binaton sin amo ini
tu es filius, Dei vivi
Anac sa Dios guimamahali.

Sacatadungan con бага
si Cristo icae nganiya
ug Anac sa Dios nga usa
mananacop magtutubos ca
canan mga tauo sala.

Binaton naman ni Cristo
san Apostol nga hibaro
icae nganiya Pedro
sacarig-unan nga bato
matig-a nga subrado.

Ngan pagbabantayan capa
ig case mo bato nga iba
da-an co ig tatagna
sa imo an Santa Yglesia
tatalinguha-un mo firme na.

Ycao an mag cacaput man
han yaue sa calañgitan
sa imo an pagborut-an

nga pasusudlon hino man
cacaraoton co sin tuman



AN PAQUIPAGCARUCAYACAN
NI MOISES UG NI ELIAS SAN
DIDTO SAN BUQUID HA
ATON GUENO-O JESUCRISTO
TABOR.

Sadto naman di naglangan
san ica onom ca adlao,
an can Jesus na isipan
pag tucad sa guilayon man
sa Tabor nga cabuquiran.

Dida sa buquid nga ito
ipinangupod toto-o
san Gueno-o Jesucristo
an tolo nga discipulo
si Juan Pedro ug Jacubo.

San omabot sira naman
ngadto san cahita-asan
sa Tabor nga cabuquiran
si Jesus Gueno-o nga mahal
nag ampo sa guilayon man.

Ngan camacatitingala
sadton pag ampo niya
lauas, dao nag caliuat na

an cama-anyag uay sama
di mabuslongan san mata.

An bayhun sugad sin adlao
han mato-ud nga sori-ao
an biste san calausan
baga sirac nga cahimtang
camabusag nga ditupngan.

Dida san atubangan
ni Moises ug ni Elias
naquita naman nasaygan
sadton mahal nga calambrag
san mathum nga Dios Anac.

San maquita naman adto
san tolo nga discipulo
an pagcalipay subrado
Gueno-o nga nira Maestro
dinhì na quita pag puyo.

Ngan con caruyagun mo nga nira
nira dinhi naton bubuhata
tolo nga balay nga sadya
imo pupuy-an an usa
can Moises an icaduha

Ug an balay nga icatolo
can Elias nga Santo
san ipamulong na ito
san tolo nga discipulo/
nag milagro pa sing bag-o.

An ini nga nadampug man
nga labe pagcamabusag
natacop sa Dios Anac
ug may voces nga nagtauag
ini ang iguin padayag.

Ynin anac co nga lunsan
an acon quinapapairan
ancia an pinahatotong-dan
sinin bug-os co nga lauas
san lubos nga calipayan.

Han hibati-an na adto
san tolo nga discipulo
dao nalisang nga toto-o
nan hiparaptay nan lomo
pag mato-ud can Cristo.

An calisang nanlabihan
san milagro nga hinqit-an
nangiuas sa guilayon man
nauara ug napara naman
an cadam-an nga ca-anyag.

Si Moises ug si Elias
nauara liuat sugad man
dida sadton Dios anac
pinatindug sangpiton man
tolo niya nga alagad.

San pan hi uli-e san bo-ut
han tolo nga discipulos
pinamulongan ni Jesus
ayao nganiya ig bantug
nasaygan niyo nga mato-ud.

Condi con aco patay na
ug sumaca sa Gloria
dida camo panumat na
milagro iyo naquita
ug acon pagca liuat pa.

San ini ig sayud naman
nag cabaya nag caguican
sa bongto nag pauli man
ig hitapo nga katauohan
ira guin uualihan.

Sapag humot nga toto-o
sadton mga fariseo
cadam-an nga larang sadto
pag limbong an ira tuyo
san Gueno-o Jesucristo.

Sa usa naman ca adlao
domdom san mga lisang
si Jesus pimahirani-an
nganira nga. ¿ca-angayan
bomuhis can Cesar?

An baton ni Jesucristo
dida san damo nga tauo
si aco tadihan niyo
niyan nagsusulay si camo
panotdo co con toto-o.

Hala na ipaquita
usa lamang nga moneda
con san mag pasipara
domorocot ca layon na
usa nga salape sa bulsa.

Sadto an Gueno-o nga mahal
nag baton san mga lisang,
¿canay nganiya ladauan
inin guin tatamdan dinhi man
nganira can mahal Cesar.

Con sugad an ca-angayan
ngani Jesus nga ma-aram
an catadungan ihatag
an can Cesar an can Cesar
an sa Dios sa Dios naman.

Con ini matuman na
ngatanan mag alagad la
toto-o di mag sasala
matutuman ngatanan na
an imo pag ca justicia.

Sugad nga mga pamulong
sinin Dios nga matahom
hino man uaray nagtingug
nagcaguican sa guilayon
an pag casina disun-un.

Usa ca adlao inin Verbo
quinadto niya an Templo
nag sunod naman ngadto
an escribas ug fariseo
dara an babayi nga tauo.

Sa, can Jesus pina atubang na
usa nga babayi may sala
sala-an sin adulteria
nadacop nira naquita
nag lilimbong san asaua.

San i atubang na can Cristo
babayi aba-a an ito,
¿ano an pa-a-abutan nimo Maestro
sentencia sini nga tauo?
con san mga fariseo.

Ymo Gueno-o himbabaru-an
can Moises casugo-anan
an limbong nga binuhatan
sadang nga pag dat-ugan
hin bato hasta mamatay.

An can Jesus binuhat la
uaray pag baton sa ira
dao diri nasabot sia
tinoñguc ug tinac-mod la
nag surat sia sa tuna.

San di bomaton si Cristo
pinaqui-anhan sin bag-o
nganira amon Maestro
¿ano an sentencia mo Gueno-o
sinin sala-an nga tauo?

Nagbangun sa guilayon na
an Gueno-o nga may gugma
con hin-o ha iyo nga niya
uaray, ni gote nga sala,
¿ano nga pag babatohun sia?

Baton nga pulong niya
ni Jesus sa guilayon na,
nag surat na liuat sa tuna,
dida nag ca a alo na
an inin mga maglabha.

Hino nga tauo naman
an uaray gute nga casal-anan
busa an mga tampalasan
dayon nag pangiuas man
an babayi binaya-an.

San can Jesus pagquita-a
yadton babayi nacada
nag bangun sa guilayon na
¿nag paca-in ba nganiya
an sa imo nag quiquija?

Hin-o man sadton mag lingc
uaray pag sentencia dimo,
con san babayi oo,
uaray pinatocGueno-o
cadam-an nga casalanan co.

Pulong ni Jesus sa iya
aco an mag se sentencia
an patoc co dimo ancia
tican niyan mag basul ca
di mag liuat hin pacasala.

Ynin pulong san casaygan
ni Jesus Gueno-o nga mahal
babayi in muli naman
mga sala guin basulan
guintangisan sa gab-e adlao.

Sa usa naman ca aga
an Gueno-o nangingita
nagdayon ngan pasingada
san sinin balay ni Marta
babayi taga Bethania.

An calipayan subrado
sinin daraga sadto
pinabilen nga toto-o
an Gueno-o Jesucristo
mahigugma-un san tauo.

Naririgumoc ug balisa
babayi iguin asuy na
sapag andam pagtima
sinin mga bugto niya
nacada can Jesus sia.

Nauiuile sin pamate
sinin iya mga uale
si Marta napaharani
san Gueno-o guimamahali
namulong sin amo ini.

Gueno-o co Maestro nganiya
aco nag o-usa-an la
nababaringat pag tima
Gueno-o patambuliga
manghud co si agdalena.

Aco ini nag o usa-an
dinhi sa balay pag andam
pagpaca-un san ngatanan
ma ano aco buligan
ni Magdalena e ini man.

Con si Jesus sa iya
Marta, Marta ay nganiya
ica o nababaraca
buhat nga labing maupay pa
dimo guin huhuna huna.

An sadang ikagumoc mo
ig cabaraca san casingcasing nimo
an paghigugma nga toto-o
pamati sinin totdo co
nga sugad sin imo bugto.

San ini na ipamulong
san Gueno-o mahigugma-un
binuhat na saguilayon
ni Magdalena matahum
nag tima sin pagca-un.

Liningcod na si Cristo
pate iba nga fariseo
nga tinambong ug guinadto
an mga ca orupdan nag sasaro
an iba pa nga Discepolo.

Ynin usa liuat ca adlao
si Jesus may ca upadanan
mga discipolos nga tanan
dinapit ngan nag andam
san mga Fariseos nagtanan.

Usa nga balay maca o angara
an Fariseos nag tagna
didto an dam ngatanan na
an ngatanan quinadto niya
Fariseos ug Escribas pa.

Pag lincud sa lamisahan
sinin Dios nga ma-aram
dinayon benedicionan
ug dinayon pinorat man
san isda ug san tinapay

San pag quita ug casayud
sinin mga Fariseos
uaray pag hunao si Jesus
nga nag bido nag rumot
sa pag casaquit sa bo-ut.

Uaray Buhat nga nalilim tan
uaray diri hi sasaygan
san Gueno-o ta nga mahal
san sini macaca-un man
nag pulong sia sin sugad.

Ngani Jesus nga ma-aram
camo Fariseos ngatanan
uaray domdom nga isip man
an iyo hunahuna lamang
pin-gan nga iyo caran-an.

An iyo mga pag dugnit
asay la niyo hinahamis
an labe buhat nga hingpit
diri niyo guin e isip
pinabay-an mauanit.

Diri niyo bo-ut nga alpan
mga pangan nga caran-an
condi an labing malao-ay
mahugao diri samahan
an calag niyo ngatanan.

¿Cay ano iyo hunahuna
puno sin limbong bua
camalupot camalabha
uaray niyo ha ha misa
sin sugad nga pag quilala?

Camo an mga tauo nga lorung
nga malenis pag quit-un
mahugao an iyo domdom
iyo nga gayud lisu-un
nga mara-ut diri sun-un.

San ig asuy na ni Cristo
inin mga palong sadto
nangi-uas gud nga toto
binaya inin maglingo
Escribas ug Fariseo.

Ngan nag dayon ngadto sira
sa usa nga monte sa Aldea
an pag ngaran Bethabarra
didto nag uauale sia
pate mga oropud niya.



AN PAG BANHAO NI JESU- CRISTO CAN LAZARO.

Ddidto san bongto sa Bethania
aldea man san Judia
san sinin balay ni Marta
ni Maria Magdalena
mag bugto sira an duha.

An bugto nga icatolo
an pag ngaran si Lazaro
hinihiguma niya toto-o
san Gueno-o Jesucristo
ug tuman nga iya disciplo.

Yni sin usa ca adlao
si Lazaro inabutan
saquit nga icamaratay
nag sugo sa guilayon man
sa can Jesus Gueno-o nga mahal.

An pulong nga tugon nira
sinin mag bugto nga duha
Maestro namon nga minahal ca
an sangeay mo nga hinihiguma
daco an saquit niya.

An baton ni Jesucristo
sanag asuy nga tauo
ha can Marta ig sumat mo
iton saquit ni Lazaro
nga diri macaca ano.

Uaray anay cadto sia
pinabay-an la, anay niya
hasta san cabuas pa
tinuyo an pag cadtu-a
san mga tauo nag uale pa.

Naguin duha ca adlao pa
si Jesus sa Bathabarra
ug sin usa ca aga
pulong san orupod niya
cadto quita sa Judia.

Con san mga discipulo
ano nganira Maestro
didto si quita macadto
mag limbong nga mga Judio
pag babatohun quita didto.

Ngani Jesus sa ira
diri camo mabaraca
con di co tugutan sira
an camót ug te-il nira
mangungurog ngatanan la.

Sa guilayon nag lacat
si Jesus ug mga alagad
sa Judia tinadong gad
didto nag colup uay sugad
san panotdo san ngatanan.

Ug san pira ca adlao na
sira san bongto sa Judia
guin teroc sa guilayon na
ni Jesus an orupod niya
ngan comadto sa Bethania.

Con san Gueno-o nga malolo-uyon
si Lazaro nga higugma-un
aton nga niya la-uyon
acon sia popocauon
sa pag caturug nga disun-un.

Binaton nga nagdorungan
an Apostoles ngatanan
nga an pagcaturug lamang
ini macacahuas man
san saquit nga ina abat.

An pulong ni Jesucristo
cay patay na si Lazaro
daco an pagcalipay co
mag mamarig-un nga toto-o
an pag mato-ud niyo.

uaray cadto-a anay
ni Jesus an iya sangcay
hasta nga di magculang
an icaupat ca adlao,
iguin lubong na an patay.

Damo ngan maribhong man
mga tauo nga nag do-ao
taga Jerusalem ngatanan
ug naglala-uy sin tuman
mag bugto may cabidu-an.

Ug san domatong na
adlao nga iya tinguha
ni Jesus Gueno-o Amay ta
nasingadto sa Bethania
pate mga Apostoles niya.

Han mahusto na hisaygan
ni Marta maupay nga palad
nga ma abot an Mesias
dayon niya tinapo gad
mga luha nag cacatagac.

An pulong guin siring sito
Gueno-o namon Maestro
con icao nacanhi sadto
buhi pa an maguranng co
alagad mo si Lazaro.

Condi da-an co hinbabaru-an
sa imo nga pag borat-an,
ngani Jesus nga ma-aram
inin imo pinolungan
acon quina lilipayan.

Di masayop nga toto-o
mabubuhi an magurang mo,
an pulong ni Marta oo
con matapos na an Mundo
pag ho hocoman an tauo.

An can Jesus guin luas pa
oo buhi dao nganiya
nga sa acon omayon ca
bisan tuman nga patay na
layon mababanhao pa.

Ynin mga pulong co
pag mato-uran niyo
baton ni Marta dao oo
icaa Gueno-o Jesucristo
Anac sa Dios nga toto-o.

Ngan ini san ig pulong na
nag lacat dayon si Marta
nag dayon can Magdalena
an Maestro han omabot na
bugto co ipina pa qui-ana.

Ynin pulong san hisaygan
ni Magdalena may palad
dinayon niya pag buhat
hin pag salubong pag sugat
an bido di pasimang-gad.

Guilayon linohud naman
sa can Jesus atubangan
nganiya Maestro nga mahal
con nacan hi ca sa balay
magurang co di mamatay.

Casayuri sinin Verbo
an cabidu-an san tauo
tinangis sia toto-o
san cabudlay nga subrado
higugma niya ug husto.

Ug nanginsayud na dayun
an inin Gueno-o naton
con hain di-in ig lubong
ini an ipinamolung
si Lazaro abian nacon.

An ibinaton sa iya
ni Marta ug ni Magdalena
omopud cala nga nira
cay didto cana maquita
magurang namon nga hinigugma.

Nag calacat sira naman
sin pag cadto sa linubngan
ngani Jesus nga ma-aram
ug iya naman binoc-san
bato nga iguin tampoc man.

An baton naman ni Marta
oh Gueno-o co nga niya
niyan upat ca adlao na
diri nga gayud masala
nga an minatay mabajo na.

An pulong ni Jesucristo
diri ba da-an asuy co
aco pag mato-uran mo
quiquita-un mo toto-o
mabobohi an maguran mo

Sa guilayon binucasan
adton tacop san linubngan
ni Lazaro nga minatay
baho nga diri samahan
san ica upat ca adlao man.

San casayuri guilayon
sinin Gueno-o naton
sa langit hinangad dayon
ug nag ampo sia dayon
ini an ipinamolung.

Amay co nga niya nga mahal
Dios nga uaray catapusan
salamat nga diri topngan
aco imo dong-gun man
san ina aro co nga tuman.

Yni nga guin pulong co
Dios Hadi nga Amay co
nga comilala toto-o
sini nga mga tauo
ug aco man nga anac mo.

Yni san ipamolung na
sinin Dios nga may gugma
imo niyan guin luas na
oh Lazaro pag bangu na
sa guilayon gomua ca.

Nga dao nacatorug lamang
si Lazaro nga pinocao
ug si Jesus san hidong gan
guilayon binañgun man
sa matahum nga linub-ngan.

Ug sadto san mabanhao na
si Lazaro nga may gugma
nag sugo sa Dios Amay ta
hubaron an higit nga niya
mga gapos sa camot te-il pa.

Cay san unhan nga batasan
nira san ca Judiosan
con ing lobong an minatay
guina gapos an calauasan
usa nga tu alla an pinahiran.

Ug an ini si Lazaro
linohud na nga toto-o
sa te-il ni Jesucristo
ug nag dayig sin toto-o
san binuhat niya nga milagro.

Yni si Lazaro nga hao
nag asuy ngan nag uali man
sa Bongto Marcilla an ngaran
napulo cag pito an caisipan
an inabot san-o camatay.

An guin buhat nga milgaro
sinin malolo-uyon nga Verbo
nga nag banhao can Lazaro
naha bantug nga toto-o
san cadam-an nga mga tauo.

Ngan an cadam-an sa ira
nag mato-ud sin uaray sama
nga anac sa Dios niya
asay iquina balisa
Fareseos ngatanan la.

Diri na, uaray nahimo
domdom sadton mag lingo
guin hunahuna sin husto
linarang nira toto-o
an pag ipapatay can Cristo.

Sa concilio ni Caifas
didto nag sarabut ngatanan
Fareseos ug Escribas
an guin cahuro manan nga yacan
papatayon an Mesias.

An guin polong polong sadto
sinin mga Fareseo
con hibaruan si Cristo
layon sira macadto
san harani nga Desierto.

Sa bongto uaray olput man
hasta duha ca bulan
sa Ephrem pag ucoy man
ug apostoles ngatanan
pag palaguio nga cahimtang:

Yni nga pagtagu nira
di cahadloc cabaraca
condi pag licay man niya
tongud man cay harayo pa
adlao nga tala-an niya.



San harani na toto-o
Pascua san mga Judio
hinulat ni Jesucristo
an pag tuman san Mesterio
sinin pag sacop sa tauo.

Guin agda sa guilayon na
an mga alagad niya
ngadto san bongto nga usa
nga sacop manta sa Maria
quinadto nag lacat sira.

Condi diri pinasulod
sa bongto ini si Jesus
sinin mga taga Samaritanos
cay nasisina nga gayud
san mga totdo sa Dios.

An pag casayud sadto
ni Juan ug ni Jacobo
nasina sira toto-o
naquig polong can Cristo
an guin asuy amo ito.

Oh Maestro co nga mahal
con san imo pag borot-an
Gueno-o imohulugan
calayo sa calangitan
nga masunug an Bongto man.

Ug an aton sa ira ig babalos
sinin uaray mga haros
mga tauo uaray bo-ut
binaton an Gueno-o nga Dios
pag mulay nira sin ticos.

Oh mga Apostoles co
pinili nga higugma-un co
diri pamatay san mga tauo
an inin nga pag canhi co
pag lusad ngan hi sa Mundo.

Acon lugod tatagan
sin quinabuhi an mga patay
ini an iyo masasabutan
an mga tauo calolo-uyan
an sa acon nadodomdom gad.

Ngan ini si Jesucristo
linacat ug nasingadto
san Bongto sa Jereco
duha nga mga buta nga tauo
pinapag upay nga toto-o.

Didto san sulod san Bongto man
may usa catauo nga mayaman
si Saqueo an iya ngaran
nag tinguha nga pag quita-n
an pag tubos sa ngatanan.

San can Jesus na maquita
layon guin ualihan niya
si Saqueo nga may gugma
binaya-an ngatanan nga sala
nag basul sia ug tinuyo na.

Sadto naman inin Verbo
sa Bethania nasingadto
pinahapit nga toto-o
sin usa bad-an nga tauo
ngaran si Juan Leproso.

Sa daco nga pag sarig man
sinin ni Semon ma-anyag
can Jesus Gueno-o nga mahal
iya pina pag upay man
go-od niya sa calauasan.

Pinahapet layon sia
si Jesus Gueno-o Amay ta
pate ca orupdan niya
si Lazaro nacada pa
si Marta ug si Magdalena.

Nag tima sadto naman
san ira pag pangic-lup man
nag calincud sa cadag mitan
si Jesus ug mga sinarigan
ug nangic lop guilayon man.

Sa guilayon quinuha
ni Maria Magdalena
adton surudlan nira
sin Nardo hatag sa ira
ug guin buka guilayon na.

Ybinobo sa guilayon
sa ulo ug te-il ni Jesus
sadto naman san catapos
sa te-il pa-a ihinirug
ug pinahiran han bohoc.

Bug-os nga bongto nalo-ub man
camahamot nga di samahan
ug ini san casay gan
ni Judas nga tampalasan
bo-ut niya na aua man.

Yni ancia an iquinasuhe
san bo-ut ni Judas ngani
han ka aua han salape
an Gueno-o nga uaray topngi
guin limbungan pag budhi-e.

Ug an iya naisipan
con adto iguin palit man
ug sa pobre ilinimos lamang
labe nga buhat nga ca-upayan
ug diri dinhi pag caragan.

An iya nahunahuna-an
con diri adto guin caragan
sa iya la ihinatag man
iguin palit sin tuman
nga angay pag patobu-an.

San can Jesus na madayag
an inin cabtang ni Judas
saguilayon nag asuy gad
nga niya mga alagad
domdom niya pasimang gad.

Camo diri mag cocolang
pobres sadang lilimusan
ngan inin acon calauasan
pepera ca adlao paman
nga si quta mag boblagan.

An calo-uy ni Magdalena
nga dao paca dongug niya
sa acon nga pag hunahuna
acon mga caorupdan na
ayao camo cabaraca.

Ano san quinabuasan
sa Bethania nag dayon man
inin Maestro nga ma-aram
orupod sin pag calacat
mga Apostoles ngatanan.

San harani naman dinhi
si Jesus Gueno-o guinamahali
sa adlao han Bet hage
nga dapit san Olivete
nga ina auelan nga firme.

Catunga sin huras an ca isipan
an hirayo san laractan
hasta sa Jerusalem nga bongto man
dinhi an Gueno-o nga mahal
nag sugo san caupdanan.

Duha nga discipolo
an guin sugo ni Cristo
si Juan ug si Jacobo
mag bugto nga toto-o
mga anac ni Zebedeo.

Yyo nga niya cacadtu-un man
an halu-ag nga raysangan
camo may hi a agui-an
Jumenta nga sarac-yan
an anac ig cacasacay.

Hubaran ug dad-un niyo
ancia ini an sugo co
con may pumaqui-aua sa yo
somatan niyo nga an Maestro
anag pacuha sa iyo.

Quinadto saguilayon
inin duha nga surogo-un
didto na quita dayon
an Jumenta may higót guihapon
an Jumentilla sinonud dayon.

Nganiya acon huhubaron
con masadang nga la-ong
nga ni Jacobo matahum
ini iguin sugo sa amon
an Maestro may bobohaton.

Ynin pulong san hisaygan
an tagada uaray pag tingug man
ni ano uaray pag yacan
cay tuyo ug pag borut-an
inin Dios nga gamhanan.

Con ini nga pag cuha-a
ni Jesus sinin Juminta
ngan con cia somolud na
sa Jerusalem uay sama
sa sacyan ngadto niya.

Yni an salming malinao
nga tacos panga ninuhan
san mga anac ni Adan
buhat nga susgaranan
pag palabe san batasan.

ARAL

Ang ciapa nga letra—A
R—an icaduha
an icatolo naman—A
L—an icaupat nga litra
totdo san tauo ngatanan na.

Tauo labe nga balisa
hata-as mag huna huna
ug palabi labi con mamolong ca
sin mahinay pag isipa
ana buhat mo nga sala.

Ynin Dios nga toto-o
nga hiya nag pacatauo
napapag tamay sa Mundo
pag totdo lamang sa imo
agud caman mahibaro.

Ngatanan nga iya Doctrina
milagro ug pag amoma
sa Mundo ipinaquita
nga iyo nahunahuna
an toto-o niya nga gugma.

Condi icao an malinarisnon
an sala ug buhat nga diri oyun
ug casagbuyan guihaon

an sala ug buhat nga diri oyun
an mina maupay mo buhaton.

Ug con dica mahagugma
san ig casi tauo mo manta
puro limbong nga buhat la
pag butang butang sin sala
mga pulong pag libac la.

Pamo yayao pag libac man
san dila mo nga tampalasan
san imo baba guin yacan
uaray kahadloc ni gute man
sa Dios Gueno-o nga mahal.

Con sin cabido abutan ca
sa imo sin uaray sama
condi diri quini quilala
ug dimo guin ho hunahuna
an imo ngatanan camalbaha.

Diri nga gayud matadong
ngatanan mo nga panomdom
diri god maha o oyun
con diri mo itangis layon
ano ba an imo dadangaton?

Busa angay mo buhaton
Cristianos nga nagugupong
niyan aton tapuson
si Jesus nga ma-lolouyon
sa Jerusalem iya sosudlon.

Quita-a anag papa ubos na
inin Dios nga uaray sama
Hadi sa langit ug sa tuna
puno san pag hunahuna
san ngatan nga buhat niya.

Nagpa ubos napapagmulay pa
ngatanan quinita san mata
sinacay na san Jumenta
bag-o uaray masama nga niya
an camang garan ngatanan la.

Yni guin buhat ngatanan
cay basi ta sus garan
ca ubos sin pamatasan
an capalabi labi baya-an
cay puno sin carat-an

Condi san uaray lalacat
nga sa iya pag biling gad
quita anay mag hingyap
mag hunahuna sin hucas
tagna san mga Profetas

TAGNA SAN MGA PROFETAS SAN ATON GUENO-O JESUCRISTO

Sa unhan nga pag pahayag
nangingilala nga Profetas
guin pulong ug isinurat
sa camatayon ug casaquitan
san macanhi inga Mesias.

Sa salmos nga icaduha
ni David bantug nga Profeta
Mesias nga hinigugma
ma abot diri masala
papag saquit nga uaray sama.

Yguin asuy niya ug linuas man
an bug-os nga cagamhanan
pate an ig bobutang butang
san hino nga sumuhay man
san iya-casogu-anan.

Yguin asuy an cacori-an
nga canan Mesias dadatungan
daepun san camag isgananan
ug hi hi-gutan nga capinan
pag yoyubitan sin tuman.

Ano pa ug iguin toquib
sa bug-os nga salmos ni David
quinabuhi nga inangbit
san cafin nga pag casaguit
sinin Verbo nga nag-antos pirit.

An Profeta si Miqueas
anag asuy ug sinurat
sa Belin ipainga nganac
ug didto ngani sisirang
inin mahal nga Mesias.

Ug adto man nga Profeta
ni Isaias nag asuy pa
usa nga daraga nga niya
mag lilihi ug uaray sala
ug naanganac sin usa.

Ug iya ig a anac quihapon
En manuel con tatauagon
con бага bibinisay-un
ngaran sadto an polung
Dios nga macanhi sa aton.

Ecce virgo concipiet it parie
filium ejus Em manuel, isai cap
7.v.8.

Sa un han nga Testamento
an naha momotang sadto
an casaquit nga subrado
nga dadaangatan toto o
sinin manonobus san mga tauo.

An pulong nga iguin pahayag
con pagdaepun an Mesias
mag cacahadloc an mga alagad
magdadad lagan ug magboborublag
nga diri mag-sasa rabot gad.

Toto-o nga pag hihimo-un
baga tauo nga lorung lurong
nga pag papasiparahon
sinin mga bua-un
ug mga tauo nga palong.

Pag tamay san tagsa tagsa
bay hun niya guin lolora-an pa
guin tatampalo paman nira
nag a antos ug nag a aguanta
Cordero nga Cabtang niya.



Se cut ovis ocitionim ducetur et
quasi agnus coram tondente se
cap 53. v. 7.

Siya ig dorodol-ong man
taga taga nga hóc manan
si Pilato an cia lamang
an mapatoc sa cadag mitan
castigo nga cama mat-yan.

Tican san ulo ug te-il niya
matatasac han suplina
lima caribo ug cafin pa
nga ig hahampac sa iya
sinin mga mag labha.

Dayon naman pagbutaingan
an ulo niya sin catuncan
coruna pinaca Hadi Hadi man
pinaca cetro pinacaptan
usa nga tangbo lamang.

Ug an sugad nga casaquit
an ihinatag nga tubig
suca ug apdo nga mapait
ipina inom nga perit
sinin mga mag bañgis.

Ug con sia patayon na
sa Cruz ipapag dudupa
pag sasamaron man sia
adton caguiliran niya
san Centorion nga malabha.

Con ig lubong toto-o
an lauas ni Jesucristo
an cahadloc san mag liño
cay an iya Cepolero
babantayan hin Soldado.

Condi dayon mababanhao
con mahusto an tolo ca adlao
ug magua sa linubangan
sahid sira pañgañgalasan
Soldados nga nag babantay.

Yni an iguin tagna
sadton mga Profeta
sasaqiton castigo pa
a antuson uaray sama
han icaduha nga Persona.

Sapag sacay ni Jesucristo sa usa
nga hayop nga Jumenta ug sinu-
lod sa Jerusalém.





SAPAG SAQAY NI JESUCRISTO SA USA NGA HAYOP NGA
JUMENTILLA UG SIN ULOD SA JERUSALEM

DOMINGO DE RAMOS

Passio Dommini nostri Jesu Christi sicumdum Mattheum.

Ngatanan ñga naquilala
quina admanon uaray sama
nag sahid sira nag tagna
yadton masacay ñga nira
si Jesus sadton Jumenta.

San harani dumatong na
sa Jerusalém ñga puerta
si Jesus hin mao-as siya
ug sin macay tomongtong pa
an tadong sa Jumentilla.

Cay yadton Jumentilla
ña anác sadton Jumenta
bata pa di macacadará
busa sinacyan inuna
ni Jesus an Troy niya.

Natuman ug hinbaru-an
an tagna ni Zacarias
guin pulong ñgan isinurat
ña magsasacay an Mesias
sa uaray haros ñga mananap.

Guin asuy ni San Mateo
sadton iya Evangelio
con harani na mag Pasco
fiesta san mga Judio
macadto si Jesucristo.

Si Jesus san sumacay na
san hayop ñga Jumentilla
ngatanan ñga mga capa
san mga discipulos niya
isinacay ñgan guin dará.

Nag lacat naman si Cristo
nag libut san discipulo
sa Jerusalém an tuyo
cay an iya quinadto
panutdo san mga tauo.

San ira na hibu-an
san mga tauo ngatanan
nga si Jesus nga ma-aram
masulud na sa Singbahan
guin sugat sadton cadam-an.

Nag cagumoc dao capinan
tigurang ug cabata-an
pag lipay guin sahiran
pag dayao diri samahan
san Mesias nga ma-aram.

An iba nag sipanguha
sin palongpong ug oliva
an iba sin mga capa
layon pinamoclad nira
sa can Jesus pag tahura.

Tagsa dira nag á auit
san HOSANNA FILIO DAVID
ug BENEDICTUS QUI VENIT
gracias nira uaray sanglit
pag abót san anac ni David.

Sompay nga pulong ini
ay in nomine Domine
imo pag bolugun cami
sa ngaran guimamahali
sa Dios imo ig casi.

Sacadadlanan nag á auit
san HOSANNA FILIO DAVID
mga tauo di maisip
pag dayao nga uaray sanglit
san Gueno-o nag dadayig.

Sadaco nga calipayan
san damo nga catauhan
sa casing casing tinicang
condi uaray cabudlayan
san fariseos ngatanan.

May fariseo nga usa
can Jesus siniring sia
oh Maestro co nga niya
mga tauo nga nag cacanta
pa ocyá an mga babá.

Si Jesucristo namulong
bisan diri toltol nga la-ong
an pagdayao nira sa acon
cay bisan an mga bato god
nag dadayao man guihaon.

San ini na ipamolong
nag lacat na ngan nagdayon
sa Templo sin mulod layon
namonyug sira guihaon
apostoles san mag toro-un.

Sin molud na sa Templo
pag uale san mga tauo
damo nga mga milagro
di ma isip nga toto-o
binuhat ni Jesucristo.

An pi-ang an mga butá
paté an mga irapa
sugad man an mga ngula
pinapag upay man niya
calo-uy nga uaray sama.

Cadam-an di hapag saysay
mga mag saquit nga nag-upay
sa Singbahan di haro mamay
damo an tauo caupay
pati san iguin saysay.

Ngan yadton mga nag lupig
Escribas ug sacerdotes
daco an ira pag casaquit
dughan nag suso-uit pag laris
san talahuron uay sanglit.

Ug yadton mga mag liño
mag humot nga fariseo
a-a-a-un nga mga tauo
han mag sunud can Cristo
cacastiguhon toto-o.

Nag colóp yadton Amay ta
san ngatanan panotdo niya
dida ipinaquilala
sa unód an camarasa
mahal nga pag to-ún niya.

San matonud na an adlao
mga tauo nag sipaŋguli naman
tagsa nira nga baláy mán
an magtoro-un nalamang
anaha bilin sa Singbahan.

Uaray nag havid ni usa gud
can Jesus nga talahuron
san mag colop uaray ca-un
guin ilub an pag ca gutom
cay ini panotdo sa aton.

Guin mua na sa Singbahan
inin Dios nga ma-aram
opud an mga guin tun-an
sa Bethania tinadong man
sa Bongto nga guin hunoŋgan.

ARAL

Cristiano sino caman
dinhi imo pag quit-an
uaray ano man nga caupayan
cadarayauon ug cabantugan
sa bongto con may carat-an.

IAno pa cay puro lisa
quita sa Mundo lomalabáy lá
sayóp ngatanan nga buhat ta
an camangaran calipayan ta
dao asó dagmit mapara.

Con pag quinahang lanan ca
sa imo may ino ongara
toto-o nga minahal ca
condi con matapos na
diri caná guin huna huna.

An tauo con mangaran
damo an casang cayan
con macori an paŋginabuhay man
bisan ig hitapó sa dalan
diri na ngani quinucolauan.

Quina-iyá sinin Mundo
madaya nga uay pariho
puro pag toc-so toto-o
a-aua-un nga subrado
maraug da-ug calág san tauo.

Quita-a an Gueno-o nga Dios
sadton Domingo de Ramos
damo an macapapaid gud
condi ni usa uaray nabo-ut
pag amomia pag san urug.

Busa niyan bugto co
ca-aŋgayan pag isipon mo
an cahulugan con ano
mga Cermonias sa Templo
san adlao nga amo itó.

Con ano guin orupod na
mga palongpong ug oliva
ngan may Laurel nga sacot pa
cahulugan an Doctrina
can Jesus pag sacop san sala.

Canan Oliva cahulugan
an daco nga calo-uy man
sinin Dios nga ma-aram
san Canan tauo casal-anan
nga mga anac ni Adán.

An laurel amo an itó
an cahulugan toto-o
an dadaŋgatan ni Cristo
pag popud-ŋgan toŋgud san sitó
san calipayan nga subrado.

Ug con baga serrahan
yadton puerta han Singbahan
nga con sumulod naman
an prosecion nga mahal
amo ini an cahulugan.

An si Cristo nga Amayta
san diri guin sasaquit pa
han mahal nga Pasion niya
toto-o nga sinasadhan pá
puerta han mahal nga Gloria.

Tinoc tucan guilayon man
san Cruz nga iya guin cacaptan
ngan an puerta han Singbahan
sa guilayon inabrihan
ancia ini an cahulugan.

Ngan con ini matuman na
sa Cruz papag dodop ha
pag camatay ug castigo pa
ancia an pag abrihe na
han puerta sa Gloria.

Busa ini nga adlao amo
an iguin canta sa Templo
han Pasion ni Jesucristo
an cahulugan amo ito
an orudgun nga Mesterio.

Ug sadto na natuman
an sa-ad ni Jeremias
ug san ngatanan nga Profetas
nahuman manta matuman
an ira mga iguin yacan.

An usa nga cahulugan
an pag dayig nga ihinatag
can Jesus Gueno-o nga mahal
ngan ira naman hin dungan
sadton mga fariseos ngatanan.

Baga nag butac an mga dughan
nag cabida sira nga tanan
dida an ira na isipan
nga ira pag dac pon man
inin Gueno-o nga gamhanan.

Busa tauo nga binonyagan
con hino ca ug sino paman
iyo naman pamati-an
sin maupay pag isipan
sa bo-ut ug panomduman.

Matunao cunta madug moc
an mag tugas niyo nga bo-ut
icasubo mo sin lubós
mga casaquitan ni Jesus
han iya diyo pag sacop.

Ngan malo-uy ca sin toto-o
san imo ig casi tauo
dayon liuat isipon mo
adton guin buhat ni Cristo
sa adlao nga Lunes Santo.

LUNES SANTO

Si San Marcos anag luas
sa Evangelio isinurat
Lunes ngahao an ilalacat
sadton mahal nga Mesias
sa Jerusalém an pahayag.

Dida san pag lacát nira
sa dalan may ada naquita
usa capuno nga Higuerra
an dahun marayadaya
maray ni usa nga buñga.

An inin cahuy nga usa
nga an ngaran Higuerra
guihapon sinumpa niya
maray buñga ni usa
catalahuron uay sama.

Nanhi usa nga mato-od
an ngatanan nga discipulos
nasay-gan guin pañginob-inob
an inin Higuerra dao-gud
cabtang san tauo nga mato-ud.

Con sugad ñga ancia an cabtang
san tauo ñga may casal-anan
ñga con uaray cabarac-an
bisan an dahun marampag
ano in sadang pag pulsang?

Cay an ca-angayan cunta
quita an tauo mamuñga
sin maupay ñga buhat tá
diri mag sugad sugad la
san guin sumpa ñga Higuerra.

Si Jesus san sumulod na
sa Templo may ada naquita
mga tendahan ug lamisa
ngatanan ipinilac niya
ni usa uaray itinura.

Sa daco ñga ca aligut gut
sinin Dios ñga mag boru-ut
sira ngatanan guin tabug
Singbahan ini ngani Jesus
uaray mag tienda diyo dao gud.

Sino man ñga mag lipayon
bo-utan labing matadong
sa Dios ta ñga talahuron
an pag ampó dinhi uyon
diri sadang pag mang-garon.

San manotdo na sa Templo
an Gueno-o Jesucristo
nag libut san mga tauo
Escribas ug fariseo
ug iba pa ñga mga Judio.

Si Sn. Juan can Cristo namulong
pinaqui ana san maglimbong
ñga ipahayag ñga la-ong
an camato-uran sa amon
con ano an imo buhaton.

An can Cristo ibinaton man
inin mahal ñga Singbahan
iyo pag gub-un ngatanan
ig papahauli co ngahao
sacop sin tulo ca adlao.

Canan Judios guin asuyan
inin Dios ñga gamhanan
cap-atan cag unom catuig man
ngan san-o nimo cahuman
ancia an caupay naman.

Ngan niyan inin pulong mo
ñga sa amon isina-ad mo
con pag gub-un inin Templo
tulo ca adlao nganimo
ha ó oli mababag-o.

An dumdum ug huna huna
san Judios ñga mag labha
an Templo orosahun ba
ha ó oli con maguba
bowa ini panañglit la.

An lauas ngay-an ni Cristo
an é ó oli mababag-o
sa adlao ñga icatulo
mabubuhi ñga toto-o
diri an toto-o ñga Templo

Con panañglit matoud man
ñga i ó oli an Singbahan
ano la in cacori-an
con an bug-os ñga calibutan
nahimo sa pulong lamang.

Ngan iguin tu-on man niya
sadton Cermon de la viña
an magtanom sin maupay la
mag babare dimasala
dimatapos ñga himaya.

Condi an mga tampalasan
ñga nag ticang san carat-an
uaray naman pag pupulsan
ñga sadang nira abutan
condi an puro nira casaquitan.

Busa bisan sia Sino
ñga nacapamati sito
dumdum guihaon a adto
an inin Cermon ni Cristo
ñga panañglitan san tauo.



AN PANOTDO SAN ATON GUE-NO-O JESUCRISTO HAN IYA
MGA CA OPDANAN.

MARTES SANTO

An mga Evangelistas
an nanomat nag pahayag
han Martes liuat malacat
inin Cordero nga ma-anyag
san ngatanan manonotdo gad.

Han sabuton na hibu-an
san damo nga catauohan
nga sira panonot du-an
nag casulod sa Siugbahan
calipay di ano lamang.

San domatong na si Jesus
sa Templo dayon sinulod
pate mga discipulos
cay manonotdo san mato-ud
buhat nga daco in pulos.

Ypinanonotdo man niya
pag hucom san tagsa tagsa
san mga anac ni Eva
papatucan an malabha
sirot san macasasala.

An mga palaran nga tauo
nga mag sunod sin toto-o
san damo nga iguin totdo
diri masayup macadto
san mahal nga Paraiso.

Ngan dida san panotdu-an
sinin Dios nga ma-aram
sa bongto gin catirucan
layon san capuno-anan
pag to-un niya diri ancia man.

San ca alo nga subrado
san mag liño nga mga tauo
mag bañgis nga fariseo
bo-ut pag dacpon si Cristo
dida sa sulod san Templo.

Condi sira uaray quita man
can Jesus ta nga Amahan
pate mga ca updanan
toṅgud cay harayo paman
an huras nga iya tala-an.

Sa boŋgto nagecagua man
nag dayon sin pagcalacat
ug an ira guin agui-an
Olivete cabuquiran
nga da-an ina auilan.

Dida hinapit anay
ngan unay man pamahuay
inin Gueno-o ta nga Amay
sadto layon nag laygay
san caupdanan nag saysay.

Nganiya mga alagad co
nga acon casarosaro
niyan pag tigam nan niyo
ngatanan inin pulong co
di masayup nga toto-o.

Aco darac pon nganiya
gagapuson pagtamaya
hahampacon papatayon pa
pag tubos san macasasala
san mga tauo nga hinigugma.

An duha nacon nga camot
ipadudupa sa Cruz
mato-ud diri masayop
maquita camo mato-ud
con an Adlao na omabot.

Bisan iguin sa-ad cuman
nga sa iyo iguintug-an
yadton adlao nga guin agui-an
diri hin babaru-an
an oras co nga dadat ngan.

Ngan basi niyo quilal-un
an adlao nga tuyo nacon
diri malisa guihaon
bag-o an Pascua madatong
aco anay pepresuhon.

San sini na ig pahayag
ni Jesus Hadi hata-as
an ngatanan nga inalagad
pinañguha hin uay sugad
sin pag cabido nga hucas.

Naglaecat naman si Cristo
pate mga discipulo
sa Bethania nasiñgadto
uaray hi oli an bido
mga alagad mag subo.

Sa Boŋgto nga dinat ngan
ni Jesus Gueno-o nga mahal
ngan san Apostoles ngatanan
nag si silincud sa liñgeuran
ngan saguilayon nañga-un man.

An harangdon Virgen Maria
tupad man an anac niya
an tag balay casaro pa
ini uaray panumduman na
ni Jesus san orupod niya.

San macapañga-un matapos
an ngatanan nga discipulos
guin cauauara-an bo-ut
cay nanhihinomdum nga mato-ud
sadton guin pulong ni Jesus.

Ycamamatay ilubon
bido saquit ug panomdom
condi sinabot guihaon
cay pinañginsayud layon
san Yroy nga barac-anon.

Sinolud an Virgen mahal
sa sulud sadton tag balay
guilayon pina nauag man
an Apostoles ngatanan
cay iya pina maqui-an han.

Ngan san Virgen an acon tuyo
¿anoba mga hiñgularan co
aco ba diri an Yroy niyo
camo naman mga Anac co
guin mamahal co toto-o?

¿Ano ba an nasayuran
san luha niyo nañgagay?
¿ano an iyo cabidu-an
pag asuyon niyo niyan
cay basi co casayoran?

Layon niyo ig susumaton
 ñgan ig pahayag sa acon
 niyan ano an iyo pulong
 sahid camo nag lilimbong
 pag pacadima-aram dacon.

An pag pulong pag lauas
 san Virgen ñga man guinlo-uyan
 an Apostoles ñgatananan
 an pag panañgis din mugang
 mga luha nag baha man.

An iguin baton na lamang
 san Apostoles ñgatanan
 ñganira oh Virgen mahal
 an anac mo e iton man
 ancia an labing ma-aram.

Diri mahihimo asuyun
 san Apostoles tuquibon
 dinara-un naman guihaon
 an Yroy ñga barac-anon
 ñgan san anac osisahun.

Ñgan an Virgen ma amomahun
 Gueno-o ñga anac nacon
 mati unano naba iton

casaquitan mo di tuquibon
 caoropdan mo mag sorub-un.

¡Oh Anac co ñga mahal
 ñga acon ca inugayan!
 ¿ano pa in pag lironñan
 ñga diri nimo guin sayuran
 inin Yroy mo ñga lunzan?

An ibinaton ni Cristo
 uaray ano man Yroy co
 pahira iton luha mo
 cay diri pa oras ito
 pag tubos co san mga tauo.

Condi ano ñga hin culba-an
 Yroy co an imo dughan
 dinhi acon ca babaya-an
 hasta san oras ñga acon datñgan
 san Amay nacon ñga mahal.

Mabulag luga masamdong
 casing casing mabido-un
 san Yroy ñga masorub-un
 cay pinopucan guihaon
 san cabidu-an di sun-un.

MIERCOLES SANTO

CASAYURAN SAN MALIÑO ÑGA SI JUDAS

Toñgud cay damo na niyan
 anag a ampo ñga catauohan
 sa iya nano-ud lamang
 ñgan iya pinababaya-an
 da-an nira ñga batasan.

Con бага iyo panumatan
 sa Boñgto an catauohan
 tiñgale camo hucasan
 lupigan sin quina-adman
 cuha-an sin catungdanan.

Con domiri man si camo
 dina ada mahihimo
 labe paman con domamo
 san pulong niya ha toc-so
 matarom an dila sadto.

Tara niyan cay tiempo pa
 mag isip camo sin iba
 iyo ipadacop sia
 ñga diri mag pasipara
 mga puno-an ug Justicia.

Ñgan con бага masasadang
 buas gud diri mag culang;
 ñgan con бага diri naman
 sa icaduha ca adlao
 layon iyo ipapatay.

Diri aco niyo usahon
sinin acon mga pulong
bisan con magtoro?un
guin lilicyan niyan nacon
ngatanan iya buhaton.

Diri co minamaupay na
buhat nga pagto-un niya
ngan si aco matalicud na
nga nag babasul ora ora
san pag upod upod co sa iya.

Ug basi niyo to-uron
ngatanan nga acon pulong
acon sa-ad nga marig-un
si camo acon o updon
con pag dacpon na an lorong.

Ytotutdo co sa iyo
an pag dacop con maunano
an ma-aram na si aco
tara tapuson an trato
basi quita manhibaro.

Con camo mag arabuyon
han tuyo niyo buhaton
pag dacop sito nga lurong
pira anhimudlay dacon
nga acon maguiguinsuhul.

Yguin pulong san sumabot
sinin mga fariseos
nag calipay na nga gayud
macuri an ira bo-ut
san sa-ad sadton malupot.

Ynabraza na ni Judas
fariseos ug Escribas
ug tampalasan nga Caipas
calipay nga uaray sugad
cay an bo-ut na alagad.

Sina-aran nga tatagan
catlu-an casicapat lamang
ug ira pinanuratan
ngan dida guin sumpa-anan
an buhat nga caliruñgan.

Calipay dao ura ura
ni Judas lurong uay sama
san salapi san camita na
dayon isulod sa busa
ngan guin piot piot niya.

Linusad na sa guilayon
an hacug nga malimboñgun
ngan sa balay man nagdayon
diri tuhay an caborot-un
nag roha duha an domdom.

Nag paca dina naquilala
cuno abi uaray sala
balitao sinasabut na
ni Jesus nga Gueno-o ta
an maraut nga huna huna.

Mato-ud dinasabot man
an Apostoles ngatanan
adton iya binuhatan
ni Judas nga tampalasan
nga puno sin carat-an.

An guin isip nga toto-o
nga mag dadayun sa Bongto
cay mamalit an maliño
ugay canan Maestro
asay iguin balidia didto.

San iya pahibaro-un man
an Virgen Yroy gamhanan
siya paman guin tugunan
imo layon pamati-an
sa Bongto an carucayacan.

An baton sadton maliño
o o mahal nga Gueno-o
an ma-aram na si aco
pag mamang nu-an co toto-o
an Gueno-o nga Maestro.

Malimbong lurong nga tauo
mabudhi dinhe ngan didto
ano ba iton pulong mo
bowa iton imo tuyo
pag balidia san anc co?

Si Judas san dumatong naman
 guilayon pinaki-anhan
 san Virgen Yroy nga Mahal
 ¿ano an imo hin dung gan
 sa Bongto nga carucayacan?

An lurong binaton sadto
 malipay na an Gueno-o
 an pulong san mga tauo
 puro pag dayao san anac mo
 an pag calipay subrado.

Diri naman cabarac-an
 cay sa Bongto co pinamati-an
 cay acon didto hindong gan
 an mga carucayacan
 san damo nga catauohan.

An ngatan nag lilipay
 an pag dayao uaray pahu-way
 san pag totdo ug pag laygay
 ni usa uaray sin muhay
 san Maestro nga maupay.

An maliño bin mulag na
 an bo-ut san Virgen Maria
 guihaon may cabaraca
 cay diri man nacucuha
 an casaquit nga ura ura.

Labe pa con hiquit-an
 an daco nga cabidu-an
 san Apostoles ngatanan
 casing casing dinodoc tan
 sin sugad nga pag cahimtang.

Pinahid na ni Maria
 luha san mga mata
 sa guilayon sin mulod na
 sa sulod san anac niya
 casaqitan uaray sama.

Namolong siya nag lowas
 loh agaron co nga anac
 minahal nga uaray sugad
 casing casing co nasamad
 sinin acon ina abat;

¿Ano naman ba anac co
 nga dimo batonon aco
 sin sugad nga pañguinsayud co
 mag sumat cana anac co
 batuna inin Yroy mo?

Cay hino naman ba nga tauo
 bisan harayo nga Bongto
 sugad nga adlao sin Pasco
 guilayon mauuli ngadto
 cag anac lauyon didto.

Toñgud cay magsasaro
 con adlao hinin Pasco
 ano ba icao anac co
 aco dinhi bilinon mo
 ¿ano nga cabtang ito?

Yroy mo ma unan-o na
 con icao hamulag diya
 ¿ano an ig hihimaya
 con umabot na ang Pascua
 dinhi niyan con uaray ca?

An pag pirit nimo niyan
 hin pag iuas pag guican
 ancia ana sasaqitan
 naducot uay cacuha-an
 sa casing casing ug dughan.

Baga masilhag ngada-an
 quinabuhi mo dadat ngan
 tiñgale an catapusan
 nga si aco catotundan
 san mapaua co nga adlao.

Niyan an ina aro co
 duha nga cabtang sa imo
 si aco man alagdon mo
 cay pag tuñga cuna ito
 anac co san pag iuas mo.

An ina aro co nga ciapa
 sa Anac co nga hinigugma
 diri anay omiuas ca
 dinhe si icao pag Pascua
 bag-o mag bulag quita.

Ycaduha nga ina-aro co
nga siniring siring sa imo
si aco pag sumatan mo
ano an isip sa imo
siton mga fariseo?

San can Jesus na panung-gun
sadton mag tam-is nga pulong
san Yroy nga ma bido-un
uaray pag ilub bin maton
nag asuy pag sosumaton.

Yroy co nga niya nga mahal
nga acon ca calipayan
anopa nga pag cahimtang
an ig lalaris co niyan
san Gueno-o co nga Amay.

Niyan ancia an catuman
an adlao nga itinala-an
pag sacop co san casalanan
Yroy co ini ancia an catapusan
san dita na pag quita man.

Husto nga uaray na culang
adlao nga itinigaman
san Amay co labing mahal
sapag sacop san utang
san bug-os nga calibutan.

Yroy co matutuman na
tagna san mga Profeta
sa Escritura sagrada
casaquit co castigo pa
sapag tubos co san sala,

Pag dumdumon mo Yroy co
nga si aco tugutan mo
sapag sunod san Amay co
cay diri gud mahihimo
nga diri omiuas aco.

Diri na sadang ig lañgan
an pag iuas co pag guican
sa lañgit casugu-anan
hugot gña sa-ad cuman
pag tubos san asal-anan.

Sadang cuba pag larison
sugo san amay ug tugon
uaray dalan nga matadong
an tauo dico panubson
san sala pag ca oripon.

Bisan Yroy co masilao
nga acon ca quinahidlao
hi aco man mamatay
sulod sin tulo ca adlao
aco ngahao mababanhao.

Yni ancia an sa-ad co
tugun co Yroy sa imo
dimasayop nga toto-o
tara aco tugutan mo
niyan sinin pag iuas co.

Aba-a Yroy nga may palad
babayi ngatan uay sugad
panaanglit con aco bumolag
san acon pag guican buas
cop cope an imo anac.

An pag baton icamamatay
pag baton nga cabidu-an
baga dinultan sin pun-yal
san quimabuhi nonontan
sin sugad nga casaquitan.

San dong gun na ni Maria
an sugad nga pulong niya
dughan nag cuba-cuba
guilayon sia nan luya
guinhaua ibos macuha.

Condi binuligan pa
sa Dios nga uaray sama
an Yroy Virgen Maria
haros mabugto an guin haua
an guinabahi dao macuha.

San hi uli-an nan hay hay
an Yroy san pag hirabtay
guilayon sin mulod anay
lin muhud nag hinay hinay
nag ampo sa Dios nga Amay.

Sa lañgit hin mañgad sia
mga mata guin luluha
ini an guin pulong niya
loh Dios Amay ñga mapaua
Hadi sa lañgit ug sa tunaj

Ano ñganiya Gueno-o
ña guin orug san Anac co
an mga mara-ut ñga tauo
ancia an guin mahal mo
sa-ad ñga sala sa imo

An sadang mo patucan
toñgud sinin casal-anan
ancia an guinhaua mo niyan
ña an anac mo ñga lus-ay
an imo ipapatay.

Dios Amay con бага
sa tauo may calo uy ca
pasallo-un muna sira
ayao mo ipapatay na
an anac mo ñga hinigugma.

Husto naman ñga toto-o
camacagagahum nimo
dina mamatay Dios co
matutuman an bo-ut mo
pag tubos san mga tauo.

Da-an mo hin babaru-an
ñgatanan ñga casaquitan
daradara co siam ca bulan
in mucuy sa acon tiyan
inin imo pag borut-an.

Labe ñga casaquitan co
san cami pa iuason mo
san pagcadto sa Egipto
cabudlayan ñga subrado
pag quinugos san anac mo.

Ano ba Dios ñga Amahan
cabaraca co capinan
casaquit diri samahan
han cia dumaco naman
ñgan lin mabe san ñgatanan.

Tara Amay co ñga lolo-uyon
sia imo pasallo-un
ña perdunahan nimo layon
dimo Gueno-o patayon
anac co ñga higugma-un.

Cay con sia mamatay man
acon dao hi o. onuñgan
ancia ini an casaquitan
san casing casing co nahamtang
con an anac co hiquit-an.

Dipa sadang Gueno-o
an iya pag ayuno
pag hampac sa disierto
maca tubos na adto
san sala san mga tauo.

Aco Amay namanla
an maliuan sa iya
ini maupay cupa
ña diri cula maquita
mag curi an hinigugma.

Aco na an catiguban
san casina mo ñgatanan
ña aco na an mamatay
labe co ñga pag calipay
mabuhi la an inugay.

Yni an ina aro cula
sa imo inu oñgara
Dios co mag ilub ca
guilayon la alagda
basi aco guminhaua.

Mag calainlain lamang
an ino oñgara co cadam-an
ña sia pinamati-an
ug guilayon binaton man
san Dios sa calañgitan.

Dinuñgug caupay nacon
Maria an imo pulong
diri sadang carauatan
ña icao acon batunon
ña an anac imo gaeson.

Diri ma i ilub niya
 nga quita-un magsaquit na
 casaquit niya labi pa
 busa mamaupay pa
 nga-an mag saquit ay sia.

Maria dico cacarauaton
 iton imo mga pulong
 diri cuna lilisu-on
 an anac mo pag sasaquiton
 an may sala panonubson.

Hiya man an ca-aŋgayan
 nga mag saquit mamatay man
 ngan basi matubos ngatanan
 an sala san calibutan
 pag sacop san casal-anan.

Diri iba an anac mo
 an mag ilub san puŋgut co
 san mga lurong nga tauo
 cay sia an macacatambal toto-o
 sala san bug-os nga Mundo.

Maria an imo pag sug-an
 sacrificio ni Abrahan
 sa pag sunod niya lamang
 sa acon pag bo-ut man
 si Ysaac na pupugutan.

Yni man an caruyag co
 nga ina aro co dimo
 nga mahagauas an tauo
 ngan mag ilub nga toto-o
 nga mag saquit an anac mo.

San hibaruan sabuton
 san Virgen nga masurub-un
 nga pag bo-ut nga laŋgitnon
 ni ano man uaray baton
 nag ilob uaray pamolong.

Mabido nga uaray sama
 masaquit sa huma huma
 casaquit guin ilub niya
 san Iroy Virgen Maria
 pag sunod sa Dios Amay ta.

ARAL

An ciapa nga litra A
 R an icaduha
 an icatulo naman A
 L an icaupát nga litra
 totdo san tauo ngatanan na.

Oh tauo nga uaray cabaraca
 ni gute uaray huna huna
 an gusto mo caruyag la
 pag laris ug pacasala
 sa Dios nga Gueno-o Amay ta.

An guin susug mo lamang
 an can Judas binuhatan
 san iya catampalasan
 hin maupay pag isipan
 inin imo calauasan.

Bantugan con mag pulong ca
 buhat mo an camadaya
 labing mana na-ug nga dila
 hata-as mag huna huna
 palabi labi uaray sama.

Con diri mo pag ibanan
 sugad nga catampalasan
 mato-ud uaray capul sanan
 san sinin nga calag mo man
 sa infierno pag susung-an.

Quita-a an malingo nga si Judas
 Apostol nga uaray palad
 maquisalape uay sugad
 an hin mutangan san calag
 sa infierno pag susung-an.

Damo nga disamahan
 sa surat nahamumutang
 nga tungud sin camang garan
 sa infierno pag susung-an
 mag liŋgo ngan tampalasan.

Busa an bisan hino
 ñga magugupong ñga Cristiano
 hin maupay pangino-ino
 hisa sabutan paniguro
 buhat ñgatanan ñga pag liño.

Cay dida mo sasabuta
 camara-ut mo uay sama
 con mapa-id malo-uy ca
 san ig casi tauo ta
 ñga guin sasaquit pag tamaya

Con maupay an buhat mo
 damo ñga mag dadayao dimo
 capalabi labi uaray data hito
 bisan cá di-in cadto
 camasaquit an á abutan mo

An camasaquit pag ibani na
 sa casing casing mo ug calag pa
 mag ampo ñgan mag sa-ad ca
 ug mag ampo mangamaya
 san Gueno-o Virgen Maria.

Ano man ñga cacori-an
 casaquit imo á abutan
 imo pag pasalamatan
 cay ini pag borut-an
 sa Dios sa calañgitan.

Ayao pag dara hin saquit
 cori casina uay sanglit
 pag iluba antuson ñga perit
 samatu-od ñga pauarig
 sa sang piton ca san lañgit

JUEVES SANTO

Sadton unhan ñga batasan
 mga tauo ñga cadam-an
 quinquaginta nag titiroc man
 bug-os ñga ca Judiosan
 sa Jerusalém ñgatanan

Sa icapulo cag-upat
 sa Marzo an bulan hayag
 nag titiroc ang ñgatanan
 pag lipay pag pasalamat
 sa casquitan mahagauas.

Sadto san adlao ñga unhan
 nabihag an ca Judiosan
 ni Farong Hadi ñga lisang
 ñgan hira pa cauripnan
 san Bongto taga Egipto man.

Si Moises diri ibá
 sa ira amo ang quinuha
 pag atubang maca urosa
 sa Hadi ipinaquita
 san panubos na sa ira.

Yni na ñga adlao amo
 an pag calipay san mga Judio
 san pag cadto sa Egipto
 cay ca adlauan hin Pasco
 busa sira nag pacadto.

San Jueves san pag ca-aga
 si Cristo man nag tima na
 nanarit san Iroy niya
 ñga perit tutumanon na
 panobós niya san salá.

Nganiya aco macadi
 mahal co ñga sarapati
 Iroy co ñga guimamahali
 an tala-an ñga adlao ini
 bo-ut sa Dios uaray tupñge.

Din matong na nga toto-o
 adlao ñga guin pamulat co
 san pag sacop co sa tauo
 mag ilub la an Iroy co
 aco nasiring sa imo.

Iroy co dimo ig saquit
an pag baya co pag sarit
masaplud coman mapait
pag e ilubon nga pirit
bo-ut san Amay sa lañgit.

Han masayud si Maria
sadton ibinatón sa iya
an dughan nag cubá cubá
nag tañgis guilayon sia
ini an guin asuy niya.

¿Ano nga niya acon anác
diri na sadang maluat
an pag guican mo pag iuas?
;ano dao acon mabuhat
con aco dimo hamulág!

Bacay ancia an pag bo-ut
sugo san Amay nga Dios
mapait man di ma-antos
mahap dós man sa bo-ut
pirit aco mag i ilub.

Condi ina aro nacon
san acon anác nga bugtong
imo ig sumat sa acon
¿di-in ta icao bebilñgun
sinin Iroy nga masurub-un?

Bin maton an Virgen Mahal
san anác nga nalanat man
Iroy dica babaya-an
ngan icao firme o opdán
san uman cón mo si Juan.

An cabidu-an para-a
an mga luha sa matá
mahapdos a an hun ta
icao manta diri ibá
an opód upod culá.

An casaquitan damo gud
pulong san Iroy nga tu-od
¿canay dila an nag sayud?
¿canay hata-as nga bo-ut
nga diri an dug han magsu-ot.

Nagsitañgis lamang sira
apit mabugto an guin haua
dughan mán hincuba cubá
cay sadto benindecionan na
si Jesus san Iroy niya.

Quinopcupan na si Jesus
san Iroy nga nalolomos
luha sa matá na agus
ngan lin musad nga lugos
paté mga discipulos

An cabidu-an uaray pag papas
mata san Iroy iguin a lagad
an anác man niya sugad
an matá iliniliñgat
san Iroy di ibinubulag.

San diri na tan auon
san anác nga marahalan
sin mulód na saguilayon
din mugang siya panomdum
nga casaquit nga disun-un.

Ynin mahal nga Mesias
nag dayun na sin pag lacat
guin li-ao an mga alagad
sinin Mesterio nga hata-as
ancia an ipinahayag.

San sira omabot naman
Olivete cabuquiran
sa Bongto di harayo man
dida anay pinahuay
hasta nga matunod an adlao.

Guin tutdu-an ngatanan
ni Jesus an caupadanan
magtahum nga pinuluñgan
nga sadang gud calipayan
nga iya guin isipan.

San alas tres na an horas
si Sn. Pedro si Sn. Juan
iya tinauag naman
nga iya pinamuloñgan
ini an iya quin yacan.

Camo nganiya pag una
 nga sa Bongto sumulod na
 didto niyo quiquita-a
 usa catauo may dará
 sin tubig sa Besó niya.

Pag alinsunoron niyo
 bisan di-in'cia cadto
 somunod man si camo
 an balay nga sudlon sadto
 cay ancia man an bo-ut co.


Ngan pag sayuran man niyo
 an tag balay nga toto-o
 dida aco pag pa Pasco

basi itutdo con ano
 andam nga adlao sitó

San ini na ipamulong
 ni Jesus nga iya tugon
 duha nga alagad layón
 nag calusad ngan nagdayon
 sa Bongto ira tinadong.

San nacadto na hiquit-an
 an sa ira itinug-an
 ira guin alin sunud mán
 sa balay nga da-an andam
 an garamiton nga tanan.





AN PAG ICLOP SAN ATON
GUENO-O JESUCRISTO PATE
PAMUSA SAN MGA TE-IL SAN
IYA MGA APOSTOLES.

San matunod na an adlao
inin Gueno-o nga ma-aram
inabraza an ngatauan
ngan sin mulod lamang
sa Bongto sa Jerusalém mán.

Ngan an balay san Amigo
layon sira nasingadto
toyo nira nga toto-o
didto sira pag pa Pasco
pate mga discipulo.

San domatong na si Jesus
dida san balay ni Marcos
pulong nira pag paubos
sa daco nga catahud
cay Amigo sia nga lubos.

Sin mulod nga an tinuyo
tinadong an Cenáculo
pag totoha-un nga toto-o
an hata-as nga Mesterio
nga ibibelin san mga tauo.

Dida san natitirucan
ni Jesus san ca updanan
lingcud sa lincuranan
namulong nanutdo anay
inin Maestro nga ma-aram.

!Oh mga Apóstoles co
tinun-an nga higugma-un co
maiha na nga isip co
nga quita mag sasaro
san sugad sini nga Pasco


Ug niyan matutuman na
an acon guin huna huna
dinhe mag aragtubang quita
bo-ut co matutuman na
tagna san mga Profeta.

Ngan an Gueno-o Jesucristo
pate mga discipulo
nag calingcud nga toto-o
ngan nag ticang naman adto
san pañgaun- sa Cordero.

An Cordero nga guin ihao
diri ibá cunde ladauan
san iya lauas nga mahal
nga sasaquiton sin tuman
san mga ca Judiosan.

Dida na san catapos
hadton ira pañgiclop
dida ira na ubos

an gugma niya ñga tu-ud
sa mga alagad ug sacup.



AN PAMUSO SAN ATON GUE-
NO-O JESUCRISTO PATE
SAN IYA APOSTOLES

San á las seis y media
sadton gab-é ñga huras na
Maestro casbu uay sama
lauas diri ma aguanta
casaquit san Pasion niya.

Nag buhat ñgan tinocdao
an Maestro ñga gamhanan
usa ñga tu-alla an quinaptan
sa hauac niya iguitacgung man
sa pamahid niya andam.

Ngan dayon sinudlan niya
hin tubig adton plangana
cay iya pamomosa-an na
an berilhun ñga te-il nira
san mga tinon-an niya.

Guilayon hinarani-an
si Pedro ñga inugayan
cay an tuyo huhugasan

inin tuyo san hiquit-an
si Pedro dao quinalasan.

Nahatiñgala sin tuman
si Pedro dao quinalasan
mga matá guin luluha mán
guilayon guin baribaran
ini ancia an guin yacan.

Do mini tu mihi lavas pedis.

Icao na acon Gueno-o
an mahugas san te-il co
aco an aňgay sito
ñga pumusa san te-il mo
cay Dios ca ñga toto-o.

Diri cudao ma-ilub
Gueno-o co ñga Dios
hugasan mo aco matu-ud
an te-il co ñga mara-ut
sin buiring napupuros.

An ibinaton ni Cristo
 diri ca nasabut Pedro
 con ano inin buhat co
 niyan sasabuton mo
 an cahulugan con ano.

Sadaco nga pag casaquit
 si Pedro tinocdao nga pirit
 mga te-il pinipinid
 ngan namolong non lavabis
 in ternum mihi pedis.

Diri muna pamusa-an
 te-il co buringun di tup ngan
 bisan pa ano in datngan
 nga diri la cabidu-an
 San bug-os nga calaŋgitan.

Ano san di bo-ut papusa-an
 ni Pedro an mga te-il man
 san Cordero nga ma-anyag
 namolong san mga alagád
 ancia ini an guin luas.

SI NON LAVERO TE,

non habebis Partem mecum

Nga con dico pusa-an
 Pedro an te-il mo niyan
 acon ca casisinahan
 naray nimo pag populsan
 sa acon sin ano paman.

Si icao tutuy-an cuna
 dina aco maquilala
 diri man mag pupulos ca
 icao babau-an cuna
 san acon hatag nga gracia.

Ano san mahuman na
 si Pedro uaray pag riua
 layon bin maton sia
 luha-un an iya mata
 amo ini an pulong niya.

Nganiya acon Gueno-o
 diri lamang an te-il co
 condi camo't pate ulo
 tugut cuna nga pusa-an mo
 ngan dila tuy-an mo aco.

Con aco imo casinahan
 nga imo pa aco tuy-an
 jaba-a Gueno-o co nga mahal
 ano an hiŋgangadtu-an
 sinin maraut co nga cabtang!

Yn malagad na si Pedro
 sin papusa sa Maestro
 dayon lumohud nga toto-o
 san Gueno-o Divino Verbo
 napapusa layón sadto.

Macalolo-uy an pag cabutang
 san Dios nga gamhanan
 tinuyo an pag paubos man
 cay basi masus garanan
 san tauo sa calibutan.

Angeles ug Principados
 Virtudis ug mga trunos
 quita-a an Gueno-o nga Dios
 nag ilub ug mag linuhud
 san te-ilan sanag calingcud.

Masubo ug masakit
 an tuna paté an langit
 ngan sadang man itangis
 an pag pa ubos uay sanglit
 cabtang sa Dios uay su-it.

Quita-a san capusa-an
 an can Pedro mga te-ilan
 san catapus na capusa-an
 pinahiran nga hinadcan
 mga mata guin luhá man.

San alagdon na toto-o
 san papusa na si Pedro
 an ibá nga discipulo
 uaray linaris bisan sin-o
 napapusa sa Maestro.

Linibut sira nga tanan
ngan sinahid niya pusa-an
han capahire hinadcan
ano nga casing casing man
an di humomoc matunao.

An pamusa san matapos
mga te-il san discipulos
binalic liuat si Jesus
ngan dinayon lomineud
namolong dira nag sayud.

Aba-a mga caopdanan nacon
caquilala ngan higugma-un
an tinanan-ao niyo dacon
ancia man niyo buhaton
con camo may pag sacupon.

Camo mag inalagdon man
mapa ubos an guinaui-an
ngan sin bo-ut nga mahusay
cay an pag pahata-as naman
tincaingan san carat-an.

San ipamolong na adto
ni Jesus aton Gueno-o
paŋga-un layon nanang-ko
diri sun-un an cabido
san iya mga tarang co.

Ngan dida san pag sasaro
san ma-aram nga Maestro
namulong san discipulo
usa nga niya sa iyo
pag bobudhi-an si aco.

Ano pa san hidung-gan
san Apostoles ngatanan
baga sira pinangalasan
ngan sira nan hiusa man
san iya mga guinyacan.

San ca-alo cahadloc pa
guilayon pinaqui-ana
!aco bá pulong nga nira?
si Judas man nagbuhat na
ngan dayon mag paqui-ana.

Sin himay binaton adto
an Apostol nga maliŋgo
uaray sinabut ni sino
nga ni Jesus nga Gueno-o
si icao dao diri sino.

Hata-as diri samahan
hunahuna ug quina-adman
sa Dios labing gamhanan
sa butnga sadton quintun-an
uaray sinabut nga sino **man**.

Sa ca alo ug catahud **man**
si Pi Pedro guin culba-an
hinoringan si San Juan
panginsayud san cahulugan
an mag liliŋgo con sino **man**.

Si San Juan pinaqui-ana
sa Maestro nga hinigugma
an pulong ni Jesus sa iya
an hungiton co nga ciapa
ancia an mag papasipara.

San paŋga-un mamiŋgao **man**
san Apostoles ngatanan
nalimot man si San Juan
si Jesus napahandig man
buhat nga salangit guican.

Dida inin maliŋgo
huŋgita sadton Maestro
uaray quenita ni sino
san mga discipulo
nga harani niya ug casaro.

Ngan sadto na san cahuman
san paŋga-un Cena legal
inin Gueno-o nga ma aram
isinunod guin larang
adton cena Sacramental.

Guin tuyo an Cinaculo niya
larang sa Dios nga amay ta
yadton Eucarestia
ig papaqui ana sa ira
san mga caupdanan niya.

San Judios batasan nira
sugad nga adlao hin Pascua
con nangingiclop sira
may tinapay nga ó usa
lina lain sa lamisa.

Yton tinapay nga o usa
uaray sacót nga libadura
quinaptan san may gugma
ni Jesus nga Gueno-o ta
ug benindecionan niya.

Ngan iya benindecioan
sadton pulong nga mahal
tinapay co nga quinaptan
ancia an lauas cuman
con caunon cabuhi-an.

Peninit ngan guin bucá
ngan ipinaca-un niya
namulong nga ini ancia
nganiya, niyo ca una
cay ini lauas cuná

San mahuñgit na matapos
ngatanan nga discipulos
an binuhat man ni Jesus
calix quinaptan gud
may alac séo nga sulud.

Yya benindecionan
ug dayon hinuriñgan
nga maguin dugo cuman
layon ipina inom naman
san iya mga guin tun-an.

An guin pulong ancia itó
ito inumon niyo
ancia ini an dugo có
nga ig ó ala toto-o
tongud han salá san tauo.

Sayud gud nga manunubos
sa usa daco nga Cruz
sapag sacop co pag tubos
sa calibutan nga bug-os
dugó co ig ó ula gud.

Si camo man tatagan co
sin cagam hanan toto-o
an ini nga guin buhat co
ancia man an buhaton niyo
con sa calibutan omiuas aco.

In mei memuriam facietes
ngani Jesus nga mahamis
con samatadong ig sanglit
inin pulong niya nga hingpit
sa nacada nga Apostoles.

Con itó an iyo sundon
ngan aco an panomdumon
asay niyo pamorubo-uton
camo acon á am cunon
ug acon pag papa urahun.

Ao pa si Jesucristo
lubos an gugma san tauo
san ngatanan nga hibaro
namulong liuat sin bag-o
nga an guin luas amo itó.

Qui manducat meam carnem et
bibit mean sanguinem in memanet
et ego illo.

An sino man nga cuma-un
san lauas co; bilin nacon
ngan an dugo mai-inom
sia ha tutuñgud dacon
si aco iya guihaon.

San papañgumulgar na
ni Jesus san Apostoles niya
ngan guin bilinan sira
may Obispo ug Santo Papa
ug Sacerdotes an ibá.

Mesterio nga di matugcad
milagro nga sa lañgit guican
calipay nga uaray sugad
higugma nga ipinadayag
san Gueno-o nga ma-anyag.

Marig-un nga hinumduman
ni Jesus san Virgen mahal
cay sadto manta nga gab-e man
si San Gabriel guin sugo lamang
an Virgen pinasugu-an

Si Enóc ug si Eleas
nacadto nag papahayag
sa mahinay nangarauat
condi uaray quinita mán
san mga Apostoles ngatanan.

¡Oh higugma nga di masayud!
¡hatag nga di matapos!
oh calo-uy nga diri maubos
nga iya mga pag tugut
san malolo-uyon nga Dios

Pag dayauon nga toto-o
an manana-ug nga Verbo
tongud san gugma san tauo
lauas niya paté dugo
ibinilin sa Sacramento.

AN PAG IUAS NI JUDAS SA CENACULO CAY IPADADACUP AN IYA MAESTRO.

Pag ca matig-a uay sama
ngadao bató camatig-a
bo-ut ni Judas lorong uay sama
uaray pag homoc ni gute la
san catampalasan niya.

Camara-ut nga toto-o
san calag sinin maliño
sinudlan na san demonio
in-miuay sa Cenaculo
cay pag dacop can Cristo.

Tinuyo sa caborut-un
pag bulag sadton malimbong
oh Judas daco nga lurong
más balé ca ha unong
san inulnan mo pag lubong.

Nan miling na a maliño
sa iya mga ca trato
Escribas ug fariseo
ipadadacup toto-o
mahigugma-un nga Maestro.

Calipay nga di ano lamang
sadton mga tampalasan
fariseos mga tampalasan
cay an isip san ngatanan
tuyo nira matutuman

Nag asuy na ngan nagsumat
an inin lurong nga Judas
calipay nga uaray sugad
sanglit pa cay mananap
pag liño ipinadayag.

Baga oding an cahimtang
nasahid hin pag samsám
hinoman ina agauan
cay uaray gud hin mumutangan
san ca aua nga uloñgan.

San camalupot sugad man
mag raut an binuhatan
dao mananap an iya cabtang
uaray bo-ut nga gute man
mahugao an guinicanan

Lorong dáo ayam nga tauo
anác adá san demonio
domdum nag ca ano ano
uaray bo-ut uaray apdó
canugon san pag catauo.

Malao-ay nga di samahan
an dugo nga guinicanan
hugao nga uaray sanglitan
iton iya hin paticañgan
sa incesto casal-anan.

Tampalasan nga malabha
nga uaray pag hunahuma
taúd taud ipina quiquita
sin bo-ut sa pag himaya
san canan Maestro gugma.

An mga sala mo ngatanan
iya ca peperdunahan
ca Apostol ca ibinutang
san gasto tinubianan
sa imo an pag borut-an.

Casabot ca san Maestro
iya ca iguin sasaro
minamahal ca toto-o
¿ano cay icao nag liño
sugad nga gugma sa imo?

Diri muna guin dumdum
pag palang-ga nga di sun-un
¿ano man nga iya ca-unon
ina-ataghan ca guihaon?
san Virgen nga marahalon

Sa imo iguin tugon pa
an mahal nga anac niya
an baton mo hi icao nala
nga mag mamangno sa iya
san Gueno-o nga may gugma.

¿Yni ancía an sa-ad mo
icao diya mag mamangno
cay ano an pag Sulay mo
nga iyuin combida nimo
an anac co nga olitauo?

Labut sini ó usa pa
Apostol nga malingo pa
icao ngahao diri iba
an naguin mando sa ira
san pag dacup na sa iya.

Busa maliño ug tampalasan
pag isip san binuhatan
cay imo pag babasulan
cay aba-a mo aba-a moman
cairó nimo cairó lamang.

ARAL

Tauo nga diri quinoculba
ni gute uaray cabaraca
hin firme pag isipa
an lubós nga pag paura
ni Jesus san mga calagta.

An pahigugma nga di tupngan
lubós nga cagamhanan
calo-uy san may casal-anan
an dugo niya ug lauas man
dida sa Altar pag bilinan.

Ug ini uaray pag did-an
san mag pintas ngan bara-an
dida aton isipon man
sahid la niya naruyagan
an mag suit ug bara-an.

Quita lamang an mag liño
mag pasipara uaray tu-o
sa mga cabtang nga itó
an pag palang-ga toto-o
san Gueno-o ta Jesucristo.


An aton guin sususug la
si Judas ug diri iba
con quita nacacasala
iguin baballo an gracia
san mara-ut nga buhat ta.

Ano man nga casal-anan
an mag lao-ay nga cadam-an
busa guinabibidu-an
ug diri bo-ut culauan
san Dios sa calangitan.

Busa Cristianos pag ibanina
adton iyo mga sala
ngan sadang camo malo-uy na
ug iyo icabaraca
an calág niyo ay aba-a.

Con mag sinugad cala hitó
lurong mapintas nga tauo
¿ano an á abutan mo?
condi saquit sa infierno
ancia an dadangatan nimo.





AN PAG AMPO NI JESUCRISTO
NGA GUENO-O NATON SA
SA HUERTO SA
GETHSEMANI.

San cahuman matapos
san pañga-un pag iclop
sinin Gueno-o ñga Jesus
pati mga discipulos
nag pa gracias sira sa Dios.

Sa Cénaculo guin micán na
si Jesus an orupod niya
may casaquitan nira
ug an tinadong nira
cabuquiran sa Oliva.

Harayo an guin agui-an
mga Apostoles ñgatanan
higugma-un sa Dios anac
ug basi diri cabarac-an
san iya mga caurapdan.

Oh mga Apostoles co
pinili ñga mga hibaro
niyan gud ñga gab-e an itó
diri masayup ñga toto-o
aco babaya-an niyo.

Si camo mag dadadlagan
ñgan iyo aco baya-an
cahadloc niyo di samahan
ña iyo aco calimutan
sinin aton pag harampang.

Dima sala an pag sanglit
an pag tagna ug pag tuquib
san mga Profetas uay sanglit

*Percutiam Pastrem et
dispersentur oves gregis.*

An ira mga guin yacan
an Pastor pag sasamaron man
in miuas layon naman
ovejás mga sinarigan
uaray, dica babaya-an.

Toto-o diri malisa
tagna san mga Profeta
sa Escritura sa grada
tuman na guin pulong na
san Gueno-o nga Dios ta.

San hidunggan ni San Pedro
yadton guin pulong ni Cristo
uaray pag ilub toto-o
an culba nga subrado
an guin pulong amo ito.

*Et si omnis scandalizate fuerint en-
te ego nunquam scandalizabor.*

Oh Maestro co nga mahal
sira ngatanan maiuay man
ica o ira babaya-an
acon ica o o onogan
ngan diri co bubulagan.

Gueno-o co to-uron mo man
inin asuy co niyan
bisan sira mag dadlagan
dimasayop matutuman
dico ica o babaya-an.

Ngani Jesus nga ma-aram
ica o Pedro mag hinay man
isip an pulong mo niyan
an haluyo mara-ut man
bangin la mag bowa caman.

Si San Pedro bin maton pa
sin pulong nga diri bowa
ano Gueno-o nganiya
diri nacon babaya-an ca
nga si ica o diri bumaya.

Bin maton layon si Jesus
pulong ni Pedro mato-ud
usa anay capanuga-oc
sa tunga san gab-e san manoc
mag lilirong ca nga matu-od.

Dimasayup nga toto-o
si aco ig lilirong mo
diri maca usa la ito
condi cay macacatulo
ngan dipa quiquilal-un mo.

San catapos na magpulong
ni Jesus nga Guen-o naton
nag lacat sira nag dayon
ngan an ira tinadong
torrente salug sa Cedron.

Yton salug nga torrente
Cedron an pag ngaran sini
nga nag a agus sin firme
uaray pahuay ini
sa ilarom san Olivete

Ngan san macataboc naman
si Jesus ug caupdanan
may usa man nga tanaman
Gethsemani an pag ngaran
mao an pinamahuayan.

An Gueno-o Jesucristo
namulong san discipulo
nga niya dinhe si camo
cay mag a ampo si aco
sa Dios nga Gueno-o.

Tulo an iguin upod niya
mao an pinili manla
si San Pedro an ciapa
si Diego an icaduha
ug si Juan Evangelista.

Dayon sin mulod lamang
sa sulod sadton tanaman
sa huerto arampu-an
amo ini an iya casaqitan
nga uaray pananglitanan.

Ay ano san harayo na
san mga orupod nga iba
san tulo namulong sia
tritis est anima mea
usque ad mortem nganiya.

Calag co nga mabidu-un
tongud san camatayon
tara caupdanan nacon
dnihi anay camo hunong
aco mag a ampo guihaon.

Vigilate ay nga pulong
mag aligmata guihaon
et orate mag oracion
ut nun ngan ini pa idugtong
intretis intentionem.

Basi camo di hatoc-so
san panulay san demonio
di mahamorayao diyo
an casuroc-an amo ito
paquimalo-uy nga husto.

San matapos na mamolong
si Jesus macagagahum
napaharayo dayon
nga di abuton sin pulong
linohud ngan mag oracion

Nganiya *Pater mei*
Amay co nga guin palabe
si posible est nga pulong ini
nga con masadang ngani
Yranceat a me Calix isti.

Amay co con masasadang
imo aco calo-uyan
nga diri co ma inom man
an calix nga capaitan
nga sa lauas co dadatngan.

Bisan iton ina aro co
hin paquimalo-uy co dimo
an bo-ut co disundon-mo
condi guipahon an imo
ancia an a alagdon co.

An ini nga calag nakon
buhat ngatanan guihapon
ano ba an bubuhaton
lugos inin lauas nacon
ancia an di mailubon.

Alagad ngan sunod aco
buhat nga sugo niyo
aco uaray ano ano
totomanon co toto-o
sugad han ipatangdo mo.

Ug sadto san matapos na
san mga pag ampo niya
guilayon tin mocdao sia
guin biling ngan piñangita
an tulo nga opod niya.

Na nga nga turug sa higda-an
san himo-oc nga capinan
guilayon pinamucao man
tagsa sinangpit ngatanan
nga ini amo an guin yacan.

Nga la-oug mga hinigugma
caupdanan co nganiya
dinagud camo mag suga
sa acon sin pag aligmata
bisan usa ca horas la.

* Hi camo na mag camata
mag ampo an tagsa tagsa
hi aco an iyo pag sunda
nga sumupo di pasipara
di hatoc so san panolay pa

Ngan uaray pag iha sadto
ngan mabido an Gueno-o
ngan binaya-an an tulo
ug mag balic napasingadto
sa arampu-an nga huerto.

An pag ampo nga ciapa
sa may iliniuat niya
ngan layon guin tugon pa
nga mangno-an taud taud la
an Virgen nga Yroy niya.

An ca Apostolesan
nga iya hinigugma man
pinatugunan ngatanan
nga di homagcut lamang
an pag higugma nga tuman.

Ngan iguin pulong pa
Gueno-o nga Dios nganiya
con sugad di masayop na
pag ca matay co ug casaquit pa
aco mag a alagad la.

Tara Amay co nga mahal
an ina aro co matuman
ba si uaray ha gua lamang
masacup co ngatanan
dugo co sa calauasan.

Dida sa pag inampu-on
ni Jesus macagagahum
lin musad sa guilayon
sin San Gabriel nga urodgun
may calix nga idinuhul.

Guilayon namolong sia
Dios co Gueno-o nganiya
pag ampo dinungug na
niyan man ug san naha una
sa Amay mo Gueno-o sia.

Ynin dara co nga calix
an inuman mo nga mapait
ig lilimbong sidngon tubig
san malingo ug mabangis
sa apdo labing mapait.

Yton mga alagad mo
guin mamahal mo toto-o
mamag no-un san Gueno-o
ngadi pagdag-un ma ano
san panulay di ha toc-so.

An di niya itutubian
sa imo cabarat-on man
pinangaro mo nga casaygan
san damo nga nasasacupan
an tauo sinin canaypan.

Bacay Pastor ca nga tuman
san bug-os nga calibutan
an ovijas nga sino man
sa alad nga sumulod man
mao imo nasasacupan.

San ini nga ig saysaya na
san Angel nga imbajada
sa guilayon iniuas na
si Jesus bin maya pa
dida san pag ampo niya.

Yni an guin pulong sadto
san Angel sa Nazarino
hiya бага nan lomo
tul-an dao naluta sadto
ca aua san ibang tauo.

An casing casing napadngan
uaray na pag quiua lamang
sin dugo guin balhasan
sacot an balhas nga da-an
nga sa tuna na nuro man.

*Triste est anima mea
Usque a dmortem.*

Sa dumdum ug casaqitan
pag camatay co mapait man
casing casing co ug dughan
nalolo-uy nga capinan
san mahagauas nga catauohan.

Ngan hiya man namulong pa
Gueno-o nga Dios nga niya
bacay ini bo-ut mo na
si aco mag a alagad na
san casaquit camatay pa.

An pag ampo san matapos
san aton Gueno-o nga Dios
bin malic nga nag lugos
sadton tulo nga discipulos
pag dat-nga nanga ngaturug

Pinucao sa dacong gugma
pag camata na nganiya
cay diri na mag lilisa
nga ma abot na an sibua
himo-oc niyo sadanng na.

Pag mata camo pag bangon
ngan aco an iyo sundon
cay si aco pag dadaepon
san mag lingo nga mga lorong
nga nag sumat sa acon.





AN PAG DACOP CAN JESU- CRISTO SAN MGA JUDIOS.

Dipa ngani natatapos
inin guin pulong ni Jesus
layon man nag ca abut
an Soldados nga tidacop
Escribas ug faresos.

Yn mabut na ngatanan
si Judas ancia an unhan
uay sugad nga tampalasan
nag hahangus pa ngatanan
pag dacop sa Dios Amahan.

An mga lauas balati-an
mga tauo nga cadam-an
sahid may hinganiban
ngan may suga nga dara man
adton mga tampalasan.

Con si Jesus Nazarino
bantug mag bascug nga tauo
maupay an sugad sito
an ig opod nga Soldado
nga diri madalagan ito.

Siya tuman nga Cordero
mahilom di pa ano ano
pinaquig auayan niyo

siya diri ma ato
sa iyo man bisan sino.

Ngan ano san harani na
si Judas can Jesus nganiya
guilayon pinaqui-ana
¿quen quoristis nganiya?
¿hin-o an iyo guin papangita?

Nag baton adton mag lingo
nga si Jesus Nazarino
an baton ni Jesucristo
Ego sum an biling niyo
aco nganiya si aco.

Dida san baton nga lus-ay
ni Jesus san iya ca auay
ngatanan nan hiragumatay
nag lolungtud nag capucan
nga sugad sin mga patay.

Ypinaquilala dao gud
ni Jesus an pag ca Dios
camacagagahum nga lubos
usa ca pulong na ubos
pag ca uauara-i bo-ut.

Bacay Amay tala-an na
ni Jesus pag saquiut niya
an inin mga malabha
pinapanhi oli-an niya
san saquit nira nga tigda.

Nag si tucdao ngatanan
an mga tampalasan
nangita namurao purao
nga uaray nacag isipan
san ira pinan hidat-ñgan

Dida san pinan hiuli-an na
san bo-ut ug pag ca culba
liuat pa pinaguinhaua
si Jesus con sino paba
con hino an biling nira.

Bin maton na an mag lingo
nga si Jesus Nazarino
an ibinaton ni Cristo
guin pulong cuna sa iyo
uaray iba conde aco.

Aco na nga diri iba
Nazarino pinangita
con ano an guin titinguha
nga guin tuyo pangita-a
hi aco na iyo dacpa.

Acon la pina nga ngaro
pinaquiquimalo-uy sa iyo
an acon mga discipulo
ngan dinhe man orupud co
nga dilabtan a acuhun co.

Han pacasabot ni Judas
pag baton iguin pahayag
layon pinaharani-an
hinadcan niya ngan quinop cupan
nag tataua dao naquimas.

Nag hilud hilud an lauas
sugad han da-an nga batasan
binuhat an catalahuran
Avi Rabbe an guin yacan
Maestro nga guin mahal.

Ngani Jesus amo ini
Amici jād quid veniste
sangcay co nga guin palabe
jano an tuyo mo sini nga gab-e?
bag-o la imo calac-se.

An baton sinin malingo
aba-a acon Maestro
agaron co nga toto-o
an Gueno-o maunano
dinhe ano an buhat mo

An ibinaton sa iya
higugma-un uay sama
pag haroc mo tigaman pala
sa acon pag paquilala
san oropud mo nga iba.

San can Judas na harani-an
ngan si Jesus na quinop cupan
nag sipan haroc ngatanan
mga Soldados cadam-an
ngan layon guin songgu-an.

Guin pugol na ngan guingapos
an iya duha nga camot
ngan dinayon pag sabunot
tampalasan nga Judios
uaray tuhay an pagrabet.

San hiquit-an na ni Pedro
binuhatan san Maestro
nasina dao nga toto-o
an pungut nga dimaciado
san nag dacop nga Soldado.

Saguilayon hinolbut na
sundang nga iya dara
ngan tinigbas an iba
nga naharani sa iya
napalungan san talinga.

Diri iba condi si Malco
oropud san mga Judio
sinung-go can Jesucristo
ancia an tinigbas an ulo
san mapintas nga si Pedro.

San ini san hiquit-an
sinin Dios nga ma-aram
si Pedro layon sinauay
ngan iya man guin pu-ñgan
ancia ini an guin yacan.

Pedro imo pag tigam nan
ngan diri mo hicalimtan
con quinabuhi an mautang
an dalan san catadongan
san quinabuhi babayaran.

¿Cay ano an isip nimo
con bo-ut pa ugop aco
san Amay co nga toto-o
macapira sangpit aco
Angeles pira caribo?

Con tunauon inin Mundo
nga layon agauon aco
guin ilub co ini Pedro
cay basi la masacop co
an mga gupong nga tauo

Cadto imo i-uile na
iton can Malco talinga
tinu-od layon sia
si Pedro sa Maestro niya
nag upay ug guinin haua.

Namolong man si Jesus
san nag dacop nga Soldados
¿si aco ba uaray haros
ano an buhat co nga mara-ut
ngadayon aco guin gapos?

Ynin pag saquit subrado
pagtamaya can Cristo
inin duha nga discipulo
si Juan ngan si Pedro
uaray dalagan ito.

Ngan ira guin alinsunuran
sa Bongto sa pag uli man
ano pa di nalimutan
madig-un nga guin isipan
sinin Dios nga ma-aram.

An pag sunod ni San Juan
can Jesus nag a atubang
san ini na san hiquit-an
sadton mga tampalasan
ino-sa pinaqui-anhan.

San can Juan na pacaquita
nga dadac-pon na sia
dinalagan layon la
an tampi nga iya dara
sin tigda la nocuha.

An pag sunod man ni Pedro
orihe san mga Judio
ancia andi panginano
san mag lingo nga mga tauo
nga nag dacop can Cristo

Ano pa dayon ilacat
an lubos nga Dios Anac
may nasuntoc may habanyak
dinayon ipinahayag
sa balay siton ni Anas.


AN PA ATUBANGA SAN ATON GUENO-O JESUCRISTO CAN ANAS.

San pa-atubanga can Cristo
dida can Anas nga malingo
calipayan nga subrado
niya ug mga fariseo
nag sarabot nga toto-o.

Hadagmit nagyacan
can Jesus ini si Anas
nganiya tauo; iya Aclas
¿hain na sira ngatanan
Apostoles mo nga alagad?

Tongud cay diri toto-o
mga lisa nga tutdo mo
ug lubos nga diri husto
¿ano an pag bilinan nimo
ngatanan nga oroupod mo?

Pamorubo-ut hata-as
an guin isipan ni Judas
an iguin catrato guin lic-uan
sa guihaon binulagan
nga di ha upod han casaquitan.



Caupay nga tinapuran mo
saca day-gan ug sa tinago
guihapon tinapuran mo
¿ano niyan nga naliso
balisa mo nga pagtutdo?

Dinhe sadang sa buton ta
tutdo mo puro balisa
magra-ut nga uaray sama
binuhat mo ini nga niya
nga an tauo mag ra-ut la.

Palabi labi san puno-an
panutdo bag-o lamang
balico uaray catadungan
nga imo la guin lilimbungan
sa Bongto an catauohan.

Ngan an imo guin dodomdom
sa mga tauo ca higugma-un
basi cala sidngun
panulos canan Santulon
pag abi abi guihapon.

Labe ka pa cama-aram
sa Santos diri samahan
can Moises pina pag saysay
nga sa Dios pinasugu-an
didto sa buquid sa Sinay.

Baman an pinanangpit mo
orupod san pag asuy mo
san mara-ut nga panutdo
diripig taga himongto
su-oc nga ig patud mo

Tauo nga minamang-gad la
¿ano pag ampu-un ca
namon san mga Doctrina?
¿ano nga di manutdo ca
tuyao nga uaray masama?

Dinhe sadang sabuton
panutdo mo puro limbong
mga buhat nga mga pulong
ngatanan ina amcon
baga uaray sa imo matupong.

Daco gud nga casaypanan
an pag tutdo mo ngatanan
diri ca mag baribad man
nga imo pag palab-uan
tara niyan hain naman.

¿Ano nga dina hubad mo
iton pag cagapos nimo?
nga matapos na an trato,
con Mesias ca nga toto-o
niyan ipaquita an milagro.

An Ynin Gueno-o nga Dios
ni gute uaray baton gud
si Anas layon naposuc
pate mga fariseos
an mga casing casing nagsu-ot.

Cangut ngut nag talab talab
tampalasan nga si Anas
nga niya cadto ilacat
idol-ong mo can Caifas
inin malingo nga uay sugad.

Hiya ngay-an an may larang
an pag tiroc may carat-an
cay si Jesus guin dodumtan
didto sira tig-ub lamang
sa Bongto cay sia an puno-an.

An lugday nga quina-adman gud
didto man nagpulong pulong
tagsa tagsa nga la-ong
sahid nag hihin-mutadong
pag sombong aro-abuyon.

Ano pa cay napaua-an
didto an mga carat-an
fariseos mga lisang
nag isip nag butang butang
can Jesus Gueno-o nga mahal.

An pisi naman guin bugtong
sadton mag luput nga lurong
can Caifas idinul-ong
macalolo-uy di sun-un
binati san Gueno-o naton.

Can Caifas pina-atubang na
an Dios Anac uay sama
an sumbong uaray tapusa
cay an guin pulong buas na
cay pinamimirao na sira.

Dida naman butangan
sa halu-ag nga atubangan
san Can Caifas balay man
sa harigue dinig unan
te-il camot hinigutan.

Yra man binutangan na
mga lurong pasipara
nag pangule layon sira
sa balay san tagsatagsa
may bantay nga bilin nira.

AN PAGTI-AO SAN MGA JU- DIOS SAN ATON GUENO-O JESUCRISTO.

San gab-e nga guin tetiruc-an
an pag tamay cadam-an
siton mga tampalasan
ira man guin ngangaranan
si Jesus labing mahal.

Tinacpan la dayon
an iya mahal nga bayhon
panyo nga donut ug boringon
sadton mag labyao di su-un
cay an pag tamay guihaon.

Guin ti-auan ngani nira
pinacatin sin tangbo nga usa
tigaman nga pag quilala
san mato-ud nga Hadi sia
bauo puro pag tamay la.

Cono abi guin tatahud
hira man nag cacaluhod
nag yoyocbo nga mato-ud
tinuyo an calurong gud
ngan ira pag tamay nga gayud.

Tagsa tagsa nga Judio
nag tampalo can Cristo
guin lulura-an toto-o
pag tamay nga subrado
ngan guin sino sino.

Diba nasiring ini
anac sa Dios nga labe
bisan sino nag dadayao ngani
pag tamay nga labe
Propeteza novis Criste.

Aba-a tauo nga padaya uan nga nag papacama-aram uaray diri hin babaru-an con mato-ud ca nga gamhanan tagna-un mo ngan igtug-an.

San amon con sira sino anag tampalas sa imo tara niyan itotdo mo cay nasisina ca nga nimo anac ca sa Dios toto-o.

Ngatanan nga pag pacara-ut san mag lingo sin bu-ot Gueno-o naton si Jesus uaray pag pulong ni gomi-os nag acoh la nga nag antos.

An totdo nga isinurat san usa nga Santos nga hayag casaquitan uaray sugad nga inabut san Mesias sadton gab-e nga magdamlag.

Damo labing cadam-an an diri nasasayuran san mga Profetas mag-aram bo-ut nira isip culang an saquit diri maisip man.

San i-atubang na si Jesucristo san Hocom nga si Pilato uaray discanso toto-o casaquitan nga subrado binuhat san mga mag lingo.

Antampalo nga guin ilub sadton gab-e nag-agma gud diri masaysay masayud baga ngani an mga bantug daco uay sugad camabas cug.

An dagul nga guin aguanta sadton mag lingo mag labha san matam-is niya nga baba san bayhon maca a aua dina hapag asuy sin dila.

An dabal san calauasan sa sugbong ug talicuran nga diri maisip man diri sadang hitig-uban sin tauo nga sino man.

Sa pa-a ug sa bete-is pa suntoc banyac nga guin dara guin ilub guin aguanta nga diri sadang maquita san tauo nga may higugma.

Cadam-an nga mga lura nga pinatama sa bayhon niya mga lauay ug laco pa marigna nga uaray sama mabaho nga uay sugad na.

Iba pa nga casaquitan diri maisip nga cacori-an sadton gab-e nag ilub man ni Jesus Hadi nga mahal. tongud san panobus lamang.

Oh comingauan nga gab-e labe nga guipapaite Jesus icao nag a ague pag tamay ug pag camacuri sadton mag labha uaray top-ñgue

Jesus nag e ilub ca nga perit Cordero ca nga uaray sanglit cacori-an diri maisip tauo Angel sa tuna ug languit nangorug curug nangibig quibig.

Burabod salug cadagatan naguin luha cabidu-an san tauo pina nanguisan diri pa matotombasan Jesus imo cocori-an.

Gueno-o nga Dios maginlo-uyan nag larang san calibutan guin ilub mo an ngatanan pag tamay nga di samahan sadton mga tampalasan.

Ano nga calag ano daola
Jesus co an diri mabaraca
san bug-os nga imo gugma
san damo nga pag tamaya
tongud san mag pacasasala.

Busa Dios nga ma-aram
Amay nga may cagamhanan
cami sinacop mo ngatanan
pag amcon calo-uyan
sa anac mo nga minahal.

ARAL

Oh tauo padadayao man
nag papa cabarubuntugan
diri ca bo-ut lupigan
sa bo-ut mo para-a lamang
camapintas nga binohatan

Con hino ca ug bisan sino
nga may pamorobo-ut nga tauo
panondomon mo toto-o
an pagpa obos nga husto
san Gueno-o naton Jesucristo.

Imo cunta icabaraca
ngatanan nga nabuhat mo ngasala
ug sin maupay firme isipa
cacori-an a abutan quita
ngatanan nga Anac ni Eva.

Cay madale mag papas lamang
camahusay ug caupayan
uaray lit-ang gabe adlao man
camatayon siquita hinaharani-an
matutuna an calauasan.

Camabaysay uaray data
camacosug san lauas ta
diri sadang ipangahasta
ig sanglit sin maraut nga tuna
madagmit e-anas macoha.

Dao lomolupad toto-o
an quinabuhi san tauo
sugad lamang hin Aso
malimbong bibte san calayo
bisan nga in hanga ngadto.

Ynin obos nga bongto
diri sadang tapuran mo
uaray mag pefirme ni sino
papil an cahimtang sinin tauo
con mag hulos matanao siguro.

An maupay an pagtagam
pag hoput san aton calag
cay bisan quita mamatay
macori nga hao mabanhao
sa gracia sa Dios mahal.

AN PAGLIRONG NI S. PEDRO SAN ATON GUENO-O JESUCRISTO.

Si San Pedro ug si San Juan
mag patud sira mag lunsan
uaray bulag nga tuman
an cahimtang guin mangno-an
bisan diri ino-nuñgan.


Dinhe sinin gab-e na ito
adton mag lingo nga mga tauo
nag lalauag sa patio
napaharane si Pedro
san iba nga mga Judio.

Condi san hiquitan sia
sin usa nga bafa daraga
minaupay minangad la
guilayon pinaqui ana
ini an guin polong niya.

Polong niya aco Gueno-o
icaio quiniquilala co
opud opud ca siguro
siton nadacop nga tauo
nga si Jesus Nazarino.

Nag batan sa cadagmitan
si Pedro quinolba-an
nagpolong bo-ut lamang
aco uaray hin babaro-an
siton imo guin yayacan.

Ambot icaio nag lilisa
siton imo pagpaqui ana
o unan-hon co in pagquilala
diri co sinabot siya
uaray cami pag upod pa.



AN PAG DUL-ONGAN SAN MGA
JUDIOS CAN PILATO SAN
ATON GUENO-O
JESUCRISTO.

Sapag alagad san mga Judio
can Caifas nga malingo
igin lacat na si Cristo
pag atubang can Pilato
basi lamang macastigo.

Guin sasa-ug guin huhugut
pise nga higit sa li-ug
pag tamay uaray catapos
sa nag dadara nga Judios
sinin Gueno-ota nga Dios.

Damo an mga orupod
Escribas ug fariseos
ug mga mag lingo nga bo-ut
mga ca-auay nga lubos
sinin malolo-uyon nga Dios.

San omatubang dumangat
can Pilato inin Mesias
an mga lurong nanumat
nganira tauo nga mahal
Cristo an iya pag tauag.

Nag paca Hadi dao gud
san ngatanan nga Judios
catauhan nagugumoc
pulong sia Anac sa Dios
cadam-an anag susunod.

An mga panotdo niya
ngatanan la pasipara
mag raut puro balisa
nga nasuhay nalares pa
san harangdon nga Hadi ta.

An ngatanan nga sala sito
nga amon sumbong sa imo
sadang dao gud nga toto-o
nga hiya ipapatay mo
nga di magumoc an mga tauo.

Guin dara dao ngan-hi namon
sa atubangan mo guihapon
cay may batasan man naton
an may sala papatayon
isugo mo basi buhaton.

Si Pilato bin maton man
han sumbong sadton cadam-an
ito bisan ta batasan
patayon ta an sala-an
hinayon ta nga guin isipan.

Sadang na an pungut niyo
an casina nga subrado
ngatanan diri mato-ud aco
pag saquiton patayon co
an uaray pag tingug nga tauo.

Quinalasan an mga Judio
san guin pulong ni Pilato
nag asoy liuat sin bag-o
¿ano nga di abuyunan mo
cami anag sumbong dimo.

Cami nag catitiroc man
dinhi sa imo atubangan
mga Gueno-o cabantugan
di capa mato-ud niyan
san sombong namon ngatanan.

Hi cami nga nag sasumbong
mga tauo diri bua-un
mga Gueno-o bahandi-anon
diri na pag isipon
dung-ga nala an matadong.

Si Pilato bin maton na
oo dico quino cuha
mga but-anan camo nganiya
¿ano nga pagsasaquiton ta
cay bisan gute uaray sala?

Dico anay si Setenciahan
hihinay hinayun an guin isipan
an baribad pamati-an
con may sala papatucan
con uaray sala bubuhi-an.

Maupay na ada ito
sadang abuyunan niyo
¿ano hinigutan na ito
dao may sala nga toto-o
guin tamay pag paca-alo?

¿Sino diyo in tag sugo
nga hinigutan na niyo
inin masugut nga tauo?
cay diri co ini sugo
nga batasan san Romano.

Nganiyo camo Gueno-o
ug mga mahal nga tauo
¿ano cay guin sugad ito?
¿hino diyo an tag sugo
daepun dad-un nganhe niyo?

¿Ano an mga pulong niya man
nga iyo nasasabutan
sinin tauo nga bo-utan?
nga bo-ut niyo naman
nga patayon cuna lamang.

Sa pag quita co pag sabut
nga acon pamorobo-ut
camo la an nag cacapungut
sa casaquit ug pag dumot
sinin tauo nga may bo-ut.

Uaray ngani ano ano
uaray pag liya ini nga tauo
cay ano nga guin sugad niyo
bo-ut diman matoc-so
uaray pag tingug toto-o.

Con san mga tampalasan
cami Santidad ngatanan
nga sa Dios magtinahurou man
con dao diri camato-uran
¿ano mag bo-botang botang?

Cami uaray pag dodumdum
pag domut siton malimbong
an amon la an matadong
cami bo-ut piriton
angay sia nga patayon.

An guin pulong ni Pilato
diri pag mamanggaron co
con uaray tistigo toto-o
nga ig pahayag dinhe niyo
sala san ubos nga tauo.

Didao babasulon ada
an hino man nga Justicia
con uaray pag pasipara
san may sombong mag sentincia
con uaray tistigos sia.

Ngan con tutuquibon nacon
an pag mato-ud san pulong
con ma uaray matadong
an patoc sadang buhaton
an hino man nga ig sumbong.

Mga mahal nga Gueno-o
pag hinaya anay niyo
uaray sadang hibaru-an co
nga sadang ibasul san tauo
bad-an nga tauo ug Santo.

Dinhe pa nira hin quit-an
siton mga tampalasan
diri namon dadad-un man
dinhì sa imo atubangan
con dao uaray casal-anan

Ngani Pilato cay ano
mga buhat nga di toto-o
sinin cairo nga tauo
asay pamamati-an co
con mato-ud an sumbong niyo.

San ini hibati-an
sinin mga tampalasan
nanoc dao dayon ngatanan
oo Gueno-o amon ig tug-an
nga an iya casal anan.

Ngan iguin sumbong nira
tulo nga cabtang an sala
guin tarampo guin sarama
Mesias nga guin huhulat ta
bua diri pasipara.

Ynin tauo nag pabantug
nga sia nag paca Santos
san bongto naca cagomoc
mga tauo nag mamato-ud
san mga panutdo nga mara-ut.

Lain nga pag tutdo pag tuquib
san unhan nga panutdo ni Moises
adto diri hingpit
ug balico nga iya pag isip
ancia an iya catul-id.

Cadam-an nagud toto-o
an nangangalagad nga tauo
marig-un an pag tu-o
sinin bua-un nga tauo
pate an Galilea nga bongto.

Siya an guin mamato-ud
mga tauo mag luya an bo-ut
an bongto nga nasosulud
na nono-o nga mato-ud
nga nasarig na sira sa Dios.

An usa pa nga iya sala
sinin tauo nga malabha
ina auayan ngatanan la
tauo diri mamohis can Cesar pa
daco nga pag urug niya.

Si cami sahid ma-aram
nga sunod na alagad man
san Hadi nga bantuganan
ug inì mahadayag lamang
con mag pulong hata-as man.

Hiya Hadi naman cono
san taga Ysrail nga bongto
ano pa nga pag mamato uran mo
masorug surug subrado
inin bua-un nga tauo.

An usa pa nga pag bua
ngatanan pinanumatan niya
diri hino condi hiya
Mesias nga guin huhulat ta
diri bua diri pasipara.

An mga pulong ug tagna
ni Ysaías nga Profeta
nga con ini domatong na
uaray dao gud maquilala
harayo an bongto niya.

Amon hin babaru-an
an dugo nga guinicanan
an Amay si Josef an ngaran
an Yroy ug guinicanan
si Maria an pag ngaran.

Hin babaru-an namon ngatanan
an bongto nga natubu-an
ini taga Galilea naman
pobre ug uaray caupayan
cay nama malay la lamang.

Ug an iya Amay naman
usa nga panday lamang
uaray mang gad ug catung-danan
macuri an pag cabutang
uaray tinitimos nga mang-gad.

Uaray iba amo la ito
batasan ug pag catauo
hino man nga paqui-anhan mo
con may pag ca Gueno-o
uaray nga uaray toto-o.

¿Ano nga sia nag papahayag
Mesias na sia guin papamulat?
¿diri sa amon ngatanan
an iguin saysay nga surat
san ngatanan nga Profetas?

Ug amon man nasabutan
con comanhi dumangat
Mesias nga guin pamulat
nga ini iya bua man
nga iya an pag borut-an.

Uaray mangud pag sala
an sagrada Escritura
con ini omabot na
tigaman damo an maquiquita
nga sadang ig paquilala.

Yni an tauo nga malingo
dinhe sia nanodto
damo nga buhat diri toto-o
uaray pulos bisan ano
nga puro lamang pag lingo

Oo ngani бага man
sadang pag mato-uran
nga sia pobris capinan
uaray Profeta nga masirang
sa Galilea nga bongto man.

Human namon pag bucara
ngatanan nga Escritura
guin biling san tagasasa
cami uaray naquita
nga sadang mag asuy manta.

Yni pa ada nga lisang
nga hiya na an ma-aram
balitao uaray ni gute man
hibabro-an nga tuman
condi puro calurongan.

Ano pa san hidong gan
ni Pilato nga puno-an
tinauag sa hinay hinay
an Cordero nga ma-aram
sa hinay hinay pinaqui-anhan.

¿Mato-ud nga icao gud
Hadi san mga Judios?
namolong naman si Jesus
oo an guin pulong mo mato-ud
sa acon sin panguinsayud.

Si Pilato nahipa usa
namulong pin maqui-ana
bo-ut ngadi ha usa
con ano an dadatngan co unina
bangin aco ma-among la.

Con sugad nga ni Pilato
¿ano mga sumbong sa imo
ngatanan ito ca auay mo
ambot la nira toto-o
icao ipapatay co?

Con бага mato-ud mo
pag pulong nga itinug-an mo
ipinaquiqui ana co dimo
cay genteles manla aco
sira dico tag himongto.

¿Ano an imo cahimtang
tauo o Dios ca ngatanan?
¿ug an bongto mo di-in man?
¿ano an imo pag cabotang
con an dugo mo бага mahal?

Con бага Hadi caman gud
san cadam-an nga Judios
ig sumat mo ngan ig sayud
cay dimo icarara-ut
cay aco dimo ma ugop.

An ibinaton ni Cristo
diri lamang tauo aco
sa uaray haros nga bongto
cay an guin Hadi-an co
adton langit nga Ymperio.

Didto man aco pag ancan
bongto nga uaray capulsanan
sa Ymperio calangitan
didto acon cabas cugan
toto-o nga cagamhanan.

Damo nga uaray topong
an butang butang ug sumbong
ca-auat di babalihon
tala-an co nga patuc gud
an pintas mo di babalihon.

Si Pilato bin maton pa
con sugad diri masala
nga mato-ud nga Hadi ca
guin ilub moman luga
an pag tamay pag saquita.

Ngani Jesus nga ma-aram
oo aco Hadi nga tuman
pulong mo camato-uran
cay bo-ut san calangitan
ana buca san baba mo niyan.

Condi an imo isipon
niyan pag pa ino inohun
aco lin musad dinayon
tinuyo an papanganac nacon
sa usa nga Virgen matadong

Aco dimo mag sasayud
mag a asuy sa matadong
an hino man nga domongug
san pag tutdo co nga tangeud
himaya an dadangatan gud.

Nahatingala si Pilato
an bo-ut nagumoc sadto
¿ano nganiya ito?
¿pulong mo con dao toto-o?
uaray na; ruhaduha aco.

Maunano imo tuquibon
ug sa acon imo sayuron
an camato-uran siton
basi sa domdom pi-uton
an guin yacan mo nga pulong.

San may iguin asuy pa
ni Jesus san paqui ana
liningue ngan inatubang pa
an ngatanan nga nag quiquita
nga guilayon namulong pa.

Naganiya mga Gueno-o
uaray lain quita-un co
casal-anan nga toto-
nga ipatoc dinhe san tauo
sia Santo sapag quita co.

Nagumoc ngan nag subo
an mga Judios mag lingo
nag saysay liuat sin bag-o
¿ano nga di patucan mo
inin uaray haros nga tauo?

San dina inabuyunan
ni Pilato an sumbong man
nga si Jesus na patucan
an bo-ut uaray cahintang
pag basula san tauong bad-an.

Dida an mga Judio
bin maton can Pilato
namulong sin sugad sito
sa dagmit patucan nimo
inin maluput nga tauo.

Mato-ud nganira uay topung
malimbong ini malupot
tampalasan urug mangud
bua- un ma idug idug
san bongto nacacasamoc.

Tingali guin lulumay ca
dica tomo-ud padara
cay ito hi-ara na
pag limbong pag pasipara
sidngun nga matinu manun la.

Maupay ngan catadongan
an may sala patucan
ito masusus garanan
han sugad nga tampalasan
sa bongto say sanglitanan.

Ano pa cay nagugumoc
an canan mga tauo bo-ut
guin sarita-an guin da-ug
nga diri lamang sumunod
san sugo namon ug uaydong.

Diri tominong nung man
dinhi, diri pag an-can
ug lain an tinubu-an
guti-ay nga bongto lamang
Galilea an pag ngaran.

Con si cami ca Gueno-ohan
sinin maluput sino man
bo-ut nga quita lupigan
guin titiroc an ngatanan
cay bo-ut nga mag sunod man.

Yni condi ipapatay
nga bong cagun an ngatanan
¿di ba si Judas man
Galilea tampalasan
tag himongto nga lunsan?

Uaray quita cabong cag uga
pamatasan nga sugad ta
iyo ipapatay na
sugaron tanaman sia
iton tauo nga malabha.

San hidung gan ni Pilato
an asuy nga galileo
napilay dao nga toto-o
may dalan nga la-ung aco
dipa pag sentencia can Cristo.

Namulong na sa guilayon
ini an iya guin pulong
sangcay co nga higugma-un!
Galileo ca nga la-ong
Nasarith nga bongto hunong?

Nag baton si Jesucristo
sa Hocom nga si Pilato
oo didto aco catauo
guinhinhaua si Pilato
bo-ut nagumoc toto-o.

Liningue na nga toto-o
Cadatu-an san bongto
ini an a-asuyon co
nga niya mga Gueno-o
dico ngay-an sacup ito.

Si Hirodes diri iba
an Hadi sa Galilea
iton iyo iguin quiha
hiya an mag se setencia
catadungan ngatanan na.

Cadtona niyo dolongan
can Hirodes nga Hadi man
basi sia an ma-aram
san angay san catadungan
pag patoc san casal-anan.

San donggun na iton pulong
san siton nga mga lurong
casina nga diri son-un
guin danas la pag mang garon
an Gueno-o nga Hadi naton.

Guin dara na si Jesus
san siton nga mga lurong
uaray hubare san gapos
cadam-an anag susunod
Escribas ug fariseos.





AN PAG PA-ATUBANGA SAN
MGA JUDIOS SAN ATON
GUENO-O JESUCRISTO
CAN HIRODES.

Sadton tiempo nga unahan
si Hirodes nga malabyao
sa Jerusalem din mo-ao
cay naquig fiesta lamang
sadton Pascua nga adlao.

An can San Lucas quin yacan
sa Evangelio nga mahal
san si Jesus i-atubang
sa Hadi nga bantuganan
malipay nga di samahan.

Busa malipay an bo-ut
sadton Hadi nga mabascug
caruyag niya nga masayud
san cadam-an nga milagros
nga guin buhat ni Jesus.

Casayupan dao toto-o
an binuhat ni Pilato
an pag padad-an nganhi sa imo
nga uaray tapusa ito
capulonganan ni Cristo.

Sugad diya may pag borut-an
daco nga cagamhanan
pumatay o bumuhi man
angay nala nga patucan
sugad man san cagamhanan.

Hiya paman tinubian pa
san lurong nga pasipara
in magao pa sa asaua
sa bugto ngan pin mugut pa
ulo mahal ni Bautista.

Sa ihayag na sa Hocmanan
inin Dios nga ma-aram
macalolo-uy di tupngan
an li-ug pate camot man
ginapos dinig-unan.

San can Hirodes matutuc
cabutang macalolo-uy gud
hiya dao nacapag isug
ipinahubad an gapos
sa camot pate sa li-ug.

Nasina ug nag padas man
san mga Judios ngatanan
camo uay capatlairan
zano nga guin pasipad-an
iton tauo nga ma-aram?

Nag corona ug nag cetro
lin mingcud sa iya truno
cay hiya manginginano
nga hiquit-an nga toto-o
an mga buhat ni Cristo.

Ngan ano san lumingcud na
sa hata-as nga niya nga silla
namulong sa guilayon na
salamat Jesus nganiya
cay si quita nag quita.

Si icao la uaray iba
an acon guin titinguha
nga matan-ao ug maquita
salamat nga uaray sama
capalaran ta nga niya.

Ngan malipay an bo-ut co
niyan gud nga oras ito
si aco paquita-un mo
mga orosasahun toto-o
mga binuhat san tauo.

Ngan imo man pamati-on
inin nga sa-ad nacon
icao acon papalang ga-un
ano man imo aro-un
dico icao pag popu-uyon.

Yhahatag co sin toto-o
ngan pacacaptan sa imo
an catunga sinin bongto
sinin guin Hadi-an co
niyan maguiguin imo.

An sa-ad cupa nga usa
sa imo con tomo-ud ca
niyan con mag da-ug ca
sinin mga nag quija
dica mapapasipara.

Sapag tuman nga toto-o
sinin sa-ad co sa imo
acon sumpa ito
corona pate an cetro
icao diri ma a ano.

¿Ano nga dica nabaton
ino-ungara co sa imo domdom
buhat nimo sa guilayon
dinhe ipaquita dacon
buta man imo guin bulong?

Cay bisan an mga minatay na
nga ig lulobong lamang na
bisan pira ca adlao pa
con imo caborut-un na
binabanhao mo layon sira.

An mga bongul uay sugad
ngula di nag papa ca luas
pi-ang diri nag papacalacat
con caborout-un mo caruyag
nag o upay ngatanan gad.

Anag cocori ngatanan
toto-o nga dinadang pan
demonio sacalauasan
con imo pag bendecionan
nangungupay cadagmitan.

Dila danay condi agsub
nga pag sinacay sa lauod
an duloc pate an unos
nga con imo ina abot
layon mo pinalolundop.

Damo mag calain lain man
an acon pinan hidong-gan
li-ao ca san cabidu-an
si Salomon Hadi nga Mahal
daug mo sin quina-adman.

Bisan usa ma unano man
inin pulong co ngatanan
buhata na, an catingalahan
dinhe muna paquita-an
cay aco na an ma-aram.

¿Diba icao an mato-ud
sa calibutan nahabantug
yadton tulo nga nag tahud
nga an ngaran mga Magos
nag dayon ug nag caluhud.

Ycao an quintitinguha
 sa unahan nga adlao pamilnga
 san Amay co ug magurang pa
 cadam-an nga mga bata
 nga pinamugutan niya.

Si icao la uaray quita-a
 san amay co nga hinigugma
 icao ngay-an diri iba
 patud ni Juan Bautista
 nga pinugutan cuna.

¿Ano nga dica nabaton
 sinin ino ungara nacon?
 tuman acon babaluson
 ngatanan nga imo caborut-un
 pungut banguin abuton.

¿Ano nga dica mag saysay
 sa acon sin ano paman
 nahanugad baga lamang
 can Samson nga cahimtang
 nga hin muyo san cahigutan?

An lauas san cahigutan
 pisi nga marig-un man
 macusug maisug ngada-an
 lin muya layon naman
 guin daug guin pasipad-an.

Ycao ngahao diri iba
 masugad capariho niya
 an camaisug uay sama
 na uaray na pasipara
 san magapos mahigutan na.

Uaray pag kiuakiua ni gami-os
 an Gueno-o ngan nag antos
 si Hirodes layon napusoc
 inabutan sin capungut
 dinayon la sin pag isug.

Yni acon guin tinguha
 humot co nga maiha na
 an isip co Santo sia
 tuyao tuyao ngay-an la
 diri ma-aram comilala.

Nagyacan inin malingo
 san nag dadara nga Soldado
 cadto, cadto na camo
 ibalic na sa can Pilato
 an inin tuyao nga tauo.

Pinaca lurong ngani,
 guin tamay sin hinanali
 mabusag an iguin pa biste
 uaray nagud panabe-e
 ngan uaray man calo-uyi

Ypinabalic na niya
 sa Hocom nga nag padara
 ngan dayon nag tugon pa
 hiya na an mag sentincia
 didto ngatanan tapusa.

Nahabuyo aco lamang
 an gasi co matutuman
 danason niyo higutan
 iton tuyao malingo man
 uaray gud sin cabu-utan.

Ngan layon niyo pag sumatan
 sa can Pilato Hocmanan
 salamat nga di samahan
 maupay niyan ngatanan
 cadoromtan para-un man.

Cay san unahan nga tiempo
 nagcasuhay nga toto-o
 si Herodes ngan si Pilato
 an iguin caupay na sadto
 an pag camatay ni Cristo

Yca unom namangud
 an pag dorodul-ungan can Jesus
 san mag lingo nga Judios
 sadang icabantad sin bo-ut
 san ngatanan nga Cristianos.

ARAL

Cristianos nga may casalanan
 napuputos san malao-ay
 pomorobu-uta sin maupay
 an pag dad-a pag dul-ungan
 san Gueno-o nga ma-aram.

Mato-ud daco nga casaqitan
san can Jesus guin agui-an
ngadto sa Ysraelitas
an pamiling nag sulat sugat
san taga Samaritanas.

An labe nga icapaid gud
hino man tauo may bo-ut
sinin Gueno-o nga ma-aghop
may higit sa camot ug li-ug
uaray pahuay nga pag-saug.

Mahapdos abton toto-o
mapait labe sin Opdo
guin antos binate sadto
san Gueno-o Jesucristo
tongud han sala san tauo.

Oh tauo maruyagon
san buhat nga di matadong
camasaquit panumdomon
sugad man camabidu-on
sa Dios Hadi nga langitnon.

Ug guin daradara lamang
tagsa tagsa nga Hocmanan
an camot guin gagapos man
li-ug guin hihigutan
ngadao may casal-anan.

Ay icao na an malingo
nag pacamahal nga tauo
nag pacaharangdon toto-o
dao bitu-un ug mga astro
pag tamac an gusto nimo.

Nag momorumalabao ca
nivan na no nomat ca
nga uay dimo malabao na
sin magute i-iban la
ngay-an olod ca sa tuna.

Con si icao nag lalacat
lo-ub mo an cadadlanan
nga uaray mo hin sasangyan
diri mo guin hunahuna-an
an can Cristo casaqitan.

Dios nga diri topngan
Gueno-o nga may binuhatan
pag yubit uaray tacasan
guin tatamay guin papad san
san mga Judios nga cadam-an.

Sin maupay pag domdom ngani
san can Jesus pag ca-agui
dimo guin tahud an ini
an Dios nga guimamahali
nag paca darayauon ca firme.

Ycao ngay-an diri iba
an mara-ut ug mapasipara
oripun uaray masama
nga nag raracu dacu la
sinin mara-ut nga tuna.


An cadam-an nga calipayan
sinin bongto may carat-an
diri sadang pag upanan
dao aso na-agui lamang
layon nag papas ngatanan.

Si icao maquig pariho
san talahuron nga Gueno-o
an casaqitan sa Mundo
pag antuson mo toto-o
pag sundon mo si Cristo.

Ug tacos ca nga gayud
san iya hatag nga colo-uy
cay bisan la guti-ay gud
iya paca camahalon
con sa casing casing paguic non.

Con бага masasadang la
ha laquip ug ha opud ca
casaquit ca cori-an pa
sin magute i-iban la
san nabuhat mo nga mga sala.





SAN I ATUBANG NA LIUAT AN
ATON GUENO-O JESUCRIS-
TO SAN HOCON NGA SI
PILATO

San idangat na can Pilato
inin ma-anyag mga Cordero
an guin pulong san malingo
ano an pag balican niyo
aba ano an bobohaton co?

Yhinayag niyo sia
sa acon iguin sumbong pa
nga niyo daco an sala
an mga buhat balisa
sa Dios nag tatamay pa.

Ycamamatay coman isipon
dumdumon hunahuna-un
mato-ud uaray sala iton
hin tungdan sadang buhaton
nga patayon sia naton.

Di matugut an bo-ut co
guin usisa co sin toto-o
uaray sala bisan ano
nag tatalao man aco
san mga pahayag niyo.

Camo acon pinacadto
sa Hadi niyo nga toto-o
didto uaray ca ano
ngan niyan pag a anhun co
uaray sala an tauo.

Ypinabalic naman
uay pag sentenciahe sia lamang
cay sia nag alang alang
an bo-ut nag sasarang
bumasul, sa tauo Santolon man.

Puno-an dinhi si aco
Hocom san cadam-an nga tauo
condi mag hinay si camo
cay diri mag se sentencia aco
mag castigo san di malingo.

Uaray sa catadungan
nga sadang diya ipatay
digud aco ma-alagad man
cadto iyo na bad baran
ngan layon niyo buhi-an.

Guin o-usisa co toto-o
sa atubangan sinin Gueno-o
uaray gud maquita co
sala sini nga tauo
diri pa bul-uan niyo!

Ypinadara co ngani
sa toto-o niyo nga Hadi
ngan dinhe ipinasa uli
busag an iguin pabiste
capulonganan pag utod ngani.

Con бага sa iyo hunahuna
toto-o sia may sala
ug di matadong an buhat niya
babasulon co magtigaman la
sin castigo nga labis na.

San madungug san mga Judio
inin mga pulong ito
sinabut na toto-o
nacahuna huna sin bag-o
pag calo-uy ni Pilato.

Ngan labe guin dugangan pa
an pag butang butang nira
ipapatay mo man sia
diri macaiban pa
san bo-ut namon ngatanan na.

An pag tuquib namon ngatanan
dagco nga di samahan
nga haros iguli-at man
ig ray sang sa Cruz an angay
cay basi dida camatay.

Si Pilato nag pulong pa
can Jesus nga Gueno-o ta
dimo nadudungug nga niya
nga an caruyag nira
sa Cruz ay patayon ca.

Ano pa cay uaray tacasan
sadton mga tampalasan
Judios nga mga lisang
casina nga disamahan
sa Cruz ipapag dudupa man.

Uaray tatacas toto-o
bo-ut san mga mag lingo
uaray pag huhuna ito
nahi usa si Pilato
lin miuat sin pag puruco.

An iguin asuy sa surat
sa mga Evangelitas
iquinatuig con Pascuas
nag papa gua sin batasan
usa catauo pag sarabutan

Tigaman ug pag quilala
san Hebreos ngatanan na
cay an ira huna huna
sadton mabihag nira
capulonganan san tagsa tagsa.

Ngatanan taga Egepto
mga diuatahan nga tauo
si Farraon Hadi malingo
pate cadam-an nga Soldado
nag calolunud toto-o.

Tongud cay di tinugutan
an mag budhi tampalasan
san pag pauli pag guican
can Moises nasasacupan
sa tubig nag calolomus man.

Ano pa sadto nga tiempo
nga pag saquit can Cristo
may malimbong nga preso
an guin isipan ni Pilato
ili-liuan can Jesucristo.

Malimbong ug tauo nga kimas
macauat gud ug magahat
hacug nga uaray sugad
na agao ngan madurugas
an pag ngaran si Barabas

An guin pulong ni Pilato
mga tauo pamili camo
sa can Barrabas can Cristo
usa an buhi-an niyo
san sinin adlao nga Pasco.

Con sa acon ma-abuyon
si camo nga nag catipun
cay an sa acon dumdum
si Jesus buhi-an naton
diri ta sia patayon.

An baton san mag pintas
fariseos ug escribas
tongud cay nag tatalapas
nga buhi-an si Barrabas
si Jesus sa casaquitan.

Bin maton man si Pilato
¿ano an sayup sito
nga binuhat sini nga tauo?
¿dina camo mag pasallo
macalolo-uy nga toto-o!

Daco gud an pag alang
ni Pilato nga puno-an
bo-ut guin rohaduha-an
diri gusto pag setenciahan
an Cordero nga ma-aram.

San ini itala-un
si Pilato na numdum
nahatapo nga matadong
an canan asaua tugon
ni Procling higugma-un.

Ay asaua co nganiya
si icao pag huna huna
di tomu-ud panginanuhan la
ayao pag pasipara
san uaray sala pag sentincia.

Diri nimo abuyunan
sa Bongto an catauohan
cay diri catadungan
castiguhun patayon man
tauo nga uaray casal-anan.

Sapag caturug co nga huyayag
si aco бага guin ngarat
mato-ud gud cay diri sumat
iton tauo nga iguin quija gad
matinomanon uay sugad.

Guin babasul co icao gud
ngaran sadton acon inop
nga diri ca mag linabot
san matadong pumatoc
patayon tauo nga may bo-ut.

ARAL

¡Santo Dios ano бага!
bara-an uaray masama
san mara-ut mapada-ug la,
mato-ud gud nga Dios sia
ug mag lingo nga dimonio sira.

Yguin pariho iguin tumbas
sin malimbong ug mapintas
Dios nga may pag borout-an
guin tamay ug guin yubitan
mga Judios camag isganan.

.Oh Gueno-o nga mapaua!
¿ano nga buhat mo ano ba?
an calo-uy mo uaray sama
mga anac mo pag apo pa,
¿ano nga guin mara-ut ca?

Daco nga camulayan mo
san mga nag larang toto-o
han bug-os nga Universo
ug mag pintas nga mga tauo
asay lugud ina amigo.

Daco gud nga ca-alohan
can Cristo guin antos lamang
iguin pariho nga catimbang
sin usa nga lurong lurong man
tauo mapintas capinan.

Camo gud ngatanan la
sa Judio nag susuga
masucot sa pacasala
si Jesus itinulac ug baya
si Barrabas an guin higugma.

Aan calo-uy ug capairan
sinin bongto may cacarat-an
si Barrabas asay guin mahal
ibinallo camatu-uran
an Dios sa calangitan.

Busa bugto nga Crisitano
 diri ca maquig pariho
 san mag limbong nga Judio
 ig subo mo nga toto-o
 an budlay saquit ni Cristo.

Cay con бага sa pag sacay
 pamorubu-uta anay
 paglicyan mo an malao-ay
 guilayon imo isic-uay
 cay basi dica lupigan.

Salañgit humangad ca
 bongto labíng cahimaya
 bo-ut naton ñgatanan na

dadañgaton ta diri masala
 sa Dios sasacupon niya.

An aton pag huna huna-an
 an pag ilub caparitan
 uaray iba ñga masaliuan
 an Dios an aton sarigan
 sa casing casing ta ug dughan.

Ancia manta an o oli-an
 san calagta ug calauasan
 may gute ta ñga calipayan
 con na upod an camíngao
 con diri naton bongto lamang.



AN PAG PAHAMPACAN NI PI- LATO SAN ATON GUENO-O JESUCRISTO

Ylinacat san ñgatanan
 Judios ñga mga lisang
 ñga si Barrabas buhi-an
 caburut-un san ñgatanan
 ñga si Jesus castiguhon man.

An ibinaton ni Pilato
 an ini si Cristo ca iro
 ano ba an bubuhaton co

an baton san mga tauo
 layon ipapatay mo.

An sugad ñga maliño
 sa Cruz ipapag rasaysang mo
 batasan naton san Hebreo
 sugo man san Romano
 castigo san tampalasan ñgatauo.

Ñgani Pilato may bo-ut
 ¿ano ba an sala dao gud?
 sugad ñga iyo capusok?
 ñga canan mga fariseos
 ipa raray sang sa Cruz.

Ano san di mapugung
an bo-ut san mga lurong
si Pilato na nag Hocom
nga si Jesus pag hampacon
basi an pag domut uad-un.

Cadto na iyo cuha-a
cay caborut-un co nga niya
sa harique ha gaud na
ngan hampacon niyo sia
basi an capusoc niyo macuha.

San ig pulong na ito
san Hocom nga si Pilato
cay an mga fariseo
dao ayam an mga cahimō
guin song-gu an an Cordero.

An berdugo nag sicuha
san ig ha hampac nga deceplina
guin huhubu-an san iba
an Gueno-o uay sama
nag ilub uay pag kiua kiua.

Si Cristo na iguin ga-ud
san harigue nga bato gud
hampac man nga guin-ilub
an mga tutul-an na nahos
capin sin lima cayucot.

Natuman na ug nahahayag
an tagna nga isinurat
san Profeta si Ysaías
an casaquit nga madadañgat
san macanhi nga Mesias.

Guican sa ulo hasta sa pa-a
puro labud san desiplina
uaray lain nga maquiquita
an casamdan ngatanan la
han bug-os nga lauas niya.
*A PANTA PEDIS USQUE AD
VETI CEM CAPITIS NON EO
SANITAS.*

Bascug nga di samahan
an pag hampac nga capinan
ngan ira pa inupdan

capuñgut san mag liño man
han Cordero nga ma-aram

Quita-a pina nañgisan
mga Angeles sa calañgitan
nañgurug an calibutan
san calo-uy nga capinan
san Gueno-o nga ma-anyag.

Quita-a mga Patriarca
ug mga Santos Profeta
an icaduha nga Persona
sin mugut la nag aguanta
san castigo uay sama.

Quita-a mga tauo nga lisang
an macalolo-uy nga cabtang
san Dios nga ma-aram
nga nag buhat san calibutan
guin castigo pinatucan.

ARAL

Hin-o ca hino man nga tauo
mga tutdo pamati-an niyo
tan mon itangis toto-o
an casaquit nga guin acoh
san Gueno-o ta Jesucristo.

Ycao manta diri iba
an tinicañgan san pag saquita
masucot sa paca sala
pug-ñgui pag haueri na
nga dica mag pasipara.

Niyan cay imo adlao pa
nga si icao buhay pa
amo nga guin papasabut ca
sini nga cabtang mag pile ca
san maupay ngan mara ut ba.

Cay diri pag pupulñgon niya
san Dios Gueno-o nga Amay ta
matu-ud ig a-asuy manta
an matadong ug mga lisa
an adlao mo con ancia na.

Panañglitan con matapos
an quinabuhi mo mautud
lauas mo asay guin urug
an adlao mo con matapos
pag uualihan ca sa Dios

Uaray mahihimo ano man
han patay mo ñga calauasan
fijo matutuna lamang
jaba-a mo ñga aba-a moman
con uaray ca da-an andam!

Cay nag guiguinhaua capa
ug icao may quinabuhi pa
pag andam nimo alaua
sin sadang mo ica guinhaua
con may gagamitan muna.

Ngan sahid pag i-isipon
sa Dios pañgiñginanuhun
an mga buhat ñga mara-ut
pag ca-un ñgan pag caturug
dila lac-se condi oñgud.

An cadam-an ñga buhat mo
panomdom ñga diri ma-o
ig licao diri mahihimo
ig papahayag toto-o
sa atubañgan san mga tauo.

Con mag lilimos ca
san ig casi tauo mo manta
an paharani mga maya
tomañgis an mga luha
layon calo-uye na.

Ug an imo pamatasan
ha babantug bisan di-in man
imo ini dadañgatan
con sia caruyag moman
layon mo ina-atuhan

Camahusay mo baysay ñgani
lauas malac-se firme
hinigugma mo sin labe
iguin raraco-daco mo ini
sa Dios Gueno-o uay tupñgi.

An mabascug mo ñga calauasan
ma abtic di ano lamang
ig sirbe nimo sin tuman
sa Dios labing mahal
basta ñga buhi capaman.

Añgay ñga icasasaquit gad
san Gueno-o ñga mahal
Bulauan salape gute ñga mañggad
diri mo iguin licao man
si Ba-al imo guin sumatan.

Dinhe uaray hin tatalic banan
masasay-gan an ñgatanan
bisan guti-ay di tupñgan
iya manta hi sasabutan
buhat ñga di cataduñgan.

Yni ñga adlao singabuton mo
cay buhi capa sa Mundo
con matapos na an ito
con uaray ca buhat toto-o
ano an a abutan mo?

Buhat ñga cahubia baya-an
lauas nimo di nababantad
pag madoruto nagad
buhat maupay ñgatanan
ug si Jesus an pag sug-an

Pag hampac uaray pariho
nag agunta nag antos adto
an pag caruyag dimo
san ñgatanan ñga buhat mo
camañgut ñgut ñga toto-o

Siya an Hadi ñga ma-aghup
sia niyan guin gagapos
ñga icao diri mahadloc,
pamintas na ug ato mangud
casing casing mo pag san urug.

Paharani-an na naton
an Gueno-o ñga malolo-uyon
an mga guin saypan naton
mga sala labe san arom
obus papag popu ason.

Quita-a an pag aguanta
sin sugad nga desiplina
dinug ngan linaquipan pa
han pag ca Dios niya
haros gumican an guinhaua.

Hino бага hino ngatauo
labing mapintas sa Mundo
guin hampac sin sugad sito

condi lamang iton Verbo
nahatotoñgud sa iyo.

Busa aton ig subo man
pañgamayahun ta niyan
cay icae ancia lamang
an toto-o nga guin ti cañgan
han cadam-an nga casaqitan.



AN PAG PODONG SAN CORO-
NA NGA TONCUN SAN MGA
JUDIOS SAN ATON GUENO-O
JESUCRISTO.

Ano san tinacasan na
an Gueno-o san pag saquita
layon binad baran nira
cay ira na quiniquita
harapit mabugto an guin haua.

Ano pa cay di maisip
an can Jesus pag casaquit
casaquit nga uaray sañglit
uaray calo-uy capaid
san tampalasan mag lares.

An panapton niya quinuha
san balhas ipinahid na
nagdaguinot mag panapton sia
condi uaray tatacas pa
guin hubo-an layon ule pa.

Mga lurong tampalasan
nag hampac uay casadañgan
sin uaray nag sugo man
si Jesus liuat hinubo-an
pag tamay nga di samahan.

Daco nga casaquit guin ilub man
san pag hubo-i liuat lamang
nga dao palad an higlapad
nanunucot nga unod gad
san tunica niya nga mahal.

Ano pa si Jesucristo
iguin mulay nga toto-o
san mag liño nga Judio
busa guin hubu-an ito
an lauas niya nga Santo.

Ngan ira guin liuanan
panapton marigsoc ngada-an
hinablon sin pula hinulgan
mahugao nga di samahan
purpura an pag ngaran.

Ngan ira na pinapuroco
sa usa mahugao nga bañgeo
pag tiao nira subrado
damo pa pag tamay sadto
sa Dios san aton Gueno-o.

Ngan ira pinacaptan
usa nga uga nga cauayan
ulo guin mudong pudoñgan
tanoc nga binac lao man
cono abe Hadi, Hadi lamang.

An ini nga mga mag liño
pin maqui-ana can Jesucristo
pina tagna pina tigo

sa ira con sino; sino
an nag sipocpoc sa ulo.

Ano cay pinacalurong
an inin Gueno-o naton
mga Judios mag limbong
guin luas ngan pag sang piton
o avi Rex Judearum.

An cahulogan ay ito
san pag sañgpit nira sadto
puro pag tamay san Verbo
an pulong san mag liño
aba Hadi san mga Judio

San hiquit-an ni Pilato
an pag tamay nga subrado
can Jesus nga aton Gueno-o
namulong guilayon sadto
san mga nag castigo.

Guilayon isaca niyo
nga niya iton tauo
cay basi ipatan-ao co
san nag titirok nga mga tauo
nga iya mga contrario





AN PAG PATANAO NI PILATO SAN ATON GUENO-O JESU- CRISTO

San isaca na si Cristo
sadton mga fariseo
an binuhat ni Pilato
ipinatan-ao san mga tauo
an pulong *Acce Homo*.

Yiton iyo quita-un
inin tauo nga ma inalagdon
an cabutang macahuhucon
diri na tauo con pagtan-uon
condi patay nagud iton.

San ipamulong na ito
san Hucom nga si Pilato
may ada duha catauo
guin uualis nga toto-o
an bado ni Jesucristo.

Ngan dida sira casayud
an mga tampalasan nga hayup
san mga casamdan ni Jesus
mangad na con humomoc
an casing casing nira ug bo-ut.

Sadto san ira hiquit-an
san mga tamapalasan
casina nira dinugang

tolle tolle an guin yacan
an iton nga tauo ig raysang.

An guin pulong ni Pilato
Hadi niyo ipapag raysay co
an baton san mga Judio
ano cay Hadi an siring mo
hin diri namon Hadi ito.

Condi si Teberio Cesar
hiya an agaron lamang
sa Mundo ug dinhi paman
Emperador nga haraṅdon man
nga amon pag tatahuran.

An ma-agao na ay ito
cay dadag-un si Teberio
con diri ipapatay mo
dica sisid-ṅgon nga Amigo
san Hadi naton toto-o.

Condi pag bubutang an-kapa
sisid ṅgun nga na ugup ca
san sugad nga pag pasipara
ṅgan layon casisinahan ca
oficio mo huhucasan pa.

An usa-pa nga quinabuhi mo
cocoha-un ha a among siguro
papatucan ca toto-o
an camanggaran salape nimo
e imbarguhon sa imo.

San can Pilato hiduñgan
an asuy san mga tampalasan
natahap ug nahadloc man
nan luya an calauasan
an casing casing naberic man.

Pinasulod na si Cristo
san Hocom nga si Pilato
pinaqui-anhan liuat sadto
taga di-in ca sañcay co
di-in ba an bongto nimo?

Uaray baton ni gute man
adton Cordero nga ma-aram
tinuyo paca burong man
cay iya guin huhulatan
sa iya an capatucan.

An guin pulong ni Pilato
may cagamhauan si aco
may cabascugan toto-o
pumatay bomuhi sa imo
diri guin pahayagan mo aco.

Mag sumat ca guilayon man
san cahimtang mo ug batasan
ngan an dugo guinicanan
aco diri mo cahadlocan
acon ca guin sasarita-an

Ngani Jesus nga ma-anyag
uaray ca guihapon cagamhanan
mag pasaquit sa acon man
con diri ca tugutan
san Amay co sa calaangitan.

Sira anag quiha sa imo
ira nganhi guin dara aco
cay basi sentenciahahan mo
ngan angay castiguhon ito
an may casal anan nga tauo.

San can Pilato duñg gun
an-orhe nga guin pulong
naliuat an iya domdom
an bo-ut dina nadayon
si Jesus an pag saquiton.

Ytinubyan na toto-o
san nag sumbong nga Judio
buhian man diri aco
nahadloc man si Pilato
cacuha-an san oficio.

Ngan layon na ipinaquita
si Jesus nga Gueno-o ta
ngan lin miñgcud liuat sia
sa *Lithostrotos* con бага
Haebraice autem gabbata.

Sa cagumoc nga subrado
bo-ut isip ni Pilato
namulong liuat sin bago
nag yacan san damo nga tauo
tan-awa iton Hadi niyo.

Layon san pacadoñgug la
mga Judios nan hipausa
guilayon nag baton sira
diri; diri; an pulong nira
toto-o gud nga nag sasayup ca.


Cami uaray Hadi ni hino
condi lamang si Teberio
cay iton mga pulong mo
con hibaruan dao ito
casisinahan ca sadto.

San uaray guin cahimu-an
toñgud cay nahadloc naman
nga diri бага sentenciahahan
nabaraca ug napad-an
si Pilato nga puno-an.

AN PAG HUNAO NI PILATO SAN CAMOT

An saramoc nga sugad sito
san Hocom ug mga fariseo
san cahadloc nga toto-o
senintenciahahan na ito
an Gueno-o Jesucristo.

Saguilayon pinuroco na
sa hata-as niya nga silla
uary Anay pag sentencia
cay sia man nag pacuha
sin tubig ngan nan hunao pa



An iguin yacan amo ito
 ñganiya gaosun si aco
 san dugo sito ñga tauo
 cay nag bobo-ut si camo
 con ano an buhaton niyo.

Uaray aco sinasabutan
 conde cay iyo pag borut-an
 patayon sa guilayon man
 si Barrabas an buhi-an
 ñga si Jesus an mamatay.

Bin maton inin mag liño
 ñganira pabay-e o o
 hi cami an mag a acoh
 hasta sa amon pag Apo.
 dugo ñga buhi sinin tauo

Bacay sa amon itinubian
 an pag castigo ñga ano man
 toñgud siton tauo naman
 cami an may pag borut-an
 tara imo na sentenciahian.

An pulong ñga iguin pahayag na
 ni San Juan Evangelista
 si Jesus san tabugon na
 ni Pilato ñgadto sira
 guilayon nag calipay la.

Guin haracbot ñga toto-o
 an Gueno-o Jesucristo
 san mag liño ñga mga tauo

mag fintas ñga mga Judio
 mga sacop san demonio.

Ngan ira man guin hubu-an
 san Clamideng ñga saclay,
 pate an iya panapton man
 guin liuanan san Cairal
 ñga sucol ug añgay man

Uaray pag quia pag yacan
 inin Gueno-o nag ilub man
 ay aba-a tauo ñga tampalasan
 an baba mo buñgaton man
 mga tutdo imo pamati-an.

ARAL

Pag isipon mo Cristiano
 sadang pag balican nimo
 mga calaygayan dimo
 pag sundan mo sin toto-o
 an ipimatoc san mag lingo

Siya an Hadi ñga tuman
 Dios ñga diri samahan
 Hocom sin bisan hino man
 nag alagad uaray suhay
 sa-ad san mga bu-ang.

Ngadao tauo nga may sala
orug mahamis uay sama
nga diri doctan sin mansa
siya na pa pag mulay la
ieao an pinaguinhaua.

Bugos mo nga asal-anan
pinangaco ni Cristo nagtanan
san can Pilato sentenciahian
uaray sia pag apelar
ieao an guin tubos lamang.

An imo daco nga bo-ut
caruyag mo nga habantug
sapag cadaraya uon
man la-labao ca harangdon
dao tapoh-tapoh ca ug ulod.

Hiya an guin saquit man
guin gapos nga guin tindacan
guin mara-ut an caupayan
nag a-agul sin pag buhat
sadton Cruz, nga mabug-at.

Nag mamaru maupay caman
lauas mo liuan nga liuan
bulauan biste mo puro hindam
san macabate pag caruyagan
mag kikita nga sino man.

An balos ug cabayaran
an cadam-an nga casaquitan
pagtamay ug pag yubit man
an ulo niya guin pod nga
sin tunoc guin coronahan.

Nag pa ubos an Dios
ieao anag pacabaobao gud
siya guin tamay sin lubos
pag dayauon ca habantug
maguin ma anyag sin orug.

Ano an ig populong cupa
ay, san ngatanan mo nga sala
pate san tagsa tagsa
sinacop ug inam con pa
san icaduha nga Persona.

Ay aba-a ;ano ca nga tauo
uaray mo diri pag lingo
penitencia dimo an castigo
han guin compisalan mo
diri guin tutuman nimo?

Yguin licao mo diri hadayag
nga uaray macasabot gad
;ano nga dica nag tuman
hapag sunod pag alagad
puro la binuas, buas?

San si Jesus na sentenciahian
binohat uaray pag langan
sulod sin usa ca adlao
ini tangkud nga catutdu-an
himon dumi diri hicalmtan.

Maca mimingao sadang itangis
pamalandogun an casaquit
cocori-an guin antos nga pirit
ni Cristo Gueno-o uay sanglit
Hadi sa tuna ug langit.


AN PAG PAHAYAG NI PILA TO SAN SENTENCIA.

Aco si Poncio Pilato
Presidente dinhe Hocom aco
sacop sa Roma nga Imperio
guin votosan aco toto-o
san Emperador Teberio.

Sa acon pag audencia
ug pag puroco sa silla
lincuran nga inan dam na
nag pahayag ug nag quija
Principe sa Sinagoga.

An ira iguin sumbong man
dinhi sa acon atubangan
Jesus an pag ngaran
Nazarino cataoganan
Galileo con mag yacan.

Nga nira iton tauo
tampalasan nga toto-o
sa Hadi pa nag lilingo
guin gogomoc an mga tauo
an batasan guin babag-o.



An patoc co ug sentencia
tunggal san iya sala
sa Cruz ipa pag dupa
ig ray sang guilayon sia
mga te-il ug camot niya.

Sa iya ipa pag pas-an
Cruz nga camamatyan
ig tauag sa cadadlanan

dayon sia ipabut nga man
sadton duha nga cauatan.

Yto ancia an castigo
san tauo nga dara niyo
dinhì sa atubangan co
manta gauas si aco
san dugo san tauang Santo.

AN PAG PAS-AN SAN CRUZ SAN ATON GUENO-O PESURISTO.

Ano pa san ihatag na
ni Pilato an sentencia
layon sinong gu-an nira
san mag pintas mag pasipara
si Jesus nga Gueno-o Amay ta.

Guin gapos ug guin higutan
li-ug niya ug camot man
guin suntoc ug guin sicaran
diri gud quinalo-uyan
sadton mga tampalasan.

Yguin tauag iguin bando
ma-aringasa subrado
san cadam-an nga mga tauo

voces sadton pregonero
an guin pulong amo ito.

Yni ancia an catadungan
ngan sugo nga ca angayan
san Santidad nga Hucoman
ni Pilato nga puno-an
sa can Jesus nga gamhanan.

Nag babantug iton malingo
nga Hadi sia san Gueno-o
bauo tuyao nga tauo
tampalasan uaray apdo
mga buhat diri toto-o.

Diri Hadi tauo pasipara
tampalasan uaray sama
nag papatu-o nga Dios sia
guino gemoc an ngatanan na
anac dao san Dios sia.



An isip siton malimbong
an Roma ay a agauon
pate an Jerusalem non
lulupigan ug a amconon
hasta si Cesar ñga Hadi naton.

Maiha na ñga iguin saysay
san fariseos ug escribas
sa testimonio ha hayag
cay sa bug-os ñga Ciudad
ig babantug ig tatauag.

Siya pag papananglitanan
san capariho tampalasan
idangat sa Calvario man
amo ito an cabayaran
san iya casal-anan.

Ngan con бага domatong na
didto sa tuna Golgota
ig raysang ipa dupa
ñgan ipa pag butña pa
san mag cauat ñga duduha.

Cay basi didto casaygan
ñgan bisan sino hibaruan
ña iton si Cristo naman
Hadi san duha ñga cauatan
pap riho an ira batasan.

San mabasa na matapos
adton sentencia can Jesus
ay an mga fariseos
ipina pas-an na an Cruz
sa tuna guin sasa-ug.

An toto-o ñga hilab-an
siton Cruz ñga ipina pas-an
napulo cag lima cali-ud man
ñgan pito an isip naman
san balabag ñga guin dophan.

An Cruz san camabug-at
dao natig-ub an upat
na lubong sa sugbong gad
labi din mugang liuat
sala san tauo ngatanan.

Ano pa ini si Jesus
san pinapas-an matapos
kinopcupan dayon an Cruz
guin tangisan na ñga gayud
sa lugaringon niya ñga bo-ut.





AN PAG COPCOP SAN ATON
GUENO-O JESUCRISTO SAN
MAHAL NGA STA. CRUZ.

Oh Cruz nga niya nga mahal
cahuy nga labe san ngatanan
da-an guin pile guin andam
ig dada-ug nga tuman
san mga ca auay coman.

Si icao manta diri iba
hitalindasan san sala
an raza mo nga ig bobonga
ancia an i gui guinhaua
san mga anac ni Eva.

Ycao an acon guin lalauman
layon co icao cocop cupan
guican san adlao nga unhan
san paca sala pag laris man
ni Eva ngan si Adan.

Niyan nga matutuman na
guin isip co camaiha-an na
oh Cruz labing uay sama
estandarte co ug bandera
nga acon ig vivictoria!

Cadi na acon cocopcupan
cahidlao cuna capinan
tulo ca oras an pag lay lay
ancia an ipa i iban
sala san tauo ngatanan.

Damo pa an iguin sayud
guin saysay san iya bo-ut
guin danas layon guin sa-ug
san siton mga Judios
mga verdugo nagumoc.

Sa orhe iguin tutulak
guin susunod an pag lacat
saka guiliran ug atubangan
an Mesias guin lilibutan
san Cacerdotes ug escribas.

Pag mulay de ano lamang
pag sumpa pamuyayao man
itinulac ug banyacan
naharacop nahamodmod man
an Cruz naha ba bao bao.





AN CIAPA NGA PAG HIPACOLUB,
SAN ATON GUENO-O
JESUCRISTO.

An camabug-at san Cruz
nga iguin papas-an ni Jesus
layon la nahapaculob
san tapoh topoh napuros
an bayhun nga macahuhucon.

Con itoc dao niya naman
nangurug curug an calauasan
haros diri ma acos man
san butlao na nga capinan
in mucoy mag tarotan-ao.

Ug sia nacapag yacan
sa bo-ut ipinahayag
oh discipulos ngatanan
Apostoles co sugad-man
ano nga camo nanguias?

Hain naba si camo
pinili nga mga alagad co
ngan acon casaro saro
uaray inongop sa iyo
niyan san sini nga tiempo?

Con sira mga binaya na
nag cahadloc nag cabaraca
an pag tu-o nan luya
icao Yroy co; icao na
sa acon di malo-uy ca?

Panginano na Yroy co
aco calo-uyan mo
basi iguin hua toto-o
yading mga casaqitan co
con umatubang aco sa imo.

Masurub-un caman Yroy co
culaue an usa nga anac mo
cay icao an guin tuturuy co
diman maca acos aco
sinin mabug-at nga dara co.

An mata mo Yroy co nga mahal
sa acon con iculao man
an sugad co nga cacori-an
siguro gud nga maga-an
inin mabug-at co nga pas-an.

Oh Yroy nga Gueno-o co
imo cunta ma aguanta ito
nga di culauan san mata mo
usa usa nga anac mo
sa sugad nga pag castigo.



AN PAG TAPO CAN JESUCRIS-
TO HAN IYA MAHAL NGA
YORY NGA AN MATA
NAG LULUHA.

Sugad ini sin hindong gan
ni Maria Yroy nga mahal
nag cuba cuba an dughan
nag antos san casaqitan
guin mua nag pirit man.

Uaray cahadloc uray pag alang
padas san mga tampalasan
din mara-un hinarani-an
anac nga hingularan
mga mata mga luha-an.

Nalo-uy matinangisnon
ini ancia an guin pulong
oh anac co nga higugma-un
adlao nga labing matahom!
oh Ysa-ac nga ma ilubon!

Oh anac nga minahal co
ma-anyag nga Olitauo!
ano an sala nga binuhat mo

nga icao guin sugad sito?
dico na e ilub toto-o.

An Cruz nga iguin pas-an
anac co imo buliuan
cay icao acon sasaliuanan
diri co icabubuhay man
con tan auon imo cahimtag?

A acohon co ngatanan na
aco an mapapatay nala
anac co mabuhi cala!
ano an pulos man ano pa
con icao diri maquita?

Ano in mahihimo co hini
aco usa nga babaye?
tara acon pinalabe
anac co guimamahale
an tuyo co abuyane.

Condi icao an ma-aram
cay imo man hin babaru-an
pate inin casaqitan
bayhun ma husay nga tuman
dughan tugub sin kabudlayan.

Diri co icao nalilimutan
pag higugma nga di samahan
lubos nga uaray culang
natahus sa acon calag
bido mo uay catapusan.

Mahapdos di ano lamang
ug mapait nga capinan
con matan-ao co maquit-an
anac co imo casaqitan
ngan icamamatay cuman.

Canay dughan ug casing casing
Jesus an diri mapinit
bisan an tuna an langit
sugad nga imo casaquit
nag ngunguy nag tatangis.

Oh anac co nga hinigugma
niyan pag huna huna-a
inin mabug-at mo nga dara
bol-iue ngan coha-a
Yroy mo nga nababaraca!

Akon daola guin e ilub
cacori-an mo anac nacon
inin casaquitanan nga mato-ud?
labe co niyan gusto sa bo-ut
an guin hana co ma utod.

Basi diri aco comita
Jesus sa imo pag saquita
oh suga san acon mata!
oh quinabuhi san calag cupa!
Dios co nga uaray sama.

An baton ni Jesucristo
sadang na Virgen Yroy co
pahira an mga luha mo
an Amay co nga toto-o
an mamang no sa imo.

Dico itotougat sa imo
Yroy co an pinangangaro
nga aco saliuanan mo
nga mabuhi lamang aco
mamatay ca nga toto-o

Yroy uaray catigayunan
cay guin aco co nga tanan
an saquit sa pag camatay
ancia an lubos nga palit man
canan tauo casal-anan.

Gueno-o Yroy co umoli ca
para-a an cabaraca
casaqitan a anhun бага
acon dao idudugang la
ma-aram aco mag aguanta.

Bacay cay caborot-un man
san Dios sa calangitan
mapait man di samahan
pipiriton co pagtuman
i inomun uaray cacari-an.

Busa Yroy nga mapaua
luha nimo pamahira
an tinangis tangis mula
nahatag sin casaquit pa
san anac mo nga hinigugma.

Sarapate gumowa ca
sa mahal can Noeng Arca
pag balic layon dale na
tubig ura ura ca daco pa
siton Pasion co ngatanan na.

Dimo sadang hiquit-an
an balangao sa calangitan
madlos duloc sibua capinan
sa dagat dao natatac pan
dao burong san casaqitan.

Con san Yroy anac co
minahal co minayuyo
diri mabaraca nga nimo
e ocoy an pag cabido
mato-ud dina e ilob co.

Acon ba icabubuhay
anac co imo casaqitan
sino nga Yroy di mag cabidu-an
con matan-ao hiquit-an
an mabug-at mo nga pas-an.

Ycao Jesus an higugma-un
calipayan sa caborut-un
pinalang-ga ca nacon
sa casing casing ug domdom
ano nga acon buhaton.

Mahapdos labing casaga-ad
dicuna sadang ig yacan
guin i ilub co ngatanan
condi diri gud nag i ban
casing casing tugub sin easaquitan.

Con aco imo pag quit-an
san malinao nga mata mo man
casing casing co nasasaquitan
aco dimo tinutugutan
nga pasallo-un pag pas-an.

Masaquit dao nga toto-o
mapait labe san apdo
aba-a ano anac co
diri quinalo-uyan mo
an pina nga ngaro co dimo

Anac co inin cabudlayan
diri mo aco pag did-an
da-an mo hin babaru-an
nga acon ca camahalan
labe sinin quinbuhi coman.

Labe paman sa calag co
an pag higugma co sa imo
an damo nga casaquitan mo
ma-alagad nga toto-o
nga dinulot sa casing casing co.

Ynin acon cabudlayan
casaquit nga pina ma mati-an
acon dao icamamatay
anac co con hitan auan
an carori-an mo niyan.

Ngan ito niyan din mugang
saquit sa casing casing man
nga dao sin udyong dinultan
calag co cay hin igu-an
butlao nga disamahan.

Labe con nadodumdum co lamang
ug acon na e isipan
an dila mo sapag hiual
baga matarom nga sundang
guin haua co dao hi o atasan.

Uaray co iba nga minahal
pinalangga uay sanglitan
si icao mabuhi lamang
toman-ao san capaua-an
casing casing nga guindulman

Dinhe icao ino ongara
an hucas nga pag higugma
inin gute co nga cab araca
anac co i opud muna
san casaquit mo uay sama.

Dinhe icao iquina a aua gud
gugma mo tuman sa bo-ut
casing casing co nalolomos
con acon guin totocud
inin mabug-at mo nga Cruz.

Dinhe na ikao nga aba-a
san daco nga paghigugma
inin casaquit co ngatanan na
cay ngani anac ca manta
sa Dios Gueno-o Amay ta.

Dinhe co ihina halad
quinabuhi co ug calag
inin acon nga pag hingyap
nacapaua ca, san calangitan
cay ano nga guin buringan?

Dinhe co icao guin papa ura
san toto-o nga pag higugma
dao oripon nga timaua
con tauagon mo Yroy nga
camatayon co nga labe pa.

Dinhe inin lauas coman
haros na nga ig camatay
ano pa in capul sanan
quinabuhe co calag man
con icao hibubulagan?

Dinhe niyan anac co
guin a ampo ca toto-o
san masorub-un nga Yroy mo
tan aua an mga luha co
casing casing nag loloc-so.

Dinhe inin calag cuna
lubos nga uaray guin haua
guin daug an sini sib-ua
idinudugang uay sama
san cadam-an nga pag saquita.

Dinhe an mga mata co
nag tatangis tongud sa imo
macalilisang toto-o
capa eri anac co
an suso guin supsupan mo

Oh lugday nga quina-adman
san amay sa calangitan
hino ca nga may casal-anan
di cana quina lolo-uyan
san tauo nga imo guin laraug.

Dinhe an toto-o nga gugma
nga tinicangan pa san una
inin Yroy mo ma unano ba
ngaran nimo sadang na
firme ipinaquiquimalo-uy cuna.

An gute nga cabaraca co
é o unong co sa imo
diba salamat anac co
con бага carauaton mo
niyan man nga oras ito.

An baton ni Cristo mahal
oh Yroy nga nabubudlay
sadang mona e ucoy man
pag tuquib mo pag saysay
an anac mo mamatay.

Casaquit Yroy co nga imo dara
sugad dao sin quiniquita
san anac mo han pag saquita
pag sacup san mga sala
ngatanan san anac ni Eva.

Oh Yroy ano an hingangadtu-an
san daco nga casaqitan
con acon ca hiquit--an
labe nga idinodugang
sinin acon casaqitan.

Casingcasing bo-ut ma-anano man
sa pag higugma co caruyag
Virgen Yroy may cabido-an
san budlay ug casaqitan
hin babaro-an co ngatanan.

Aco uaray catut-hayan
sinin acon binuhatan
bo-ut co sa camaiha-an
diri napapara sa dughan
pag sacup co san ngatanan.

A-anhun co cay sugo gud
nga caborut-un sa Dios
dugo co an i a agus
cay basi lamang masacop
tauo sa calibutan guil-cop.

Busa Yroy co nga mahamis
para-a an damo nga saquit
dughan co guinhaua hingpit
ma-arhat man ug mapait
niyan sugad sin matam-is.

Con aco diri pag saquiton
ngatanan dico acohon
ma unano Yroy nacon
con pag o unanhon
yadton malara nga sugud?

Cay da-an mo hin baharu-an
an puno nga hintotongdan
sinin acon casaqitan
sadang na nimo ocyan
Yroy co an cabidu-an.

An sugad nga pag cayacan
san mag ca Yroy may casaqitan
sino nga domungug man
san cabidu-an capinan
luha diri kapapug-ngan?

Diri ba ini nga nacon
usa nga lalaque matahum
nag hatag sin guin haua nacon
ano ba nga taramayon
san ngatanan pag popo uyon?

Casaquitan nga uaray sama
nag hihing yap ngatanan na
conde inin Gueno-o ta
nag babatid con may ada
nga bomolig bisan usa.

Sa uaray man mabaraca
nga may bomolig sa iya
iguin lacat guin aguanta
an Cruz san aton sala
bug-at nga uaray sama.

Bo-ut nga binuhat guihapon
sino an papag bot-un
iba nga masacop daton


gugma nga uaray tupong
caruyag gud nga lonlun.

Cadam-an an hirapit na
calag mabobug-to an guin haua
bisan hino an comita
nalolo-uy man sa iya
mga mata nag loluha pa.

Sino an diri magsaquit
hiton an diri tomangis
an lauas ma ngibig quibig
guin tatamay guin sasaquit
san siton nga mag yubit.

Labe nga maca huhucon
sugad nga saquit ni Jesus
tambor trompeta mangol ngug
casina nga diri matapos
escribas ug fariseos.





AN PAG HITAPU-AN SAN
ATON GUENO-O JESUCRIS-
TO SAN MGA CABABAYIN-
AN AN MGA MATA NAG
LOLUHA.

Dida naman sa raysangan
may pipira ñga hin quit-an
mga luha-un ñga cabayin-an
sahid may cabidu-an
ancia an guin tatangisan.

Uaray pag ilub nag pulong
si Jesus ñga Gueno-o naton
nganiya mga higugma-un
sa casing casing niyo itanom
casaqitan co ñga nadatong

Orug nga tangisan niyo
mga anac ug mga pag apo
an saquit ñga guin antos co
may oras ñga macanhe aco
ña ig sasaysay co sa iyo.

Labe ñga capalaran
ña diri hapag licao man
sin babaye hino paman
cay diri tacos hiquit-an
san cacori-an nga dadatngan.

An casaquit madatong
pag camatay co ñga mara-ut
puro pag tangis ug pag luha gud
cay diri na gusto nacon
ña sa tuna pag buhayon.

Caruyag co ug hingyap man
ña sira pag tagbunan
san tuna ug cabuquiran
ña diri co casaygan
cacori-an ñga dadatngan.

Ysinompay pa an ito
mga pananglitan ni Cristo
ña sadang isipun toto-o
sino may hunahuna ñga tauo
an cahulugan amo ito.

Con an cahuy langbo pa
damo an ibinobunga
nababar-ag guilayon la
ma o uga uaray tagoc na
ano an gagamitan dao la

Saca tadungan toto-o
aco uaray sala nga tauo
an pag mulay nga subrado
san tampalasan ug mag lingo
ano an bubuhaton codao ano?

¡Oh lubos ñga quina-adman
sa Dios sa calangitan!
¡oh an calo-uy subrahan
baba dao burabud lamang
san hata-as ñga catutdu-an!

ARAL

Pag sundon mo Cristiano
an Pasion ni Jesucristo
panamdumon dinhe nimo
panginanuhon nga toto-o
sa lugaringon ñga bo-ut mo.

Ngan basi ica o nasayud
san ca uga mo ug calayong
uaray bunga mauauara dahon
ma o utod sa guilayon
sa calayo ig tatap-ong.

Yni ancia an pulong mo
panomdumon mo toto-o
con may huna huna ca ñga tauo
angay ñga hibaruan an mo
an pananglitan ni Cristo.

An Dios Santo uay sama
guin yubitan guin pasipara
¡ay aba-a tauo ica o pa
ñga di pag pasipod-an ca
mara-ut ñga buhat mula!

Pag pulong mo pag upaya
mabudhe ca mapasipara
niyan mag domdum cana
caborot-un mo pag ugha
an pag saribo firmiha.

Luha an catadungan
ñga ig sasaribo muman
con umabot sa panaglitan
adlao ñga imo pag quican
may macocoha mo ñga andam.

An langit calibutan guil cop
sa imo ma popongut
pamatasan mo pag liuaton
basi ca diri mahulog
sa uhang macaharadloc.

Condi ca mag cabaraca
san pamatasan mo pag liwata
mga buhat mo ngatanan na
tuman nga diri mag sasala
sa infierno totoubtub ca.

Con ngadto ca capucan,
¿ano an imo a abutan?
puro tangis cabudlayan,
di maisip ñga casaqitan
pag basul uaray catapusan.

Diri muna babalican
bongto mo ñga cahimaya-an
didto lunlun calipayan
sadang nimo guinhaua-an
mauauara sa madale man.

Cay con diri mag balhin ca
domdom mola an paca sala
sin castigo a abutan ca
busa niyan pag basul na
ug dayon mag penetencia.

Cadam-an ñga naquita mo
nag camatay ñga mga tauo
bata tigurang ug Datu
¿ica o бага ma siha sadto
ñga mag pe firme sa Mundo?

Mag sasayup ca camato-uran
mahadloc ca mag subo man
pag datong uaray sarabutan
mabascug ñga di ano lamang
totombahun ca sacadagmaitan.

Ano an ca-andaman mo
ñga di cagud ma a ano
camatayon an toto-o
an mana-ug san tauo
Papa, Hadi, ug mga Datu.

Dico pag hahalaba-un man
ica o an labe ñga ma-aram
mag hunahuna ngatanan
calag ta o usa lamang
con magara-ut maca in man.



AN PAG PAHID NI VERONICA
SAN MAHAL NGA BAY-
HON SAN ATON GUE-
NO-O JESUCRISTO.

Yton mag tala Yroy man
nga putos sin casaquitan
haros nga diri mag bulag
mata nira sa pag culao man
layon nag bulag capiritan.

Pinalacat sa guilayon
san siton mga mag limbong
nag sasaquit nga dison-un
binotlao na an sugbong
iguin tutulac la dayon.

Ay ano pa san quino curi-an
mahal niya nga calauasan
naharacop ug nahamod mod man
an bayhon ina a-agusan
san balhas dugo nga tuman.

Butlao cori ug saquit
cagulanen nga di maisip
an lauas ma nguibig quibig
nanguro an ugat ug latid
sinin Dios nga uay sanglit.

Uaray ipinahid ano man
san bayhon nga guin dodolman
pag cadaco nga casaquitan
an mato-ud nga mang-garan
uaray maporut nga trapo lamang!

Da-an batasan ini
ni Veronica hamile
bisan bata pa nga gute
mapatlairon ngani
malimuson dali dali.

Uaray pag antos pag ilub
an maloloy-un ug mabidu-un
san pacaquita natipon
puno sin saquit an bayhon
dugo cadam-an balhason.

Layon pinahiran niya
san paño nga dara dara
casing casing nag co cuba cuba
nag o utnga an pag guinhaua
san pag calo-uy uay sama.

An daco nga cagamhanan
sinin Dios nga ma-aram
sadang usahum han hinoman
bayhun niya nahalaladauan
san panapton nga iguin pahid man.

Nalolocot sin uay sugad
an panapton nga halapad
an mag paluyo nahadadayag
ngan buclaron pa halapad
tulo nga bayhun nahayag.

Ano pa diri maisip
orusahun nga uay sanglit
milagro buhat sa langit
an panapton nga ipinahid
ni Veronica nga may paid.

Ay ano san capahiran
an bayhun nga guin dudulman
layon nag bulag naman
an mahigugma-un ma-aram
casing casing haros matunao.

Yguin lacat na si Cristo
sadton mga fariseo
haros la ig dalagan ito
¿sino baga ug sino nga tauo
an di mapaid man lomo?



AN PAG GUA SA PUERTA SA JUDICIARIA SAN ATON GUENO-O JESUCRISTO.

San si Jesus igua na
sa puerta sa Judiciaria
may á las once an hura
an Cruz nga guin dadara
sa tuna iguin hihila.

Ano pa an pag cabutang
siton puerta nga guinua-an
parte dapit sa natundan
sugad man sa sinirangan
Golgota an tutucaran.

Daco nga saquit uay sugad
butlao binate san lauas
mga te-il di macabuhat
sa buquid sa pag tucad
guin tatamay guin raramas.

Labe nga ma aringasa
tambor ug mga trompeta
tingul nag rorug yauan pa
dageo an pag guli-at nira
an Ministro nagtataug pa.

Calauasan nan luluya
san Mesias nga Gueno- ta
camabug-at uaray sama
iguin nanap sa tuna
adton Cruz nga halaba.



AN ICATOLO NGA PAG HIPA-
RACOP NI JESUCRISTO NGA
GUENO-O NATON HAN
PAG CAMABUG-AT HAN
CRUZ NGA PINAPAS-
AN.

An icatolo na an ito
nga pag hiparacop ni Cristo
calauasan nan lulo mo
nangu ngurug curug nga toto-o.
tul-an ugat niya sadto.

Sa tuna nahipaculob
an mahal lauas ni Jesus
bayhun nahibagnos ug narang-gus
san cabutlao nga mato-ud
uhao gutom ug carunos.

An tuhud niya camut man
nahapentar gud ngatanan
ngan sayud nga nahaladauan
sa bato hin pa lo lud-han
ug san pinan hidun-an.

Sa maupay nga panumat
pag asuy ngan pagpahayag
hasta niyan nahidadayag

a-ada uaray pagcaliuat
sa bato Kini Kita gad.

Mag macosug an lauas
san Gueno-o nga gamhañan
an butlao nga capinan
diri na macacabacang
tongud san Cruz nga pinas-an.

Con an te-il ipinipitad
san iya pag itutucad
guin hihila guin dadanas
namamahal sin uay sugad
an bug-os niya nga lauas.

Dao minatay nga toto-o
an cabutang sinin Cordero
hin-o daola sinin tauo,
an di mapaid toto-o
san cabutang nga sugad sito?

Dida san iya pag lacat
sinin mahal nga Mesias
sugad gud sin ina-abat
sa dalan an iya lauas
san camasaquit uay sugad.

An iguin pulong amo ini
Populi responde mihi
Bongto co batuna ngani
ano an sala nga guidadaco-e
nga aco guin sugad sini?

¿Ano ba nga catampalasan
buhat co iyo hin quit-an
nga sugad nga binuhatan
casina niyo ngatanan
sa acon iguin tarong tong man?

¡Oh Bongto nga uaray bo-ut!
¿ano nga aco guin gapos
guin hampac uaray catapos
cay ano an buhat co nga mara-ut
sin sugad nga pag yubit gud?

¿Ano nga aco guin tapalo man
Cruz nga ipinapas-an
guin suntoc ay sinicaran,
nga sugad nga binuhatan
ngan diri mo quinalo-uyan?

Sa mga pag tamay nga labe
ayao paca bongul ngani
mga tugun co pag sayuri
nga niya ay *¿Quid feci tibi*
Popule responde mihi.

Bongto co aco batonon
¿ano an buhat nga di matadong
nga diri sa bo-ut mo uyon
nga guin sugad pag tamayan
mga pag mulay sa acon?

Ano ba an ibabaton mo
sugad nga paqui-ana ni Cristo
nag ilub gud toto-o
cay basi hi ang bitan mo
an calipayan sa Paraiso.

Condi cay icao an maraut
malingo nga uaray haros
an sugad nga pag pa urug
ni Jesus Hadi nga mato-ud
casaquit-an imo balos.

Yyo na icabaraca
ngan icasubo firme na
san pag pas-an pagdaradara
mga te-il di nacapitad na
dida san pag tinocad niya.

Nag sasaquit nga toto-o
an Gueno-o Devino Verbo
pag cabutlao nga subrado
dinhe harayo pa adto
yadton buquid sa Calvario.

An sacroleño halaba
nga di ma inhit sa tuna
labe nga nacacaruri pa
pag tamay o pag yubit pa
pamuyayao ug panumpa.





**AN PAG BACYANG NI SIMON
CERINIO SAN MAHAL
NGA STA. CRUZ.**

An sa escritura nga casaysayan
may usa nga lalaqui naman
taga Cerene nga bongto an ngaran
nga ira guin suhulan
pinasallo sin pag pas-an.

Ngan iton tauo nga ito
amo si Simon Cerineo
ancia an Amay toto-o
ni Alejandro ug ni Rulfo
mga discipulos ni Cristo.

Ynin can Simon pagdara
bisan con uaray pag iha
sin gute iguininhaua
ni Jesus nga Gueno-o ta
san daco nga cacori-an niya.

Ano pa san binol-uan
ni Cirineo an iguin pas-an
mga te-il diri naca cabasang

sia an nag aguanta man
nag balintong an calauasan.

Guin aguanta nga toto-o
siton bo-utan nga Cordero
an Cruz guin dara pag acoh
ngan ira man pinacadto
sa bukuit sa Calvario.

An quina ad manan nag pulong pa
iton Calvario diri iba
cay han tiempo nga una
an pag tauag sini nira
an buquil ini sa Moria.

Pinili nga tinucaran
san Patriarca Abrahan
dida niya guin halaran
dugo ni Ysaac quinabuhi man
cay iya pupugutan.

Mag sama gud ngan sugad
si Jesus sadto can Ysaac
sa Calvario san tumucad
sa sugbong iguin papas-an
yadton Cruz nga mabug-at.



AN PAG HUBO-I SAN MGA
JUDIOS SAN ATON GUE-
NO-O JESUCRISTO.

Yni nga Calvario naman
pinile san mga lisang
san can Cristo pag raraysangan
Golgota an pag ngaran
san mga Hebreos ngatanan.

Ay anopa san dumatong na
an mananacop san sala
sa tuna nga andam nira
guin hubu-an guilayon na
sadton mag pasipara.

Ug dida na san pag lubas
sinin dugnit san Mesias
an casaquit bag-o liuat
an camaol-ul uaray sugad
san pag lacnite san mga samad.

Liniuat sin pag sasarang
samad niya sa calauasan
hapdus nga di samahan
mahapdus an linacnitan
an dugo cay nan lalam-ao.

An Cordero nga ma amoma
uaray pag pulong ug pag quiua
nag ilub nag aguanta
san casaquit nga ura ura
tongud san tauo nga balisa.

San cahubu-an matapus
inin Gueno-o ta nga Dios
iton mga fariseos
nag isip liuat sin lubos
lain nga buhat can Jesus.

Da-an batasan ngatanan
an papatayon nga sino man
con tapus na pag cori-an
liuat pa i inomon paman
Alac—sio nga minirahan.

Ug labi nga macuri pa
an Mesias nag ilub la
dinugangan paman nira
an alac-sio ug an mirra
apdo mapait uay sama.

Ngan ipina inom man
sadton mga tampalasan
diri ominon ni gute man
basi malubos nga tuman
inin iya casaquitar.



ANG PAG RAYSANGAN SAN ATON GUENO-O JESUCRISTO

Amo an tagna susumaton
si San Mateo nag pulong
san di mapirit pag inom
si Jesus nga ma inacuhun
sa Cruz pinahigda guilayon.

San cahubo-an na nira
an pag handa-an pag dupa
sa guilayon ibinao bao na
an uala nga camot niya
an iguin raysang inuna.

Ngan an ira isinunod
can Jesus to-u nga camot
quinablas uaray abot
dida san guho san Cruz
camod camaron uaray a-abot.

Saguilayon ira guin ugnat
sadton tauo nga mag pintas
hasta sa guho nga sinag-cad
naraptay nala an lauas
san macusug nga pag ugnat.

Guin pirit ngan guin lugos
siton uaray mga bo-ut
hasta na nga inabot

an to-u ni Jesus nga camot
dida san guho san Cruz.

An te-il dina maliso
san Gueno-o Jesucristo
irinaysang naman adto
san tampalasan ug mag lingo
ini man totan auon mo.

An dugo ngangagus man
di masampud ug di cahundan
baha an pag cahimtang
sa tuna nag sasarang
an nanganga gue sa casamdan.

Dao minatay nga matu-ud
inin Gueno-o ta nga Dios
nga nabibitay sa Cruz
camot te-il ug tuhud
dina ngani na babay-ug.

Labe labe nga capinan
an casaquit nga cadam-an
bo-ut san caban yaga-an
dao bantelis an cahimtang
di humomoc sin calo-uy man.

San mahiraysang matapus
an mahal nga Cruz quinolub
na haparacop naman si Jesus
an bayhun naha modmod
san tapo tapo naporos.

Adton mga puthao nga raysag
nangul pot sa talicuran
pinabalico mag marg-un man
guin sumpok an mga cataisan
sa Cruz nga guin ray sangan.

ARAL

Hiragnat laquip an gutom
orusahun nga pahun
aton ini pag antuson
ipahanongud ta han Pasion
ni Jesus nga Gueno-o naton.

Aba-a mara-ut nga batasan
cahimyang binabaya-an
hingyap an caupayan
uaray nag firme nga calipayan
hin cabudlay sasaliuanan.

Uaray sa tuna manggaran
nga di omagui hin cacablasan
an cahimyang ug calipayan
puro ini pananglitan
dao aningal nalabay lamang.

Ano pa nga puro lisa
pag daya ug pag bino-ua
dao hinug con guin quiquita
con pag totocon hilao pa
pahihibul con ca unon ta.

Ayao hibuyo oraua
calipayan mo nga subra
lauas nimo dayauon la
mata mo pag piroc dipa tima
calipayan mo ubos uara na.

An mga lisa mo ngatanan
angay mo nga cahadlocan
an camapintas sugad man
im-im an uaray batasan
diri matadong nga binuhatan

Con an tauo maycarat-an
maraut an binuhatan
busa niyan an ca-angayan
an saquit daco nga cacori-an
ni Jesus angay calo-uyan

AN PAG TINDUG HAN MAHAL NGA STA. CRUZ.

Ay ano pa san catapos
an pagraysangan can Jesus
cay an mag limbong nga Jodios
guin tindug nira an Cruz
ug ira man iguin usoc.

Sira may ucad guida-an
nga ira pag o usocan
iquinalit pag bongsuran
an Cruz iguin undong man
tigda ira binol-uan.

Ano pa si Jesucristo
an casaquitan nag bag-o
mga tul-an ngatanan sadto
nag ca o uy-ug toto-o
ngadao nag cadodugmoc adto.


Ngan ipina pan raysang naman
adton duha nga cauatan
ano pa guin gui gui-utan
sa uala ug sa to-u man
nga бага may casal-anan.

Dinhe natuman nahayag
an tagna ni Ysaia
nga inin Gueno-o nga Mesias
ig sasama ig tutupad
sa duha ca tauo mag cauat.

Et com iniquis Reputatus

Est. S.L.C. 22.

Dinhe naman nadugangan
sin pag curi ug casaquitan
hin mangad sa cadag mitan
sa Dios Amay nga ma-aram
ini ancia an guin yacan.



*Pater dimite illis non enim sciunt
faciunt.*

Amay co nga Dios higuguma-un
an ina aro co con uyun
nga imo pasallo-un
cay mga tauo nga putong
an mga nag raysang dacon.

Diri nira hin babaru-an
adton ira binuhatan
uaray bo-ut nga gute man
si icao na an ma-aram
nga di mo sira pag domtan.

San ini na ipamulong
adlao na udto an lindong
nan hipa usa han dung gun
dida san ipina mulong
san pag acoh nga pasallo-un.

Ano nganira cay guin saquit
an mahigugma-un uay sanglit
nacaupay san mag saquit
cali-auan sanag tatangis
guin haua san may casaquit.

Ynin Menistro nga upat
nga nag padupa nangahas
inin panapton san Mesias
nga hinubo san lauas
guin parte nira guin upat.

Ug adton usa nga tunica
nga dapit sa pamit niya
an cia an uaray costura
hinablun san Yroy niya
lina in naman nira.

Uaray pag labte nga bug-os
san mag lingo nga Judios
maupay nganira himuson
amo an pag susugalan
dad-un bug-os, san magda-ug.

Busa ira guin sugal
yadton tunica nga mahal
an may *buenas* ug may palad
ancia an mag tatag **ada gad**
nga uaray gud calipungan.

Ysinurat ni San Juan
hino man nga may capalaran
camo nganiya mag tagam
nagsitangdo an ngatanan
ini an pulong nga guin yacan.

Natuman an iguin tuquib
sadton Profeta si David
san usa nga Salmos inauit
an canan Mesias dugnit
pag susugalon nga pirit.

*Partiti sunt vestimenta mea sivi
et super vetiam mean mistrum
sortem paslm. 21 v 19*

Ay san matapos na an ito
nag calingcod an maglingo
oroc yan san mga Soldado
nag babantay nga toto-o
san iguin raysang nga Cordero.

An Evangelistas nga upat
an nag asuy nag pahayag
si Pilato nag dugang gad
san Cruz siton Mesias
sa usa nga Rutolo nag surat.

Anciapa nga surat
an icaduha man
an icatolo naman ay
an icaupat na
an kahulugan amo ini.

Anciapa nga I ay Jesus
An N. Nazarinos
an R ay Rex nga lubos
an T orge nga icug
ay Judiorom nga mato-ud.

An mga nag pulong sito
tolo calain nga tauo
Hebrio Griego ug Latino
con pag isipon toto-o
an cahulugan amo ito.

Con binesay-un tuquibon
an mato-ud ito nga pulong
ini nganira si Jesus
pag catauo Nazarinos
Hadi san mga Judios.

Yni ada sugo naman
ni Pilato nga puno-un
Rutolo nga iguin butang
pag entrimis niya nga tuman
san Judios nga cadam-an

San hiquit-an an Rutolo
nga ipinilt ni Pilato
sa ulhan ni Jesucristo
an ngatanan nga Judio
nagumoc guilayon sadto.

Guilayon nag calacat man
can Pilato sin pag atubang
nganira diri ca angayan
iton intremis nga surat
nga imo ipinadugang.

Si cami nag perit lamang
quinanhe sin pag atubang
basi imo ipacuha niyan
Rutolo diri an cia man
uaray samatadong nga cabutang.

An can Pilato guin pulong la
nga iguin baton sa ira
diri aco mag liluiat na
anaha surat naha surat na
diri gud maliluiat na.

Con бага may catadungan
an iyo pag ca apelar
diri cuna pag lalabtan
iuas la camo ngatanan
cay dico pamamati-an.

Nag pangiuas an mag lingo
pag libac ngan pan ngurodo
pag buyayao nga toto-o
sa Hocom nga si Pilato
ura ura sin camaldito.

Sa maca lolo-uy nga cabutang
ni Cristo quino cori-an
cay inin mga tampalasan
mulay uaray pahuayan
panam-le ug pag ting-yay man.

I
N
R
I

Pulong nira intremis gud
nganira con Hadi nga lubos
toto-o nga anac sa Dios
pag hubad ngan pag cahushus
sa pag caraysang mo dida sa Cruz.

Con ito imo buhatan,
basi ca namon to uron
ano pa guin sorosud-ongun
ug ira pa pag udoy oduyon.
pacabuhi na nga la-ung.

Diba si icao anag yacan
nga rorub-un mo an Singbahan
nga con mabung cag naman
o upayon mo mahuhuman
sulod sin tulo ca adlao lamang.

Lauas monadao ito
ano nga diri malibre nimo
cay diri mo ito mahihimo
bua-un ca nga toto-o
lurong malupot nga tauo.

Diri na sadang isipon
pag yubit sadton mag limbong
uaray toto nga guihapon
casina nga uaray topong
san Gueno-o malolo-uyon.

Busa dao ipina but nga
nira an Gueno-o ta
san duha nga mag pasipara
adto nga binuhat nira
lubos gud nga pagtamaya.

Ngan an balang makaquita
can Jesus casugaran nga
nga an mag huna huna
ig susugad iguin pariho manta
sadton mag cauat nga duha.

Yadton duha nga maglingo
naha tutol san to-o
nga guin Santos gad si Cristo
naguin Santos gud nga tauo
dayag man gud nga toto-o.

Ngan an guin pulong niya
bisan con guin castigo na
sa Cruz pag papatayun pa
diri tauo nga pasipara
cay uaray ni gute nga sala.

Cay binuhat lugaring ito
ca aua ngan pag tamay toto-o
san mag lingo nga Judio
nga diri ngaranan si Cristo
Dios nga tauong Santo.

Panangis labe paman
yadton pag ampo hin donggan
binuhat san caguihapunan
pasallo-un anagraysang
guin domdom di hicalimtan.

Ngan an iya guin pulong
Dios iton macagagahum
guin balus sin matahum
sanag raysang nga inamcon
an balos diri pag pasipad-un.

Masbale co pag anmpo-un
siya acon pag dayigun
mangad na aco pasallo-un
san mga casal-anan nacon.
cay siya malolo-uyon.

ARAL

Yni an pag colauan ta
san magpintas ug malabha
mahumot san ig casi pariho niya
di nag himangrao na ucoy la
nga sid ngun matalao sia.

Lorong ca uaray pag husto
palabe labe toto-o
san Gueno-o mo nga ito
mayubit ca nga tauo
uaray halong-gana nimo

Con an sa-ad mo ancia
toto-o nag sasayup ca
an pag paubos asay buhata
ancia an icaguiguinhaua
dadayauon con buhi pa.

¿Ano an imo pag abat
san mga tauo mag pintas
diri ba an catapusan
puro saquit cacori-an
sin magute hi a agui-an?

Pag pulong masaquit ngani
ca alo pagbasul nga gute
pag andam cahadloc sini
camapintas sala nga labe
ngatanan gud pag hirote.

Ngan icao diri mag lingo
san imo ig casi tauo
sa guba nga hayop ig pariho
niyan sa huras nga ito
camahalan a ayunon mo.

Sa imo nga ni ihinatag
an cagamhanan ug potencias
camabas-cug sa lauas
con caruyagun ca ngatanan
¿ano nga hayop an pinarihu-an?

Uaray mo paqui pag angay
pamatasan mo diri guin timbang
mabas cug ka ug mapintas
tig-da saquit nga hiragnat
sa imo matumba lamang.

Dinhe pamorobu-aton mo
an pag palabe labe nimo
di sactan sin dorugas mo
cay sugad hin cahuy nga rabo
marorug bac nga siguro.

Ug con mamatay cana
macopos ug mahomoc na
jaba-a mo nga aba-a!
mabascug ug bantug ca
dadag-un ca han maluya.

Ynin cabang-gahasan mo
a ana-un uaray pag husto
mga pag raug da-ug nimo
sugad sin hayop Gango
ig susugba sa calayo.

An buhat nga ca angayan
sa bo-ut pag pa ubos man
camahamis camahusay
ayao sin pamoyayao
an Dios diri matuyang.

Diri pag mangaron mo
sin pag raug da-ug nimo
cay ini tat-sar ha imo
pala-ad la-aran ca nga tauo
mapasipara ug uaray apdo.

An binubuhat mula
mag hapun pag linalacat la
hin-o maquita sa tuna
guin bo botangan mo hin sala
han turaban mo nga dila.

Ngatanan nasasaygan
capalabi labi mo nga batasan
talagudte diri sa iba hiquit-an
camalamire hin babaru-an
icao an mahugao ngatanan.

An damo nga mga yacan
an pag hilit pag huring man
tinago nga ano paman
con mag sumat uay casadangan
labe ca hin camalao-ay

An ngatanan minamaraut mula
mga polong pag tarongtong la
uaray di pag butangan sin sala
bisan gute nga pag hilisa
imo na iguin lulura.

Paghinay hinay pag iban
bo-ut nimo nga hata-as
quita mag sugad can Dimas
nga ma ca usa la tauag
penasallo pinataud.

Cristianos pag singabuton
 inin mau paynga panahon
 cay nag huhulat guihapon
 si Jesus nga Gueno-o naton
 cay si quita sasang cayon.

AN PANGARO HIN PERDONA
 NI DIMAS SAN ATON
 GUENO-O JESUCRISTO.

An mag cauat nga duduha
 can Cristo nahi upod na
 sa Cruz sin papag dupha
 uaray sira pag casa sama
 an bo-ut nira san duha.

Yadtong usa nga cauatan
 nga si Gestas an pag ngaran
 nag tampalas sia lamang
 nag huna huna pag tanan
 han Gueno-o may cacori-an.

Cay an imo pag pabantug
 nga Mesias gud nga lubos
 canan hinin uaray bo-ut
Salvum fac temetipsum et nos
 manang gal quita sa Cruz.

San madungug na ni Dimas
 palaran man nga macauat
 yadton guin pulong ni Gestas
 nga canan lorong pag luas
 saguilayon guin sagdunan.

Guin yav nan niya sin tuman
 pulong man camato-uran
 sadang nga pag populsan
 san may ada batasan
 ini ancia an guin yacan.

Nga niya Amigo nacon
 si quita manarig sa Dios
 tan-aua an macalolo-uy gud
 nga iguin raysang sa Cruz
 an uaray sala nga mato-ud.

Siya ngahao an magdodomdom
 hin papanomat sa aton
 san sala nga nabuhat naton
 cay uaray ka panonomdom
 pag yubit mula guihapon

Si icao nag susugala
 san pag ato pag mulay pa
 pamoyayao nga firme na
 san mga puno-an pan mua
 nga nag bantay sa iya.

An pag patay an caruyag
 san mag isug ug mag pintas
 ayao si quita pag sugad
 sangpit niyan quita ug tauag
 cay aton man ini palad.

Ano san itutdo naman
 ni Dimas an sugad nga cabtang
 can Cristo nag sangpit man
 pinasacop sa cadagmitan
 amo ini ang guin yacan.

Domene mementum mei
con veneris guin pulong ini
in rignum tuum. ay yadi
 Gueno-o co macauiule
 Dios nga gue dadaco-i.

Aco an macasasala Gueno-o
 diri mo calimutan aco
 hunahuna-un mo Amay co
 con umoli ca sa imo bongto
 san mahal nga guin Hadi-an mo.

An ibanaton ni Jesucristo
 nga an polong *Amen dico*
tibi Hodie naman ito
mecumeris ay an dorho
 nganiya ay *in Paradiso*.

Si aco imo to oran
 sinin sa-ad niyan nacon
 niyan manta diri pag e iha-un
 cacarauaton mo dadat-ngun
 Paraiso Bongto nacon

ARAL

Daco nga capalaran
ni Dimas nga cauatan
nag dugay an catampalasan
usa la capag sangpit man
nahao-as san casal-ana.

Diri angay nga binohatan
labing malao-ay nga batasan
mabug-at nga casal-anan
sa madale nga huras niyan
pinasallo ug pinatawad.

Nacada na han gangha-an
han infierno nga capasu-an
nga pag tulac nala lamang
sa guilayon guinobinan
calo-uy san calangitan.

Hiya an bucad nga una
mahusay hinug nga bunga
tanom ni Cristo amay ta
sa Pasion cacori-an niya
han pag panobos han sala.

Con sugad an ca angayan
hi Dimas aton pag sug-an
mag tangis mga muyo man
nga quita han upod naman
an Bongto han calipayan.

Bisan pa an mga calag ta
maputos san mga sala
cadugayan nga tuig ug adlao pa
ayao cahadloc pag laumanta
guihaon calolo-uyan niya.

Sa gracia manana-ug toto-o
baya-an an buhat nga diri husto
sa Cruz man go gubin camo
cacaruaton cacaptan niyo
an Bongto sa Paraiso.

Yni an guitatahumi
labe nga gui mamahali
an tombaga halas ngani
hi Moises tag larang sini
san taga Hebreos an ini.

Bisan hin-o an macagat
sadton dopong nga halas
an tumbaga an suna gad
sa guilayon mahoho-uas
lara san sugud uay sugad.

Ano in pulos san lauas
dida lamang guiguican
nga digud hin a anu-an
an quinabuhi san Calag
san canan tauo casl-anan.

Condi lain ngan iba
an manonobos san sala
nga quita ha upod naman
ancia an iguiguin haua
han lauas pate calag ta.

Bac dao tauo nga natocub ca
sadton dopong nga malara
an halas pariho hin sala
sa lugaringon mo pag tambala
can Jesus mahal Hadi ta.

Tan-aua basi casaygan
te-il camot iguin raysang
ngan iya guin huhulat man
an umatubang nga sino man
cocopopan niya nga tuman.

Con sia aton atubangon
naton san mga natoto-oc
ihahatag an gugma nga lubos
layon kacarauaton
quita iya sasangcayon.

Maloyahon an bo-ut niya
han diri ta pangaraba
ticos napapag mulay la
cacori-an uaray sugad na
tongud san canan tauo sala.

Busa lomabe quita naman
can Dimas nga cauatan
maraut nga tauo ug tampalasan
naca usa la sangpit lamang
layon guin perdonahan.

Oh sarapate nga palaran
labe san mga babaye ngatanan
Maria tugub sin casaqitan
haros mag butac an dughan
tungud san Verbo Mesias.

Dida san pag bulag na
may ca iroy tugub sin gugma
sa raysangan amargura
harapit mabugto an guinhaua
an bo-ut uaray pag hi uli na.

Ngan бага guin a alagad
si Jesus san Virgen mahal
ay dinayon binulagan
firme an casaqitan
san hirayo nga guin lactan.



AN PAG DATONG SAN MAHAL
NGA VIRGEN OROPUD AN
MGA CABABAYIN-AN
GUICAN SA
GALILEA.

Daco an saquit damo an luha
san Yroy nga nababaraca
sugad sin quiniquita
an anac nga hinigugma
nga sa Cruz nag dudupa.

San domatong na sa Calvario
an Yroy naharogmoc sadto
an Anac niya si Cristo
iguin raysang nga toto-o
dida sa Sacromadero.

Dinara-un ug paharani-an
uaray bulag sa te-ilan
casing casing haros matunao
ngan sugad man si San Juan
omancon nga minamahal.

Harapit ma bugto an guinhaua
san tinangis tangis niya
san Gueno-o Virgen Maria
con humangad ug maquita
san cacori-an san anac niya.

Sa pacayacan uaray na
dao quinoro an iya dila
tongud san casaquit nga ora ora
nga sa dughan nag soso-ut na
ancia an pag tangis niya.

Oh quinahidlauan nga niya
sa calag quinabuhi pa
ano dimo in pag sugara
diri na ma-a-aguanta
san Yroy mo pag tan auon ca?

¿Ano an sala nimo
Jesus an binuhat mo
nga pag sugara sa imo
nga guin saquit ca toto-o
tongud san sala san tauo.

Dina mailub in sugad
anac co casaquit moman
canay casing casing nga ma tugas
san Yroy nga di mabug nas
san pag saquita san Anac.

Ay aco pa ini бага
niyan an diri mabaraca
Jesus icao diri iba
toto-o co nga hinihigugma
minahal co firme na.

Ycao na si icao lamang
sa calag co quinabuhi man
Dios co diri samahan
nga pina nga nganinuhan
san bug-os nga calangitan.

Tamdi san imo mata
an Yroy mo nga na e ilo na
niyan guin hihi-ongara ca
cay bug-os an pag higugma
sa casing casing di mapapara.

Caraton mo diri sadang
anac co inin casaquitan
lauas nimo nga da-an
an bido ug cabudlayan
san Yroy mo uay sanglitan.

Damo diri maisip
canan Virgen pagtinangis
¿canay dughan dao bantelis
an di malo-uy pomatlaid
san sugad nga pag casaquit?

An iguin pulong ni Jesus
Muller Ecce Felis tuus
babayi mahusay an bo-ut
sa anac mo icao cupcup
dao imo iguin sabut.

Lin mingue ug namolong pa
can Juan Evangelista
pulong ay *Ecce Mater Tua*
an Yroy mo ito ancia
ayao pag pasiparaha.

Siya dimo bulagan
diri mo pag pasibay-an
adlao gab-i di baya-an
ini an tugon co lamang
sa aon niyan pag guican

Pag camacuri mato-ud
siton Gueno-o nga mananacop
hin malad sa Amay nga Dios
ngan an ipinamolong hugot
Dios meus Dios meus.

¿Ut quid naman an orge
derelequisti me Eli?
¿Eli lamma sabatchani?
con sa matadong ig sabi
an cahulugan amo ini.

An cahulugan o usa
sinin pulong nga guin duha
san mga Evangelista
Dios co Dios co nga niya
aco linilimot muna.

Ma-aram ug manaram-con
sa uaray haros nga oripon
¿ano cay Anac mo nga higugma-un
di mabaraca guihaon
calo-uye imo lingui-un?

San ipamulong na an ini
icaupat nga pulong guin sabi
ni Jesus nga nag cocori
an cadam-an nga tauo **dinhi**
nag tataua nag ngirisi.

Nag tatauag ada nganira
can Elias nga Profeta
dina ada ma aguanta
san pag curi pag saquita
san iya paca pag dupa.

Ano pa puro pag yubit man
an ira na babatasan
san Gueno-o nga sinasaquitan
dinhi saguilayon lamang
nag dolom an calibutan

Tikan han oras han Sexta
hasta ngadto sa Nuna
mga tauo di nag guiquiru?quilala
an mga Judios ngatanan na
nahadloc sira nabaraca.

Bug-os nga tulo ka oras la
nga uay quita san capaua
nag dolom dila rohadoha
pag paquita ini nga icabaraca
Amay, sin anac may gugma.

San mag lambrag may papas
an pag dolom nga capinan
si Cristo liuat nag yacan
sitio ancia an itinug-an
aco nga niya may uhaw man.

An naruruyag nga sino man
sa acon nalolo-uy lamang
inin pulong co pamati-an
sin tubig si aco tagan
an ca uhao co mauto'd lamang

Ano pa san hidunggan
siton mga tampalasan
an daco nga calurongan
quinuha sira layon man
san suca apdó nga andam.

Guin hulos sa guilayon na
an silhig nga andam nira
sa tucón ibinutang na
ngan iguin hungit nira
sa babá san Gueno-o ta.

Bisan capin casaga-ad
san suca nga ihinatag
can San Juan pahayag
tinulón ngan quinarauat
siton Gueno-o mag casaquitan.

Daco an saquit an guin dará
cabudlayan nga uay sama
sadton paca inóm ná
namolong sa guilayon lá
Consummatum est nga niya.

Tinangis sa guilayon gád
san Amay ihinalad
luha sa mata nagauas
quinabuhi paté calág
ancia ini an guin luas.

Pater an pulong ni Cristo
In manus tuas commedo
Spiritu meum ito
pulong nga sadang ig lumo
con pag isipun tototo.

Oh Dios co Amay nga niya
Dios nga guinicanan ca
an calág co a adi na
icaó an maaram na
mag sacop ug magtag iya.

San matapos na luason
ni Jesus an sugad ñga pulong
nag hiñgutás siya layon
itinoñguc na an bayhon
pag camatay ñga matahom.

Saguilayon guinican na
an mahal ñga calag niya
jay aba-a tauo aba tan aua
an luha sa iya mata
san malolo-uyon ñga Yroy niya.

Dinhe natuman naman
an iguin pahayag ñgatanan
san mga Santos Profetas
tagna nira isinurat
an dadat-ñgan san Mesias.

San pag camatay ni Cristo
nag lomo-an bug-os nga mundo
boŋg buŋg sa sulod san Templo
nga tacop san testamento
naguisi san abrihan adto.

An mga bato nag poprócan
naŋgurug corug an calibutan
cay damo gud nga capinan
tauo nag cababan hao man
nga nag cagauas sa uhang.

Dinuŋgan ug inupod la
sa can Cristo pag saquita
nahadayag ug napaquita
mga calauasan nira
sa Jerusalem nga tuna.

Linug uaray casadaŋgan
buquid haros mag kapucan
nga uaray gud cahahamtang
camacosug nga capinan
camaqui-uá subrado gád.

Ancia ini an tinicaŋgan
san cagumoc nga capinan
paté an tiempo masubo man
san pag camatáy nga tuman
san Gueno-o nga gamhanan.

Adlao bulan ug bito-un
paté astro nga magtahum
nag sahid la sin pag dolom
naguin oriŋg nag iritom
an mabusag nga paŋganorun.

An calibutan nag subo
paté upat nga elemento
sahid nagomok ito
ngan nag ca liuat toto-o
an cabtáng nira estado.

Ano pa cay sugad manta
an calaŋgitan ug tuna
san cabidu-an namamati na
ngan iquinabido man nira
sa Dios pagcamatay na

Siquita pa an tauo бага
an diri umabat hin pagquilala
nga dita icabaraca
an bo-ut naton bagohun ná
itaŋgis ug pag basulan ta.

An iyo liuat camiŋgauan
ipanaŋgis niyo niyan
an casaquit ug cacori-an
an dugó ngan pagcamatay man
sinin Dios nga ma-aram

Cay an bato nga bató na
nalolouy ug nababaraca
aba-a tauo ay ano ca
icaŋ nga may calagca
¿ano nga diri ca nababaraca?

Licay licay bugto co
san buhat nga diri husto
capairán mo toto-o
sa pag camatay na an itó
sinin Gueno-o Jesucristo.

Cay con diri mo paglicyan
sala nimo ug carat-an
¿ano man an imo itatabang
an camingao mo hain man
sinin Gueno-o gamhanan.

Hin babaru-an toto-o
an calo-uy niya san tauo
icaŋ gudla an maliŋgo
uaray casing casing ug apdó
pag higugma sin sugad hito.

Ano nga dipag taŋgisan
san casing casing mo nga matugas
nga an elemento nga upa't
nalo-uy nabaraca gád
san Gueno-o nga Mesias.

Oh tauo nga calagan ca
husto gud nag sasayop ca
uaray pag hunahuna-a
an pag camatay pag castiguha
han icaduha nga Persona.

Cay año ñga ma-aram
labé san cahamis hamisan
sugad hin may mo carat-an
pag tubos mo pag aco man
san cadam an ñga casal-anan.

AN PAG SUGO HAN MGA JU-
DIOS NGA BUN-UN NGAN
PAN HAMPACON, AN MGA
PA-A HAN MGA GUEN SASA-
QUIT.

Natuman na ñga mato-ud
an pag calo-uy pag sacop
sinin malolo-uyon ñga Dios
busa nag ilub nag antos
san pag camatay sa Cruz.

Hiya ñgani iguin butña
san mag cauat ñga duduha
guin bag-ó an huna huna
san siton mga mag labha
fariseos an nag combida

Nañgiuas layon quinadto
an mga sinugo sadto
nag dayon la sa Calvario
buhí san datñgun ñgadto
adton duduha ca tauo.

Binonó layon layon ná
pa-a hita san duduha
dida naman ticañg ná

sin pag carauat sin gracia
ni Dimas an calág niya

Diri na nira guinlabtan
an can Jesus calauasan
toñgud cay ira hin quit-an
waray guin haua ni gute man
patay ná camato-uran

Labé ñga sadang i-usa
niyan ñgan icabaraca
cay si Cristo patay na
caguiliran binonó pa
ni Longinos ñga malabha.

Condi ini an sugo gúd
ñga caborat-un sa Dios
ñgan dida man na-agus
sa caguiliran ni Jesus
an pitó ñga Sacramentos.

Dida san casamad naman
san mahal niya ñga dughan
dugo tubig anag bud-yát
iguin hugas san ñgatanan
san aton mga casal anan.

Burabod ini ug fuente
ñga nag a agós ñga firme
calo-uy maca uuiile
ug gracia ñga gui dadaco-é
sa Dios guin tamay ñgani.





AN PAGTANGAL SAN ATON
GUENO-O JESUCRISTO ÑGA
BARA-AN SAN MAHAL ÑGA
STA. CRUZ

Ay ano pa san mahusto naman
cafin sin tulo ca huras
pag raysang ñga uaray sugad
pag camatay nahadayag
ni Jesus Hadi ñga Hata-as.

Yton duha catauo
mga bara-an ñga Santo
ñgan nasaygan hi Pilato
inaro nira ñga toto-o
lauas ñga patay ni Jesucristo

Ug an guin pulong nira
dida san mga magdaya
bacay cay natuman na
da-an ñga sa-ad nira
pag patay san tauo ñga aba-a

An pag canhi namon niyan
dinhi sa imo atubangan
si cami imo tugutan
tagan sa amon con sadang
lauas ni Jesus ñga patay.

Di lumaris si Pilato
pate an mga Judio
ihinatag ñga toto-o
sa mga Santos ñga tauo
san minatay ñga Cordero.

Sa guilayon guincan na
an mag tinomanun ñga duha
sa Bongto san macagua
hagdan ñga duha guin dará
ñga andam sa pag tang gal na.

Si Joséf anag ó una
apellido Arimathea
mahigugma-un uay sama
bug-os an pagtoo niya
can Jesus ñga Gueno-o Amay ta.

An icaduha ñga upód
Santo si Nicodemus
da-an ni Jesus casabut
busa an bug-os ñga bo-ut
iguin halad iguin paubos.

San sira dumatong na
didto sa tuna Gólgota
an casaquit ig saysay pa
haros ma bugto an guin haua
san si Jesus na maquita.

Oh Virgen ñganiya ñga mahal
mga tugub sin cabidu-an
con imo caborot-un mán
ñga si cami imo tugutan
san anac mo sin pag tang-gal.

Tican gud sa amon bo-ut
an pag canhi pag dañgup
sa pag tang gal pag halugos
sa pag raysang sa Cruz
iton minatay ñga si Jesus.

Coñ ancia an iyo tuyo
con san Yroy ñga mabido
an ma-aram na si Kamo
ñga niya tang gala niyo,
an patay na ñga anac co.

Guilayon iya quinaptan
ni Joséf an usa ñga hagdan
ñgan ira sinandigan
tu-o ñga camot an siniyahan
san nag tubos san ñgatanan.

Sinandigan naman nira
balabag dapit sauala
san maliso matang gal na
sa guilayon ira quinoha
Rótulo upat ñga litra.

An tonucon ñga curona
guin hinay hinay pag cuha-a
ug sinaclayan naman nira.
mag paluyo ñga caguiliran niya
panapton ñga panyo andam nira.

Tinan gal nira guin puepóc
adton ray sang ñga nanahus
sa tu-o ñga camot ni Jesus
san macuha ug magabut
an uala an isinonud.

Yra guin dig-un caupay
an panaptón ñga isinaclay
an lauas ñga naharaptay
isinonud nira naman
raysang sa te il pagtang gal.

Guin hinay hinay pag halugós
lauas ñga macalolo-uy gud
naharaptay han **capurot**
ñgan idinuhul sa camot
san Yroy niya ñga lubos.

Guin cugus sa guilayon na
si Jesus san Virgen Maria
casaquitan uaray sama
haros ma bugto an **guinhaua**
san sinin ñga calag niya.

Dughan haros mag **butác**
san casaquit ñga uaray sugad
luha, dao bahá nañga-uas
san pagtañgis ug pag hilák
ini ancia an guin luas.

Oh malambrag có ñga adlao
ug mapaua ñga bulan
casanag mo liniliuanagan
aba-a bito-un co ñga masilao
nag dolóm toñgud san casaquitan.

Diri adá ma i-ilub
san Yroy ñga rinarapos
óh anác co ñga guin urog
¿ano pa ñga di ma-utód
an quinabuhi co matapos?

Jesus diba icao lamang
san may casaquit calipayan
burabud ñga gui guinhaua-an
¿ano ñga pinasaquitan
mahal mo ñga calauasan?

¡Oh sirac san acon matá
sinin Yroy mo icao mutiá
quinabuhí a anhun pa
con baga ma ilo manla
san anac nga pinalangga!

¿Yni baga an calauasan
nga pina nga nganinuhan
sa tuna ug calañgitan?
¿ano cay guin pasipad-an
an melagroso nga minatay?

¿Yni an anac co ngay-an
an camót mó nga bulahan
nga nag buhat san ngatanan?
¿ano cay guhó na niyan
ngan an dugó na nga nga gus man?

¿Yni ba ancía an buhuc mo
taud taud guin susudlay co
guin hohusay co toto-o
¿ano cay gomoc na itó
nga nalama san dugo mo?

¡Oh anac co nga guin higugma
¿ano dimo in pag saquita
iton te-il mo nga duha
ngan iguin lilinacat na
san pag uale san ngatanan la?

Sadaco nga casaquitan
harapit co ig camatay
anac co con acon hiquit-an
iton imo caguiliran
nga ira gud sinamaman.

¿Hain namanba anaco
an tauo pinaca-un mo
cafin sin lima caribo
niyan uaray dinhi ito
¿ano nga di-maugup sa imo?

Oh Jesus ha-in naba
an imo pina guinhaua?
¿ano nga di nag balos na
adton mga calag nira
iton saquit mo ura ura?

Yni an balos ug bayad
san gugma nga uaray sugad
¡oh bugtong nacon nga anac!
¿a aguantahun co capiritan
samad mo acon hiquit-an?

Masaga-ad mapait man
nga diri sadang sa dughan
anac iton imo casaquitan
e ilobun cay pag bo-ut man
sa Dios sa calañgitan.

Damo nga diri samahan
an canan Virgen casaquitan
¿ano nga camatugas man
casing casing di matunao
han sugad nga cabidu-an?

Nag panangis nga tanan la
an nga tanan nga nacaquitá
labé nga iquinabido pa
ni Juan Evangelista
paté ni Sta. Maria.

Ano pa cay linonasan
an bo-ut ni San Juan
an Maestro pinaharani-an
mga matá luha-un mán
san daco nga cabidu-an.

Nag hihilac nag tatañgis pa
Maestro an pulong niya
¿ano nga maguican ca?
con icao diri makita
¿ano an dadangatan codao la?

An manonotdo sino paman
sa amon san mga cahimtang,
¿hin-o an amon a ayupan
nga ma nga ngaco san ngatanan
an boñgto con may carat-an

¿Diri ba icao Gueno-o
patód nga higugma-un co
minahal co nga Maestro?
¿ano nga aco babaya-an mo
dinhi sa baobaó san Mundo?

Acon la icabubuhi man
Jesus an imo pag guican
liñgi-un mo ug imo culauan
icaò Dios cay ma-aram
mananacop san calibutan.

Gueno-o co bisan capa
omiuas caman sa tuna
dimo lamang ig licay la
iton lubos ñga higugma
pañgaco mo ñgan sa-ad pa.

Dida san ipamulong na
san nalo-uy ñga Evangelista
guilayon pinaharani-an na
si Maria Magdalena
harapit mabugto an guin haua.

Nagtañgis namalandong man
oh Maestro ñganiya ñga mahal
calag co ug quinabuhi man!
¿ano an acon mababatasan
con icaò dico hiquit-an?

Con cami imo tulapuson
lubos ñga pag hiñgara-uton
¿hino daola in mag a amcon
mag sasacup sa guihapon
quinabuhi con pag cori-un?

Cami di-in cacadto
ñgan si Marta ñga bugto co
pamati-an mo; Gueno-o
pan hay-hay ug pagtañgis co
san mabido ñga oripun mo.

Dinhi co guin cācatinan
an lubos mo ñga pag borut-an
sa pagea Dios mo ñga tuman

panotdo sa caguihapunan
san tauo ñga may casal-anan.

Diri ba guin banhao nimo
bugto có ñga si Lázaro
damo pa cadom adto
an guin amcon mo inaro
sa amon imo pinañgaco?

Oh Maestro ñga mahigugma-un
dica nalilimot guihapon
daco ñga casaquit di sun-un
casasing casing calag nacon
lauas mo con quiquita-un!

Gueno-o co an quinabuhi coman
niyan siguro maguican
con aco imo hibaya-an
báobáo sinin tuna man
¿ano an acon hiñgangadtu-an?

Ano pa di nag i-iban na
dao hin o utasan ñga guinhaua
pag tinañgis ñgatanan na
an mga luha sa matá
san iroy na e-ilo na.

Pag palandong di matapos
sinin mag upay mga bo-ut
inatubang sa guilayon
si Joséf ug si Nicodemus
sa Virgen dao nalolomos.

Aba-á Virgen ñga marahalon
an cabido mo pag a-anhun
itugot muna sa amon
iton Gueno-o; ay ig lubang
cay hitangup na an cagab-ihon.





AN PAG LUBONG SAN ATON GUENO-O JESUCRISTO.

Apit diri bul-ian
san Yroy may cabidu-an
an anac niya nga patáy
guin tutuquib guinsasaysay
an cadam-an nga casaquitan.

!Daco nga casaquitan bagá
san Yroy nga na i-ilo na
haros mabugto an guinhaua
ug sugad man inin duha
si Juan ug si Magdalena!

Nan luhud sa guilayon na
an Santos bara-an nga duha
an minatay ira quinoha
guin hinay hinay uay pagpasipad-a
sa lungon ibinutang nira.

Tinacpan naman toto-o
laus nga patay ni Jesucristo
sin Sábanas nga sudario
mahamot gud nga toto-o
bisan di-in sira cadto.

Angeles sa calañgitan
nan lusad ug sagubayan
sa dalan nga guin lalactan
nga ira tinatañgisan
inin Dios nga ma-aram.

Cadam-an nga uaray sama
cababayin-an orupod nira
puro luha-un an matá
san casaquit uaray sama
sa casing casing huna huna.

Dida manta san tanaman
Gethsemani an pag ñgaran
ini si Joséf nga bara-an
may napalit nga lubñganan
nga diri pa nalolubñgan.

Cay tuyo gud niya cunta
ancia an pag palita
nga con cia mamatáy na
nga dida ig lubong siá
an patay nga lauas niya.

Daco nga gugma tinitipigan
san Gueno-o nga gamhanan
guin tuyo nga lulub-ñgán
ihinalad iguin andam
dida san mahal nga patay man.

San sira domatong naman
dida san mahal nga lulub-angan
e inubós dayon lamang
lauas nga mahal ma-anyag
mana nacop san cadam-an.

Binuhát tundón sa uháng
ug ira naman tinacpan
san tacup andam ngada-an
bató nga marmol, an ngaran
mahamis san cahamisan.

ARAL

Abá ngatanan nga Cristiano
pag pasalamat niyan si **camo**
maquiperduna can Cristo
abuton ug dañgaton niyo
an Boñgto sa Paraiso.

An Gueno-o Dios nga mahal
nga siya napa pag patay
sa Cruz sia linay-láy
hapag tubos ug calo-uy nga tuman
kanan tauo casal-anan.

Busa cia nag paubos la
nag antos san pag saquita
hul-os an iya higugma
nga si quita ma abunda
san kadam-an niya nga gracia.

Quita uaray pag domdom mán
sa gab-e adlao ni gute lamang
san can Cristo pag camatay
nga an iya casaquitan
san lauas ta camoraya uan.

Cay aba-a mo ngña aba-a
con diri mag i-iban ca
san mga nabuhát mo nga sala
an totob tuban mo manta
sa infierno pag sasaquita.

Ayao baya calimot
san damo nga totdo sa Dios
san **Sta. Yglesia** sugo mangud
nga maca añgbit ca sa Dios
nga calo-uyan pasallo-un.

Ayao nala pag inodung
buhát mo diri matadong
canan demonio limbong
isip domdom nimo pucauon
cay an camatayon madatong.

Busa cay buhi capa
ca-anngayan siñgabutá
mag tiroc ug mag andam cá
an maupay asay buhata
dadañgatan mo an himaya.

Con si quita mamatay na
dinhi sa bao bao san tuna
may pa usa nga quinabuhi ta
nga hi cacaplagan pá
con bara-an an binuhatan ta.

Toñgud-san gugma nga lubós
sinin malolo-uyon nga Dios
nganhi sa tuna lin musad **gud**
inagao quita pag tubós
ha camót han mga demonios.

**AN PAG SUGO HAN MGA JU-
DIOS NGA PAGBANTAYAN AN
LINUB-NGAN SAN AYON
GUENO-O JESUCRISTO**

Bisan man con itinugot
san Hocom ug fariseos
can Joséf ug can Nicodemus
an pag palubong can Jesus
tinuyo an pag yubit gud.

Ngan dida na san hilubong
an inin Gueno-o naton
an mga Judios nga lurong
sin hilit nag polung polung
con ano an sadang bohaton.

Nganira pababantayan
an iguin lubong ñga minatáy
bañgin cauaton sa uhang
sadton discipulos ñga tanan
ñgan ig bantug ñga nabanhao.

Guin ca urosa-an lubos
sadton mga fariseos
an capitan an binotos
san bantay ñga mga Soldados
an mapintas si Longinos.

Saguilayon ipinatauag na
si Longinos ñga mapintas pa
cay an pulong nira
maupay hiya an sugo-un ta
an cia an hi ara na.

Si Longinos tinauag sadto
sadton duha ñga Soldados
san umatubang na can Pilato
ñganiya pag bantayan mo
an lauas ñga patay sadton tauo.

Bañguin mag buhát sa uhang
ug siya omulé maban hao
tácpi niyo ñga diri hadayag
ñgan diri niyo ipanumat
sin tauo bisan hino mán.

An baton man ni Longinos
sa Hocom ug fariseos
oo aco mag susugot
san sugo niyo pag bo-ut
san pag bantay ug pag tanud.

Si Longinos linacat na
pag cadto san tuyo nira
pate Soldados ñga upód pa
ñgan inabot layon sira
san pag babantayan nira.

Sira sahid hin hinganiban
dayon sulod sa tanaman
ñgan nag dayon sa linubñgan
ni Jesucristo ñga ma aram
dida ira guin tanuran

San itinacóp ñga bató
san linubñgan ni Jesucristo
nag calingeud an Soldado
an calipayan nira subrado
sa pag bantay na san sitó.

Hasta san quinabuasan
isip na sin tulo ca adlao
buhat nira pag bantay man
condi mani-ni mang no lamang
sira pina ñga lasan.





AN PAG KABANHAO NAMAN
OLE SAN ATON GUENO-O JE-
CRISTO.

*Resurrexit tertia die, Secundum
Scripturas.*

An 'ini manta nga huras guincan
an calag san lauas man
san nag sacop san ngatanan
layon lin musad naman
yadton seno ni Abraham.

Ngan laquip an calág niya
nga sa lauas pa o-ocya
lubos an omnipotencia
bug-os an pag ca Dios niya
ug cagamhanan ngatanan la.

Ngan con бага nag cabulag
an lauas ngan han calág
an bug-os nga pag ca Dios man
niya ug cagamhanan
mag pariho pinañgupdan.

Caruyag ig paquilala
san mga tauo ig paquita
bug-os nga pag ca Dios niya

cay basi mag mato-ud na
an mga calag nga butá.

Toñgud cay nasasalip dan
si quita san capaua-an
busa pinalusaran
ug san Verbo quinadto man
limbo san mga bara-an.

Ngan didto man oropud pa
mga Angeles sa Gloria
nag dadayig nag lilipay pa
ug sira anag o-una
sanagdaug nga Victoria.

Yadton sino nga sinadhan
an puerta guin yawihan
sa Salmos iguin asuy man
an casangcapan cadam-an
puro tumbaga ug pothao.

Anopa san somulod na
an manonobos san sala
Angeles oropod niya
namulong saguilayon na
ini an guin luas niya.

*A tollite portas principes vestras
et elevamine porta aeternales et
introived Rex Gloria.*

Abrihe an puerta niyo
Principes mga maglingo
cay masulod niyan an ito
Hadi manana-ug toto-o
sa langit mathom Imperio.

San ini ig asuy naman
mga Angeles ngatanan
guilayon pina abrihan
an puerta nga sinadhan
san demonio tampalasan.

Sin mulod saguilayon na
an manonobos san sala
guin li-ao ngatanan niya
mga calag nga nacada
Patriarcas ug Profeta.

Nag malambrag nga toto-o
yadton masirim nga seno
inurug ancacori-an sito'
an casaquitan subrado
san malingo nga demonio.

Asuyon an calipayan
han mga Santos bara-an
pag dayig uaray pahuay
han pag abot san bara-an
nga ira guin huhulat man.

Matutuman an sa-ad na
ni Abrahan nga Patriarca
nag lipay ug nag himaya
si David nga Profeta
Jeremias ug iba pa.

Anopa tuman nga tuman
pag lipay pag pasalamat
an mananacop san carori-an
canay dila nga maga-an
dida an macapagyacan.

Han mahusto ug uaray culang
an tolo ca adlao matuman
sadton iya pag camatay
sin mulod sacalauasan
an iya calag nga mahal..

Cay laquip ngan opud manta
bug-os nga pag ca Dios niya
pag borut-an uaray masama
nga pag cagamhanan niya
nga uaray gud matupong na.

Nasidlit na ngan nansirang
an adlao sa sinirangan
han pag gauas sa linubngan
yadton manonobos san ngatanan
ancia na an pag cabanhao.

Matahum nga uaray sugad
macalilipay cafin ca-anyag
lubos nga guin palambragan
anag rara-ugda-ug nga gubat
san icaduha nga Personas.

Pag higauas sa linubngan
san mahal niya nga calauasan
pinangundag pinangalasan
sahid natumba ngatanan
an nacada nag babantay.

Usa nga Angel sa Dios hulug
sa bato nga tacop lin mingcud
matahum nga uaray tupong
macuri sa mata mabuslong
hino nga maluya in bo-ut.

Nag da-ug na nga toto-o
an Gueno-o ta Jesucristo
sahid pinan lupigan adto
an mag pintas ug maglingo
mga ca-auay nga demonio.

Ngan dida sanag cacalincud
mag barantay nga Soldados
an gamhanan nga Longinos
nag la-in nag bag-o sin bu-ot
dida san iya casayud.

Nahadloc ug nabaraca
adton nga calag niya
nag isip nag hunahuna
dayon nag mato-ud na
can Jesus Gueno-o Amay ta.

Dida san pan himamaun
bo-ut san pinangalasan
dayon nag carucayacan
pag himungon pag tahuban
pag himangrao dina asahan.

An bantungan si Longinos
uaray algad uaray sugut
layon sa bongto sin mulud
pag pahayag sa atubangan gud
escribas ug fariseos.

Cay iya iguin yacan
sa bongto san capuno-anan
nga niya mga minahal
yadton si Jesus nga namatay
in mule liuat nabanhao.

Cami an bantay ug tanud
nan hiparacup nan hipaculob
san daco nga calas man gud
caamliuanag nga lubos
sadton lauas ni Jesus.

Ynin asuy co ngatanan
iyo gud pag mato-uran
toto-o acon natoc dan
san dali na an adlao somirang
ancia pag gauas sa uhang.

Han casaygue casabut na
can Longinos mga notecia
narigumoc layon sira
adton mga mag labha
nag caua-uad-an hunahuna.

Cay an ira guin isipan
mina upay nira ngatanan
sa guilayon guin sa-aran
si Longinos ug iba paman
Soldados nga caupdanan.

Cami ngnira ngatanan
puro sa Bonto puno-an
marig-un nga amon sa-ad
bulauan salape ug manggad
oficio ug catungdanan.

Ubos ihahatag namon
ano la nga imo pangaro-un
basta ig licao mo hilomon
diri na pag sabisabihun
sino nga tauo ig lirong.

An iba nga mga Soldado
lorong ug mga mag lingo
casing casing nagumoc toto-o
nag pana-ad manta sadto
nag siring sira nga o-o.

Condi ini si Longinos
capitan malinao an bo-ut
ni gute uaray cahugay gud
sa-ad magrig-un nga pulong
sadton mga fariseos.

Cay ano nga tinalicdan
tuna nga camorayauan
nag bag-o sin pamatasan
quinilala san carig-unan
sa Dios nga Gueno-o gamhanan.

Busa si Longinos bin maton
san mga lurong nga bu-ot
nganiya bisan mautod
quinabuhi co matapos
acon ini ig babantug.

Acon panonomatan
mga tauo nga cadam-an
sulod san bongto ngatanan
nga toto-o nga nabanhao
guin castigo niyo san un-han.

San ini ipamulong na
can Longinos ig asuy pa
guilayon guin mican sia
mga tauo iguiniquita
pinanunumatan niya.

Yguin pahayag didto
san bantugan nga Longino
han cadam-an nga mga tauo
nga nabanhao nga toto-o
ang Gueno-o Jesucristo.

Ano pa cay uaray alagad
si Longinos nga may palad
napungut sira ngatanan
fariseos ug escribas
dughan haros mag butac.

Nag sugo sacadagmitan
mga Soldados nga cadam-an
nga pag tudyon caperitan
bisan di-in an cadtu-an
san bantugan nga capitan.

Uaray pag ca bobutlao gud
namimiling nga Soldados
ngan ini si Longinos
nag alagad nag pagapos
san mag pintas nga bo-ut

An quinabuhi niya toto-o
sa lugaringon pina ngino-ino
an Dios nganiya nga Gueno-o
nag pamulay guin tampalo
uaray sala bisan ano.

Ay si aco ini paba
tauo nga malingo mapasipara
capinan nga macasasala
¿Ano nga diri mag aguanta
sin ira pag castiguha?

Saguilayon na molong
sa nag dadaco pnga mga lorong
nganiya mga higugma-un
bisan aco niyo patayon
samadale iyo pamati-un.

Hinomduman co nga utang
sa natitipun ngatanan
con iyo aco pamati-an
cay diri na mag lalangan
inin acon pag camatay.

Nag tangdo ngan nangalagad
mga Soldados mag pintas
ug si Longinos may palad
sa guilayon nag pahayag
ancia ini an guin yacan.

Mga sangcay co nga niya
ca-upod opod nga hinigugma
tican san unahan pa
inin mga mata co buta
bo-ut co pate calag pa.

Ni gute uaray nasasabutan
nga dalan san catadungan
an naquiquita co lamang
mga balico nga catutdu-an
lisa nga aton binuhatan.

Ticang san acon pag tubok
han caguiliran ni Jesus
dugo tubig anag pigsot
an cabuta co nga lubos
ancia na, anacabulong.

Dugo nga mahal niya
tinama sa acon mata
ancia anacaupay na
nag palambrag pag quita
san acon, calag nga buta.

Urog pa san didto naman
sia aton guin babantayan
sa huerto nga guin lub-ngan
han pag gauas sa uhang
macalilipay an camasilao.

Ancia an tinicangan na
san acon pag cabaraca
busa niyan mga hinigugma
mato-ud co nga diri na
pag tu-o di mabalhin na.

Bisan usa cayucot man
quinabuhi sinin calauasan
obos co ipapatay
con iyo pag caruyagan
tatalicdan capiritan.

Mga pulong nga pag sangpit
yadton pamulong magtam-is
bo-utan Longinos nag isip
hinangad hiya salangit
ini an iya iguin sangpit.

Gueno-o co nganiya
 Dios nga tulo ca Persona
 icao Gueno-o an ma-aram na
 mag amcon ngan macuha
 quinabuhi ug calag pa.

Con masadang Amay nga mahal
 acon Gueno-o ihahalad
 inin quinabuhi ug calag
 cay icao Gueno-o lamang
 sa acon asay mahatag.

Bug-os an acon Amoma
 san imo mahal nga gracia
 aco Gueno-o nag babasul na
 toto-o nag sasa-ad na
 nabuhat co ngatanan sala.

Jesus co carauaton mo
 cocoha-un nga quinabuhi co
 panamconun mo toto-o
 cay ini guin mican dimo
 pag camatay co nga ito.

Jesus co ig opod muna
 sa Pasion mo, han pag saquita
 cay icao manta diri iba
 arayupan nga firme na
 ngatanan nga cahimaya.

Jesus co icao na lamang
 an acon guin lalauman
 lubos nga mananabang
 cacori-an nga anò man
 nga acon pag a-agui-an.

Jesus, Jesus co cuha-a
 calag co nga maguican na
 si icao an ma-aram na
 pag amcon ngan pag sacupa
 casaquitan ngatanan la.

Ano pa san carauaton
 an iya calag sa Dios
 ini naman si Longinos
 namulong sin ma-aghup
 sanag dadacop nga Soldados.

Nganiya mga minahal
 nganhi guin sugo lamang
 con iyo na pag borut-an
 quinabuhi co koha-un man
 matutuna nga calauasan.

San ini naipamulong
 ni Longinos mahigugma-un
 dida may usa nga lurong
 hinugut na saguilayon
 andam campilan matarom.

Saguilayon pinugutan
 an bantugan nga capitan
 dida na an catubtuban
 toto-o nga pag camatay
 ni Longinos nga mapintas

Quinuha sa guilayon na
 an mahal nga calag niya
 Angeles mag lipayon nga
 nga dida pinaguinhaua
 dayon nga quinabuhi niya.

ARAL

Quita an tauo ngatanaan
 hiya aton pag sug-an
 mag antos can carori-an
 maquitabang nga perdunahan
 sa Dios Hadi nga hata-as.

Quinabuhi ta ug calag
 sa Dios naton ig halad
 nga aton madangatan
 an lubos nga calipayan
 sa bongto san calangitan.

An sugad nga pag-aguanta
 maupay an pag martir ta
 busa an mga calag ta
 ma-angbit san lipay himaya
 sa langit mahal nga Gloria.

AN PAG HITAPU-AN CAN
CRISTO SAN IYA MAHAL
NGA YROY.

Han ha gauas sa linubngan
ngan si Jesus na mabanhao
an una niya nga dino-ao
ang Yroy nga nahihidlao
guin li-ao an pag comingao.

Dida sa Cenaculo
nga quinadtu-an ni Cristo
an inabat naman sadto
han Yroy dao nan lolomo
comingauan nga subrado.

Aba-a Yroy co nga palaran
nga tugub sin cacori-an
tan aua inin imo anac
bo-ut mag papas nagad
camabidu-un uay sugad.

Maglipay ca mag himaya
Gueno-o co Yroy hinigugma
cay acon natuman na
pag tubos san mga sala
ngatanan nga Anac ni Eva.

Tapus cona guin agui-an
an unos nga casaqitan
niyan ancia am calipayan
Yroy co imo tipigan
inin acon pag cabanhao.

Baton san Virgen Yroy nga
aba-a Anac co nganiya
sa calag co quinabuhi ca
bo-ut co malipayon na
san acon dimo pag quita.

Yadton mga cabudlayan
cabido ug comingauan
casing casing may cabidu-an
niyan dayon sinaliwnan
san daco nga calipayan.

Ano pa niyan cay lubos
an calipayan di matapos
oh Anac co nga higugma-un
sa bo-ut camabido-un
napara niyan sin lubos.

Si icao ngan diri iba
quinabuhi co nga hinigugma
Anac co con dica maquita
sa bo-ut diri nabaya
cabidu-an co ngatanan na.

Niyan lamang nag iban
sa casing casing an cabidu-an
guin palambragan niyan
an mata co guin paua-an
han masirom nga casiquitan.

Haros diri matapos pa
calipayan Virgen Yroy niya
han ira pag ca kita
guin mican sa guilayon na
si Jesus nga Anac niya.

An Yroy iya guinic-nan
ni Jesus ngan binaya-an
iya pag lilipayon man
mag bedo-un nga cadam-an,
iya mga sinarigan.

AN PAG DA-AO HAN TULO
NGA MARIA HAN LINOB-
NGAN HAN ATON GUE-
NO-O JESUCRISTO.

Ynin tulo nga Maria
san Domingo masirom pa
nag tima guilayon sira
cay pag dodo-auon nira
si Jesus Gueno-o Amay ta.

Nag calacat sa cadag mitan
han dale an adlao somirang
an dara nira ug andam
incienso, ngan camangyan
ig lolo-un san minatay.



Dida san nagcalacat
 sadalan nag carucayacan
 sadton tulo may capalaran
 hin-o nganira anag buhat
 han bato labing camabug-at?

Condi san gugma nga daco
 nga binuhat san Gueno-o
 cataragman nauara sadto
 say nag daug nga toto-o
 macaruruyag nga milagro.

Sira nag dadagmit naman
 sadton ira pag pitad
 san adlao man sinirangan
 han pagdatong sa linubngan
 an guin lubngan inabrihan.

San ini iya maquita
 ni Maria Magdalena
 cabudlay di ha pag asuy na
 guin mican binaya-an na
 an opod niya nga duha.

Guin asuyan guin sumatan
 Apostoles nga iguin quita man
 sinin Santa nga bo-utan
 han tacop guin abrihan
 an ma-anyag nga linubngan.

Yadtong iba nga bara-an
 nga do-ao nga cababayin-an
 di macag-tingug gute man
 sahid nan hitingala ngatanan
 han si Jesus dina hiquit-an.

An iguin quita san duha
 Angel mahusay nga usa
 ma-anyag nga uaray sama
 nga nag sumat sa ira
 ini an guin pulong niya.

Camo ayao pag cahadloc
 pulong san Angel sa Dios
 hin baru-an cuna nasabat
 an guin bibiling niyo si Jesus
 adton pinatay sa Cruz.

Busa niyan an pulong co
 uaray na; binaya didto
 cay nabanhao na toto-o
 adton guin bibiling niyo
 nga si Jesus Nazareno.

Oli camo sa bongto man
 layon niyo panumatan
 iya mga sinarigan
 sa Galilea ngadto ngatanan
 didto niyo hiquiquit-an.

Labe na ini si Peedro
nag paha una toto-o
sa Glilea pag cadto
sa pag panubos san sito
san ma-aram nga Maestro.

Sa bongto nag pauli man
an pira nga kababayin-an
uaray iba nga karukayakan
tongud han pag kabanhao
san Dios nga ma-aram.

Sa bongto layon nakita
si Pedro ni Magdalena
si San Juan man opod pa
nag sumat sa guilayon na
babaye mathum uay sama.

Uaray na mga sangkay ko
an minatay nga Maestro
sa linub-ngan guikan ako
ngan mag mato-ud si kamo
hala si kamo kamodto.

Nag kalakat sin tigda
si Maria Magdalena
si Pedro in mopud na
si San Juan Evangelista
sa linub-ngan nag dayon sira.

Sa linub-ngan nagkasulod
an duha nga discipulos
dida wara na si Jesus
may nakita nga pinutos
yadton sabanas nga tahub.

Sa tabok man an sudario
nga itinakop san ulo
dida pinanguinano
an minatay nga Cordero
kinuha ada san Judio.

Nag ruhaduha an domdom
kanan mga tawo bo-ut
kay ipinamolong ni Jesus
tulo ka adlao kon matapos
mababanhao nga lubos.

Dina nira hin nonomduman
an kan Jesus mga yakan
bisan sia mamatay
maule guihapon kabanhao
an iya lawas nga mahal.

An kebidu-an subrado
ni San Juan ug ni San Pedro
sa bongto sira kinadto
bo-ut nira dao nag lolok-so
dako nga cabaraca san Maestro.

Condi si Magdalena
sa linub-ngan pinabilin na
sin mulod guin tan-ao niya
si Jesus nga uaray kita-a
luha ngadao sin baha.

Sapag tanguis pag bakho-man
ni Magdalena may kabidu-an
sia pinaharani-an
sin usa Angel nga mahal
guin sumatan ug guin asuyan.

Con san Angel sa iya
babaye? kay ano ba
ug diri nag i-iban pa
nganiyan nag tatanguis ka
budlay mo ngan kabaraka?

An ibinaton na lamang
ni Magdalena bo-utan
ano nga diko ikamingao
an Gueno-o ko kon kinaokao
kon hain ibinutang dao.





AN PAG PAKI-ANA NI MAG-
DALENA SAN ATON GUE-
NO-O JESUCRISTO AN
IYA HUNAHUNA USA
LA NGA HORTELNO.

Haros diri matapos pa
an asoy ni Magdalena
lin mingui ngan may nakita
tawo namulong nga usa
nakig kayakan sa iya.

Yadton tawo nga nag yakan
san babaye labing palaran
ano ka guin babakho man
sino ang imo biling gad
baga nangangarit kagad.

Ug diri pina nguinano
ni Magdalena si Cristo
isip niya nga toto-o
an iguin kakayakan nga tawo.
usa la nga hortelano.

Namulong si Magdalena
tinahud Gueno-o nganiya
con ikao Senyor an kinuha
san Gueno-o ko nga hinigugma
sa akon Senyor ipakita.

Baton ni Jesus san sito
Maria ako tan-awon mo
ako na an biling nimo
dida na pinanguinano
ni Magdalena si Cristo.

An casing casing ni Magdalena
dida nag malipayun na
Maestro Gueno-o ko nganiya
si ako imo pahad-ka
san mga te-il mo manta.

Condi waray togutan
san Maestro nga ma-aram
nga an te-il niya had-kan
di sugad sa adlao nga-unhan
han dipa sia namamatay.

Ayao pag had-ki nga niya
an te-il ko Magdalena
kay dipa ako nasaka
sa Dios Gueno-o Amay ta
san kalipayan puno na.

Hala na si ikao guikan
ngan imo man panumatan
an Apostoles ngatanan
panumatan mo ako nabanhao
imo na iguin kayakan.

Napara sa gui layun na
si Jesus waray kita-a
guin mikan si Magdalena
haros mag luha an mata
han kalipayan ug himaya.

Sa bongto san domatong man
guilayon pinanumatan
an Apostoles ngatanan d
ug pira nga kababayan-an
iya mga kasangkayan.

An duha nga discipulos
nasingadto sa Emaus
nag pangasuy sin lubos
dida naman si Jesus
nakig dungan pag sunod.

Ug namulong sin mahinay
nganiya ¿ano nga kabtang
an iyo karukayakan?
¿ano nga kamo namimingao
dinhi sa bot-nga san dalan?

Bin maton ngan nag yakan
discipulos si Cleofas
kay ¿dimo nasasabutan
jako nahatitingala man
han orosahun ngatanan!

Ano adto ngani Jesus
si Cleofas anag baton
¿diri mo ba nasasabot
nga an ito Anak sa Dios
nga pinatay san Judios?

Yadton Profeta nga bo-utan
bongto sa Nazareth an tinubu-an
ini an guin preso lamang
sin kasakitan tinagan
mga Judios tampalasan.

Han hiya buhi paman
sin marig-un nag sa-ad
nga bisan sia mamatay
maule manta kabanhao
sulod sin tulo ka adlao.

Busa niyan natuman na
adlao nga tala-an niya
uaray pagud nakilala
han pag tubos niya nga una
jbusa kami nag a-alang pa!

An baton ni Jesucristo
oh mga timawa nga tawo
mag tapok an bo-ut niyo
di nag mamato-ud toto-o
san mga Profetas Santo.

Con ano nga mawawara
an laguit pate an tuna
condi diri mabubungkag na
nga maguiguinbowa
sa Dios ipinamulong na.

An sugad nga pinulongan
san tag balay nasayuran
nga ira la dinadayunan
sira cono abe naman
nag papadayon sa dalan.

Guin hauranguilayon na
an mag upod nga duduha
cay na gagabihan na sira
pina havid pinabilin na
si Jesus naman sa ira.

Salamisa nag arag tubang
sira an tulo nag harampang
layon guin bitbit man
ni Jesus adton tinapay
ngan eya binindicionan.

Ano pa cay na bendita
guin picas picas layon na
ipinanuhol sa ira
sadto nalamang quilala-a
si Jesus sadton duduha.

Nauara ngan napara man
dina nera nasabutan
dida dao pinangalasan
sira inmosa lamang
sadton milagro hin quit-an

Si Jesus yadto nganira
diri naton naquilala
nga sadalan caupod ta
ngan iguin cayacan ta sia
hasta sa balay nga sinaka.

Guilayon nag cabacdao man
an pangiclop bina ya-an
sa bungto nag balik naman
sahid pinanumatan
an Apostoles ngatanan.

Amon nga nira naquita
an Maestro Amahan ta
tutu-o nga nabanhao na
amon eguin cayacan sia
si cami nag sasaro pa.

An sugad pinolongan
macatitingala naman
an puerta nga sinasadhan
si Jesus sa cadagmitan
sin mulod ngan nag dayon man.

Eguin sumat guilayon pa
ni Jesus san ngatanan na
mga pinalang-ga nga-niya
pulong san Guino-o Amay ta
calag nio mag lipay na.

Camo ayao pag cahadloc
casang cayan co nga pina urog
aco na ine si Jesus
sugad hin uaray mga bu-ot
ngatanan an mga discipolos.

Guin uli namanpag saysay
sinin Maestro nga ma-aram
ano nga camo pinangondag?
sahid nahadlaoc ngatanan
ano eyo na esipan.

Nian tan aua nga niya
camot co pate te-il pa
agud iyo maquilala
nga si aco diri iba
Maestro nga caupodupod na.

Condi mga pinangundag
sira nan hitingala man
layon nira pinamati-an
con camo may dinhe man
sadang naton pangiclop-an.

An baton ni San Pedro
may ada Gueno-o Maestro
con sugad con san Verbo
hala magtima si camo
niyan sa huras nga ito.

Guilayon na guin timahan
isda usa nga tinapay
ug gute dugos hin potyucan
nag iclop layon naman
inin Maestro nga ma-aram.

San matapos na manga-un
sa ira ipinanuhol
an tura pinamuyas gud
ngan nag pulong si Jesus
casangcayan co nga higugma-un.

Mga hiniguma co nganiya
caudanan nga pinalanga
camo niyan mag sunod na
ngatanan co nga ig asuy pa
san mga tiempo nga una.

Ca-angayan nga matuman
an can Moises mga sa-ad
tagna san mga Profetas
ug sa salmos naha surat
dadatngan co nga casanquitan.

Tongud cay casagu-anan gud
san Amay co Gueno-o nga Dios
natuman na ug natapos
an pag alagad pag aghup
han pag sacop pag punubos.

Ngan hinoipan ni Cristo
bayhon san mga Amigo
an guin pulong amo ito
niyan carauaton niyo
yadton Espirito y Santo.

Sino man nga iyo hubaran
sa higit san asal-anan
bao-bao sinin calibutan
pag hohubaran coman
didto sa bongto san calangitan.

An diri mag basul toto-o
diri gud hubaran niyo
han sala dinhi sa Mundo

diri man huhubaran co,
sa calangitan Imperio.

San ini ipamolong gad
ni Jesus nauara sin sugad
ngan mag hamis nga alagad
sahid sahid mag a-andac
calipayan nga uay sugad.



**AN PAG PAKARAPKAPAN
HAN ATON GUENO-O JE-
SUCRISTO HAN IYA MGA
CASAMDAN KAN SAN-
TO TOMAS.**

An sugad nga pag catiroc man
han Apostoles ngatanan
si Santo Tomas lamang
sia diri ma-aram
nga an Maestro nabanhao.

Ano pa san iya ig querita
an caupadanan nga iba
guin sumatan naman sia
si Jesus nganira nabanhao na
nga amon iguin cayacan pa.

An can Tomas guin yacan
dico guin mamato-uran
hasta nga acon hiquit-an
macarapcap san camot coman
casamdan sa caguiliran.

Con iyo mga sumat la
sa acon mga notecia
aco diri matu-od pa
hasta acon macapcap na
damo nga casamdan niya.

Ano pa san hibaru-an
san pira na ca adlao
sira natiroc liuat man
si Tomas nacapag yacan
dida san butnga san balay.

An puerta ngatanan
sahid, sahid pinanadlan
sadto salayon, layon man
san ira talimotnga-an
si Jesus ira hin quit-an.

Namulong sa mahinay
ancia ini an guin yacan
nganiya an casusayan
ug bug-os nga camurayauan
sa lauas niyo asay dangatan.

Tomas niyan pomaharani ca
camot co te-il quita-a
inin dughan co carapcapa
cay basi mo maquilala
nga si aco nabanhao na.

San maquita ni Tomas
layon guin mato-uran
lin muhud sa guilayon man

ngan sia nacapag yacan
Dios co Gueno-o nga ma-anyag.

Ngani Jesus sa iya
Tomas naquita muna
sa acon mag mato-ud ca
palad san di comita
sa acon mano-ud conta.

Dinhe sa baobao sa Mundo
an tomu-o bisan sino
ug mag mato-ud toto-o
diri ba hin quit-an mo aco
sa palad mo ngani Cristo.

San ini ipamolong man
ni Cristo ngan ig pahayag
mato-ud napara guin mican
mata san mga harampang
mga alagad ngatanan.



AN PAG SACA SA LANGIT SAN
ATON GUENO-O JESU-
CRISTO SAN MAHUSTO
NA AN CAP-ATAN CA
ADLAO

*Recumbentibus undecim discipu-
lis aparati illis Jesus san Marcos.
cap. 16 y San Lucas cap. 24.*

Yni si Jesus nga mahal
sa tuna diri maguican
hasta ngada san catuman
an cap-atan ca-adlao man
tican san iya cabanhao.

Sugad san sumat nga hayag
sa Evangelio nga ma-anyag
si San Marcos anag surat
ug sugad man si San Lucas
mag casi Evengelistas.

San muhusto na an caisipan
an capatan ca adlao man
sa Jerusalem naman liuat
napakita naman liuat
si Jesus sa abian ngatanan.

Busa liuat napaquita
si Jesus han tiguican na
sa ngatanan nga Apostoles niya
ayao camo cabaraca
icali-ao ini manta.

*Et exprobat in incredulitatem co-
ram et duritiam cordis quia iis
qui viderant cum resurrexisset
non crediderunt.*

Bo-ut niya guin paua-an
ngan nag mato-ud sin tuman
binuhat nga catingalahan
sinin Maestro nga ma-aram
san diri pa namamatay.

An guin pulong ni Cristo
Apostoles casangcayan co
busa pinile co camo
nga maguin tistigos toto-o
han Binuhat co sa Mundo.

Sahid niyo pan laygayan
an tauo sa calibutan
ngan dayon panutdu-an
sa marig-un pag basulan
ira mga casal-anan.

*Et dixit eis: cuntes in Mundum
universum, praedicate Evangelium
omni creatura.*

Sa Jerusalem guin mican
libuton niyo ngatanan
maupay nga catuyu-anan
sa nagugupong nga catauohan
san mangil-ad nga casal-anan.

An bisan hino nga tauo
tutdo-an bunyagan niyo
an comarauat han Bautismo
ngan mag mato-ud toto-o
ancia an sasangcayon co.

Condi an diri comarauat
ngan domiri sin pabunyang
hin perduna diri tagan
uray sala nga di sacasaquitan
calayo an mag o ugtang.

*Qui crediderit et baptizatus
fuerit salvus erit, qui vero novere
dederit, condemnabitur.*

Con camo pag mato-uran
ano man nga catutdu-an
si camo acon ta-tagang
sin lubos nga cagamhanan
buhat nga catingalahan.

*Si autem meus qui creide-
rint haec sequentur in nomine
meo daemonia ejicient.*

An parasunlug han tauo
ngan panulay nga demonio
con pag benditahan niyo
ngan masabi an ngaran co
ma-alin ma iway nga toto-o.

Mag lain lain nga pinulungan
iyo pag ma to-uran
diri niyo cahadlucan
an mga cagamhanan
sa bongto capuno-anan.

*Serpente tolent et si mortiferum
quid viberint non eia nocedit super
graves manosimpotente bene habe-
bunt*

Con ipa inom sa iyo
an mga malara nga hilo
diri camo ma-a-ano
aco an matabang diyo
bisan di-in camo cadto.

An malara nga sogud uay sugad
sa mga dupong nga halas
si camo di pag lalad-an
san casaqitan ngatanan
nga si camo magagauas.

Ano man iyo cacori-an
iyo aco hinomduman
sa acon camo magtauag
camo acon tatabangan
cabaraca pahaharani-an.



AN PAG CONSAD SA DIOS ES-
PIRITU SANTO HAN IYA
MGA APOSTOLES

Han sumaca na sa langit
an Gueno-o ngauay sanglit
di matapos an pag dayig
han Virgen Yroy uay sanglit
pate mga Apostoles.

Dida sa Cenaculo
natiroc an discipulo
an Gueno-o Jesucristo

nag huhulat gugma toto-o
han Persona nga icatolo.

Adlao gab-e uay hongtaran
nag a ampo sin tuman
dinhe guin huhulat man
an gracia ug pag borut-an
sa Dios sacalongitan.

Han mag napulo ca adlao na
ticang sumaca sa Gloria
lin musad sa gulayon na
si Jesus Gueno-o Amay ta
an icatolo nga Persona.

Dida san pag cateripon
ug han mga pag oracion
han ngatanan nga Apostol
sa ulo nira na nongtung
san tagsa dao calayo mangud.

Sa mga langit guin mican
nga diri gud mapaso man
ini an gracia nga saliuan
han Espiritu Santo gamhanan
Apostoles nga nacadam-an.

Sira ngatanan tinagan
gracia labing camahalan
sin hangin man inagui-an
mabascug di ano lamang
nacali-ao san ngatanan.

Dida man quin marauat na
nag mapintas an bo-ut nira
an pag cahulop nacuha
sinaliuanan layon na
sin lipay ug cahimaya.

Mag lain lain nga yacan
nasabut nira ngatanan
sa daco nga calipayan
saguilayon guin mican
ngan manutdo san cadam-an.

Naudto dapit an adlao
sa nag susu-sug han dalan
ngatanan pinanonotdu-an
uaray nira cahadlucan
sa bongto capuno-anan.

Yadton nganira si Jesus
nga iguin raysang sa Cruz
toto-o nga Anac sa Dios
busa cami mga discipulos
nga sa iya nag susugot.

An mga caborobgongtohan
nacada tiroc ngatanan
naciones mag la-in la-in man
puro guin palapnagan
san ira mga catutdu-an.

Hino nga tauo macaquita
sahid gud nahatitingala
condi orug ngan iba
nga diri nag mamato-ud sira
bug-os nga taga Judia.

Mag tig-a nga demaciado
bo-ut dinag ca ano-ano
sugad hin buhi nga bato
mga harangdon toto-o
binuhatan diri mao.

Guilayon pinanorugsugan
sa bongto an catauohan
nga digud pag mato-uran
yadton mga catotdu-an
han Apostoles ngatanan

An usa nga isinompay pa
sadton mag pasipara
mga laygay ngatanan na
han Apostoles sa ira
puro gud pag lingo la.

Busa labing camagtarom
dila nira con ma momulong
mga bu-ang ngay-an magtal-ug
uaray pag to-o tauo; mag ra-ut
mag talompigos sin bo-ut.

Cadam-an nga uaray sama
iguin bubutang nga sala
mga pulong buhat tinuha
labinhan sin camag daya.
mag pintas nga uay sugad na.

May ada guin lilibu-n
sa bongto nga catauohan
condi labe maribhonggad
sa marig-un nanono-o man
san mahal nga catotdu-an.

Ancia adto an tinicangan na
panotdo san ngatanan la
sahid nag penitencia
toto-o nag pana-ad na
sa nabuhat nira nga sala.

Dida na antinicanan
panonotdo-i san ngatanan
an bongto guin libut ngatanan
an Mundo dao quinilatan
san Apostoles ngatanan.

Ano pa cay nag catoto-o
yadton guin pulong ni Cristo
nga an mga discipulo
mag papahayag sa Mundo
san ira mga Evangelio.



AN PAG CAMATAY UG PAG
SAGA SA LANGIT NI STA.
MARIA.

Han magcaborublag na sira
Apostoles ngatanan na
an Virgen Sta. Maria
sa Jerusalem nag puyo pa
cay manonotdo manta.

Ngan an buhat sa adlao adlao
an pag cadto pag do-ao
sa mga hinabuyan ngadalan
an toto-o nga guin-lactan
san anac niya nga guinican.

Ano pa cay uaray lit-ang
an pag do-ao pamiling gad
mga liud binaya-an
san mga dalan guin lactan
higugma-un niya nga Anac.

Hiya may casangcayan
duha babaye nga mahal
firme nga inu-updan
sa pagcadto pag do-ao
sadton mga Santos lugar.

Ano pa an Virgen Maria
uaray na, buhat nga iba
condi pag sangpit firme na
nangacohon sacupon pa
an bugtong nga Afac niya.

Sa usa naman ca adlao
an Yroy nga nahihidlao
nag ampo saguilaon man
ug nag hihingyap sin tuman
Anac niya nga ma-anyag.

Yni an guin pulong niya
oh Anac co nga hinigugma
sa calag co quinabuhi ca
¿san-o nga huras dao la
aton an duha pag kita?

¿San-o cupa catatan-ao
an bayhun mo nga malnao
nga pina nganga ninuhan
san tauo sa calibutan
dinhe sa tuna na baobao?

¿Ha-in nga tiempo ug huras
nga si quita mag atubang
Yroy mo potos sin casaquitan
uaray dalan ngadadatngan
Anac condi ca ig hampang?

Anac co nag ilub ka
si ako kuha-un muna
con ikao akon makita
sa bongto mo masaliyaya
kahimaya-an sa Gloria.

Dico ma-antos ni guti man
con ikao diko hikit-an
dako acon kabudlayan
busa Anak con buhi kaman
diri mo ako baya-an.

Mapa-id ka ngan mabaraka
sa pag sangpit ko pangamaya
cay Anak ko ikao manta
Yroy nga masakit tan-awa
nag babakho nag luluha.

Anak ko ikao an kuha
sa akon pati kalag pa
cay halaba nga adlao na
nga diri ka nakikita
¿calipayan ko ig atubang ka!

Madamo nga diri tup-ngan
pangamaya san Yroy mahal
saguilaon kinunsaran
usa nga Angel ma-anyag
sia pinamulongan.

Con san Angel sa iya
aba Guening Maria
ako ini guin sugo la
sa Anak mo nga hinigugma
ini an tugon niya.

Bowas diri mag lalangan
si ikao kakanhi-un man
san anak mo nga minahal
isasaka sin tuman
sa bongto kahimaya-an.

Ako Virgen oped niya
buas kon kanhi-un ka
busa niyan mag lipay ka
an Gueno-o malipay na
ngan ini diri masala.

Baton san Virgen Yroy man
aba-a Angel nga mahal
con sugad nga imo yakan
hala na imo sumatan
sinin tugon ko ngatanan.

Somatan mo pag daygan
sa Dios nga akon anak
pacanhi-un pag atubang
an Apostoles ngatanan
ca opud ko nga alagad.

Ngan bisan ako mamatay
sira akon hikit-an
cay may ig yayakan koman
dayon ira masasaygan
kadam-an nga mga kabtang.

Nag pasabot guin mikan na
an Angel sinugo niya
ini naman si Maria
pag dayig waray tubtub na
sa Dios Gueno-o Amay ta.

An Apostoles ngatanan
din matong uaray pag langan
bisan higrayo nga bongto man
sa Cenaculo tirok ngatanan
sa Dios nga pagborut-an.

An iba nga mga tauo
kasangkayan ug amigo
sa Virgen nga mga-ngakoh
nag do-ao nasingadto
puy-anan nga Cenaculo.

An Virgen san napahuway
sa katre iya higda-an
dida pinanutdu-an
an Apostoles ngatanan
tongud san pag sorundan.

Dida pinamolungan
an nakada sa-atubangan
mag rasa nga kalay gayan
sadang tipigan ngatanan
ig liri-ao san casakitan.

Nganiya kon ako mamatay
toto-o manta mababanhao
camo diri kalilimutan
tatabangan tatambuligan
san kabarak-an ano paman.

Ako an mananakop na
nga magma-mangno firme na
sa iyo pinili nga hinigugma
han mag sunod mag tuman pa
kalaygayan ko ngatanan la.

Dinhi sa guilayon man
sira guin bendecionan
calag tigda guin mikan
ngadao nakaturug lamang
an Virgen Yroy nga Patay.

An bug-tong nga anak niya
an dinapit ug kinuha
sadto nga calag niya
damo nga Angel orupod niya
han pag saka sa Gloria.

An Apostoles ngatanan
nakada sa-atubangan
pate iba nga alagad
nananguis nag hihilak
kabudlayan nga way sugad.

Oh Guening Virgen Maria
kamatam-is nga way sama
Yroy san Divina gracia
¿hin-o an sakop daola
sa amon kon mailo na?

¿Hin-o in amon a-ayupan
dinhe ñgan sasarigan
han amon pag a agui-an?
¿hino-o man in macacatabang
conde icao Virgen mahal?

Ycao Guening diri iba
an *Stella matutina*
ma amoma ñgan mapaura
paragtutdo ñgatanan na
han sadang icaguinhaua.

¿Hino pa in a-ayupan
san amon mga cacablasan!
¿ñgan hin-o mn an matabang
san amon quinabuhi man
sa dagat han capaitán?

Camapait ñga uay sama
sinin amon ka ilo na
¿ano an iguiguinhaua
casing casing ñgan calag pa
con icao dina maquita?

Yroy co ñga mahal con sadang
niyan an mga pagtauag
mga ubós ñga alagad
inin amon cacori-an
mata mo Virgen isiplat.

Cami ig ampo mo man
can Jesus pinalanga mong anác
ihulog an caupayan
calag namon quinabuhi man
macahuhulop ñga dadatñgan.

Toñgud cay iyana cana
cahimaya-an sa Gloria
malipayon masaliyaya
cami yadin mga ilo na
siplaté san imo matá.

Cadm-an ñgan di maisip
ira mga pag tinangis
haros an dughan mapinét
san daco ñga pag casaquit
sinin imo Apostoles.

Arin catugas tugasan
casing casing matig-a sin puthao
dida diri matotunao
con pag culauan pag quit-an
yadton mahal ñga ladauan.

Bayhun guin lambragan
sinin lauas ñga palaran
camahamut nañgañgalimuag
camatahum tuman ñga tuman
sinin Yroy san Mesias.

Saca lalañgitan mga Angeles
nagdadayig nag a awit
calipayan uaray sanglit
himaya ñga di maisip
mga bo-utan ñga hiñgpit.

Damo ñga may casaquitan
dida ñga pinaharani-an
puro na nañgis sin tuman
cacori-an an sinaliuan
san di maisip ñga calipayan.

Haros, an bongto ngatanan
mag pacadto sin pag du-ao
ñga nag susu-ut san balay
damo ñgan maribhung man
tauo sa libong ug dalan.

Han cabutañgan han sapat
an Virgen ilinusad gud
tagsa tagsa din mara-un
yadton mga discipulos
sahid mag bido an bo-ut

Guilayon na guin pasag
yadton mahal ñga calauasan
maribhung ñgan cadam-an
mga tauo nag bivilar
hasta din mañgat sa uhang.

Sadang ñga icatingala
naton ñgan icabaraca
milagro maraya daya
sa Dios Gueno Amay ta
han pag lubong can Maria.

Baga diri maisip mán
candila ñga dinag cutan
condi bisan usa lamang
dida uaray napad ñgan
sa hangin labing guin padpád.

Dida sa-usa ñga Aldea
sa Gethsemani ñga laguerta
may andam ñga uhang sira
ñga pag lulubñgan manta
patáy ñga Virgen Yroy ta.

Ano pa san dumatong man
didto sa mahal ñga lubñganan
an Virgen naman ibinutang
cabudlay ñga di samahan
sa nag cocolao ñga catauohan.

Yra guin ayad guin sabñgan
yadton ma-anyag ñga uhang
isinulód guilayon man
ñgan ira naman tinacpán
sin bató ñgada-an andam.

Ano pa san ig lubong na
lauas ñga patáy ni Maria
nag sipañguli an ibá
an iba man nag puyo pa
sa linubñgan ñga mahal niya.

Dida nag siring guitan
san matu-ud ñga cabidu-an
ñgan diri bo-ut baya-an
samadalí sinaliónan
an Virgen Yroy ñga patay.

Sira naman nag panuñgug
mag lain lain ñga tiñgug
macalili-ao pamati-un
san mga Angeles panung gun
an pag lipay uaray hunong.

Dida manta san guin lubñgan
may amyon ñga naña limuag
camahamot di samahan

nacacuha nacapara man
ira mga comingauan.

Nahusto ñgan guin isip na
han mag aram guin asuy nira
ñgan san mga Apostoles pa
tuig edad ni Maria.
nag capitu-an cag duha.



AN GUENING VIRGEN MARIA GUIN PUDNGAN HAN CORO- NA HAN STMA. TRINIDAD

San matuman an caisipan
ug mahusto an tolo ca adlao
canan Virgen pagcamatay
sin mulod sacalauasan
an iya calag ñga mahal.

Ancia an cabanhao na
san Virgen Sta. Maria
lauas niya ug calag pa
isinaca sa Gloria
mga Angeles ñgatanan na.

Ngan ira inatubangan
an Virgen Yroy palaran
an calipay di samahan
an pagdayig uaray litang
sa Santisima Trinidad.

Haros diri magrongganan
pagdayig pag aragwitan
calipayan nanlabihan
bug-os coro Angelecal
bongto sa calangitan.

Guin tapó ñgani sia
san icadoha ñga Persona
dayon quinopkohan na
calipay diha asoy na
ni Jesus san Yroy niya.

Didto san ca alimosuran
san langit cahita-asan
may tima nga lincoranan
nga iguin andam nga da-an
sa Dios Guenoo nga mahal.

Andam nga guida-an na
poroc anan ni Maria
ano pa san domatong na
pinalincód dayon sia
trono nga maraya daya.

Dida ngani gin bistihan
sin lubós nga calipayan
nga labé pa san adlao
adton planita nga bulan
an iya tinotong tungan.

An igin podong san Virgen
napolo cag duha nga betu-in
ma-anyag uaray matanding
camalambrag nga uay sanglit
canay mata an di somil-ing.

Sugad han sumat asoy pa
ni San Juan Evangelista.
sa Apocalipsis niya
sanglitan sapag quita-a
san capodngi can Maria.

Ano pa san ca bistihan
an Virgen san capódngán
dao bitsu-on nag e ingat
asoyun an calipayan
san bog-os nga calangitan.

Saguilayon igin yacan
dida ngan iguin surat
sa Santisima Trinidad
an pagdayig uaray sugad
san Virgen Yroy palaran.

Baton sa Dios Amay ta
mahusay co nga Anác aba-a
nga na ponó ca sin gracia
nag alagad nag sunód ca
san mga guin sa-ad copa.

Pagdayig sa Dios Anác
aba-a Yroy nga palaran
orug san babaye ngatanan
nga opód san kasaquitan
san pag tubós co ngatanan.

An icatolo nga Persona
an bin maton can Maria
aba-a mahal co nga Esposa
pinalanga co firme na
mahamis nga uaray sama.

Nag batón ug nagsagbang
ngatanan nga Jerarquias,
pagcalipay nga uay sugad
aba-a Sagrario ma-anyag
san Santisima Trinidad.

Ano pa san matuman na
pagdayao hatag can Maria
asuyon an calipay pa
calipayan nga uay sama
san calangitan ngatanan na.

Canay hata-as nga isip
dida an di pomatlaid
hino an macacagtuquib
calipayan ngarapit
sadton mga Serafines.

Dina sadang mahuna huna
ngan dimasaygan sin dila
calipayan nga sugad na
uaray ig sasanglit pa
dinhe sa baobao san tuna.

Condi cay hin sasabutan
san mga tauo nasasaygan
pag saca niya nga mahal
Asoncion nga hata-as
yadton Yroy san Mesias

Adton Apóstol nga mahal
nga si Tomás an pag ngarán
in morug pa sia lamang
an pag quita sin tuman
canan Virgen pagcamatay.

Yni cay igin tagna
sa Dios Gueno-o Amay ta
san mahusto na maquita
han casaygan ngatanan na
an Asonción ni Maria.

San si Tomás domatong na
sa Jerusalém nga bongto manta
san Virgen uaray na quita
cay nahilubong na
lauas mathum uay sama.

Asuyon an cabidu-an
san Apóstol nga si Tomás
luha dao baha sugad
culang lamang an pag boták
an dughan san casaquitan.

Ay nga niya Virgen mahal
daco acon casaquitan
dico icao hin abutan
han pag baya mo paguican
dinhe sinin bongto lamang

Quimabuhí co a anhon pa
con sa imo ma ilo na
tubtub sa ig camatay na
ngan con si icao maquita
cahimay-an sa Gloria.

An sugad nga pag tinangis
ni Tomás mabido uay sanglit
ngan san mga Apóstoles
gin liao an pag casaquit
sugad nga mga pag sangpit.

Cond diri natitibuay
casing casing namimingao
dima antos gab-e adlao
an daco nga cabidu-an
di coma-un ni gote man.

Nanga muyo gilayon na
can San Pedro ponu-an nira
nga bocasan man cunta
lobong sa Virgen Yroy ta
sapag haroc sa te-il pa.

Benuhát sa cadagmitan
bató nga tacóp catingalahan
dida na niya nasaygan
uaray na dida sa uhang
an Virgen Yroy nga patay.

Dida iya quinita
sapót san Virgen Maria
dayon nagmato-ud sia
nga sin maca sa Gloria
lauas niya mag hihimaya.

Han casabot ug casaygan
ni Tomas may cabidu-an
papas an bido sa dughan
hin mañgad sacalañgitan
ancia ini an gin yacan.

Salamat uaray túbtúb na
Gueno-o nga Yroy mahal ca
Apóstol aco nga timaua
bug-os an pagto-u cuna
san imo misericordia.

Cami imo calo-uyan
dinhe sinin bongto lamang
ug amon **panonotdu-an**
pag alagdon dimag colang
san tauo may casalanan.

Sagdon nga aňgay manta
san amon mga doctrina
pag pulsan cunta bomonga
san casing casing calág pa
ngatanan anác ni Eva.

San ini na ig pahayag
dayon nagcaboroblag
an Apóstoles ngatanan
nag pauli uaray laňgan
san ira bongto ngatanan.

Dayon igin pasabót pa
sa Dios san Santa Yglesia
icalipay ig himaya
an pag saca sa Gloria
san Virgen Sta. Maria.

Busa an ca-añgayan
 ñga an tauo mag tuman
 cay camo calolo-uyan
 pag dayig an ca añgayan
 san Yroy Virgen ma-aram.

ARAL

Oh tauo ñga lilimoton
 an pag catorug himo-ok
 magbangon ca ug gomi-os
 panomdomon mo sin lubós
 cadam-an calo-uy sa Dios.

Baya-é an cadam-an salá
 capalabi labe ñga firme la
 pag ampo ug pasacop ca
 tauag san bug-os ñga gugma
 sa Virgen Sta. Maria.

Cay sin maca salañgit
 inin Reina Emperatriz
 si quita may mga dom-it
 tatambuligan san saquit
 san ñgatanan con magsangpit.

Sia mato-ud ñga Yroy ta
 barabod san misericordia,
 matinabañgon mapa ura
 san mag sangpit pag sacupa
 sino ñga tauo may sala.

Hiya an Hadi ñga toto-o
 an Arca han Testamento
 manana-ug ñga tauo
 ñga pinugot san olo
 ni Olifernis maliño.

Yroy san cahamisan
 uaray almi san casalanan
 sia aton arayupan
 sasañgpiton gab-é adlao
 ñga si quita calo-uyan.

Malolo-uyon mañgañgaco
 san hinoman ñga mga tauo
 sia borabod ñga toto-o
 nañgoñgorug nanonoño
 ñgatanan taga infierno.

Milagro intercesora
 ñgatanan anác ni Eva;
 busa quita an may sala
 mag bañgun ñgan magbasulna
 ug pumasacop sa iya.

Cay si quitá tinagan
 sa Dios sin gote ñga lugar
 quimabuhi pina o otang
 ñgatanan ñga casalanan
 ig compisal pag basulan.


Ca añgayan singabuton ta
 pag basul san mga salá
 dúg-ñgan san penitencia
 basi ha opód quita
 sa lañgit san Virgen Yroy ta.

Cay diri ta hin babaru-an
 adton oras con san-o man
 pag datong san camamatyan
 ig tañgis sa gab-é adlao
 casalanan ta ñga tanan.

AN PAG DO-AO NI EMPERA-
 TRIZ ELENA HAN GIN LOB-
 NGAN SAN CRUZ UG MGA
 RAYSANG SAN ATON GUE-
 NO-O JESUCRISTO

Busa labing maupay gud
 dinhe aton pag isipon
 cadam-an ñga pag calo-uy
 mga bilin ñga Mesterios
 san aton Gueno-o ñga Dios.

Adton Sacromadero
 ñga quinamatyán ni Cristo
 toñgud san sala han tauo
 pacamalhon ta toto-o
 ñgatanan ñga Cristiano.



Adton bandera ñga pinile
ma-anyag ñga estandarte
quina hahadlucan ini
ug quinañgĩngirhatan ñgane
san demonio nag seserbe.

An mga camag pintasan
mga Judios tampalasan
ira nababatasan
buhat pag lingo ñga larang
pag castigo san hino man.

Con panañglit mamatay ná
ug ig lubong na nira
sa uháng iopód pa
casañgcapan ñgatanan la
ipimatay san way salá.

Yni mangud ira batasan
mga Judios tampalasan
iginlolobong nira paman
an garamitón ñgatanan
ni Jesus san pagcamatay.

Busa binuhat hin ticós
magpintas ñga mga hayop
an ira diri habantug
an hul-os ñga anac sa Dios
adton gin patay sa Cruz.

Ug adto ñga linubñgan
san manonobos ñgatanan
ira pinapagtagbunan
ñgan dida sa igbao naman
nag patindug hin singbahan.

An pagñgaran nira ñga lubos
adton Templo ni Venus
camag pintasan ñga ubos
ñgan mag liño-un sin bo-ut
oripon san mga demonios.

Tican hadto ñgada niyan
dinahihimo pag du-ao
hino man ñga binonyagan
didto gin babantayan
mga Judios tampalasan.

Pagcalo-uy ñga subrado
sa Dios ñga mga ñgaco
ñga an mga lugar ñga ito
pinamihag gin da-ug sadto
san Hadi si Constantino.

Ano pa san catabañgan
adton mga Santos ñga lugar
calipay ñga di samahan
ni Constantino ñga nag osa-an
Emperador san binonyagan.

Paté si Sta. Elena
ni Constantino Yroy niya
sa Jerusalem nag asuy pa
nga gusto niya pag quita
cruz igin tobos san salá.

An larang sa ad sa bo-ut
sinin Reina nga maligdong
caruyag niya masayud
san mahal nga Sta. Cruz
nga sa aton igin tubós.

San sia na domatong
bongto san Jerusalem non
gin biling niya dayon
cahuy nga uaray matupong
nga pinanubsan sa-aton.

Condi diri hin tatagbu-an
condi-in dapit himomotang
san mga Judios tampalasan
ug hasta pa an gin lubngan
ira pina pag tagbunán.

Maupay cay nahuna huna
ni Emperatriz Elena
pina pilác ngatanan la
an mga idolatria
didto sa Templo mezquita.

Guin uacay igin calatbug
yadton Singbahan ni Venus
nagtimpag an buquid mangud
han pag halarom in molpot
mahal gin lobngan ni Jesús.

Sa hirani san linubngan
san manonobus ngatanan
dida may hin agui-án
adton nga camahalan
cruz nga quinamatyan.

Tolo nga Cruz nga nacuha
paté rótulo opód pa
condi drii natitigo pa
san tauo ca quiquilala
Cruz ni Cristo Amayta.

Tolo nga Cruz con pag quit-an
o-osa la an higlab-an
an camagdacmól sugad man
busa diri hin titigu-an
an can Jesús nga ma-aram.

Busa maupay sa domdom
san Reina mahigugma-un
naquisagdon sa quilayon
can San Macario orudgun
Obispo san Jerusalemnon.

An minaupay áno pa
san Obispo ug ni Elena
dida may osa nga Señora
nga nag hihingutas na
dao tigican an ginhaua.

Tagsa tagsa ibinutang
an masaquit pinadidgan
han tolo nga Cruz nga tuman
adton doha uaray gud man
paghatag sin caupayan.

Condi an Cruz ni Cristo
nga igin tubós san tauo
con asay ido-ut adtó
nacacaupay toto-o
nag hihingutás nga tauo

Sahid nahatitiñgala
mga tauo nga naquita
milagro nga uaray sama
sa Dios Gueno-o Amay ta
sanag hingutas nga Señora.

Ug may osá nga minatay
nga ig lorobong na lamang
pinadidgan nira naman
Cruz ni Jesús nga mahal
an patáy layón nabanhao.

Dida na caquilala
ngatanan nga nag osisa
san Cruz nga marayadaya
nga iguin tubós san salá
han icaduha nga Persona.

Dayon ngani guin tahud man
guin a ampo guin lolodhan
pag pasalamat nga tuman
nira sa Gueno-o nga mahal
dida an lipay guin captán.

Naborong di nag ca orosa
an bo-ut sanag pangilala
nga di sinasabot nira
nga con anuba cahuya
Cruz nga gui o opaye la.

Con san iba an Olivo
Palma con san ib nga Docto
Cipres nga ni San Macario
ancia na ini toto-o
adton cahuy nga Cedro.

Cahuy nga macalilipay na
puro calo-uy an bunga
e inonud an pag quilala
na cauara nacapara
saquit san tauo ngatanan la.

Casalacot man opod pa
sa Cruz an aton sala
upat nga raysang magupay pa
sa camot pate te-il niya
ni Jesus Gueno-o Amay ta.

Toman nga di iguin padayag
san mga Santos Profetas
nga adton raysang nga opat
an iba nga sinabot man
sira nag asuy ug nagsurat.

Labe nga naguin tistigo
an Yroy ni Constantino
upat nga raysang toto-o
nga iguin raysang can Cristo
san mag limbong nga Judio.

Ngan dida san pagcacuha
Cruz ni Jesus Amay ta
han Emperatriz Elena
mga raysang minahal nga
uaray gud ca ano-an pa.

Milagro sadang hiborongan
san nasabina nga mga raysang
nga uaray gud ca anu-an
sugad na nga mga adlao
iguin lubong na sa uhang.

Mga raysang nasaygan
nira Dimas ug ni Gestas
pinana-e ngatanan
culang lamang an capagtas
ngadao tuna nga matugas.

Guin pacamahal toto-o
san Yroy ni Constantino
an raysang ni Jesucristo
pate an Sacro-Madero
nga iguin tubos san tauo.

Usa nga raysang ma anyag
nahasacub san Carpentas
nga minahal san ngatanan
nga ig pe fiesta an agnay
CLAVO SANTO an ngaran.

Ycaduha nga ca isipan
iton raysang labing mahal
dida sa Singbahan sa Milan,
si San Carlos anag butang
san pag cadto ug pag do-ao.

Ycatolo nga raysang na
casang-capan guilayon la
han Emperatriz Elena
san matahum nga deadema
han bugtong nga anac niya.

Polong ni San Ambrosio
raysang icaupat ni Cristo
ipina labug toto-o
san Yroy ni Constantino
sa dagat sa Adriatico.

Tongud san baguio nga linabay
haros an bongto matunao
busa ipinilac man
adton raysang labeng mahal
sia nag palondop lamang.

Polong san iba nga doctos
adton nga raysang ni Jesus
han catapos hi labug
sa tubig uaray lolonod
milagro san Gueno-o nga Dios.

Ynin manta raysang nga mahal
nga sa dagat binohi-an
nga an bongto sa Paris man
sa Templo labing ca-anyag
ni San Dionisio bara-an.

Adton raysang maupay nga
higamit sa deadema
ni Constantino san unahan pa
adto manta diri iba
an sa Templo sa Roma.

Busa an ca angayan
hino man nga binonyagan
pag ampo pag pasalamat
sa Dios Guno-o nga mahal
calo-uy niya ngatanan.

Aton niyan pag ampo-un
ug mag sangpit pangamuyo-un
sa Dios nga malolo-uyon
ug basi quita sacopon
san mga cacori-an naton.

Si quita cunta mag suga
buhat ni Santa Elena
sapag biling ug pangita
san higamit ngatanan la
han iguin tubos san sala.

Pag sunod an carangayan
mga buhat nga bara-an
mag ampo sa gab-e adlao
nga quita diri hamulag
san dalan han caupayan.

Patambulig quita gihapon
san Virgen nga Yroy naton
cay sia malolo-uyon
con quita mainampo-un
san Dios nga Gueno-o naton.





PAG AMPO HAN TAUO NGA
CRISTIANO SA GUENO-O
STA. MARIA

Oh Maria nga mgangaco
Yroy san Divino Verbo
niyan Gueno-o pamati-an mo
an pag sangpit namon dimo
mag paca sasala nga tauo.

Arin man Yroy nga mahal
an imo nga cacori-an
san caquita mo casaygan
an mahal nga pagcamatay
ni Jesus nga imo Anac.

Si cami ig ampo mo man
can Jesus nga imo anac
nga ya pag perdunahan

sala lisa nga binuhaton
amon nabuhat ngatanan.

Ycao an Yroy nga mahal
Virgen san cahamisan
an mangaro nga hino man
diri pag papabay-an
ni Jesus nga imo anac.

Busa Virgen nga ma-anyag
Yroy nga uaray sugad
mapaid ca omamod gad
gaoson mo cami ngatanan
san saquit ug cacori-an.

Sa Dios Amay nga mahal
ig ampo mo cami ngan tagan
pag basul nga marig-un man
san amon nga casalanan
camatayon nga maupay hatagan.

Ug sa oras nga pag datong
sadton amon camatayon
cami Gueno-o imo do awon
pangacohon ug lipayon
cacori-an guin antos namon.

Cay diba si icaa lamang
Virgen san cahamisan
uaray almi ni gote man
sala tican can Adan
san bug-os nga calibutan.

Ug an amon mga calag pa
con si cami mamatay na
cuha-un mo ig opod cunta
nga cami macaguinhaua
cahimay-an sa Gloria.

AN PAG HUCOM SAN ATON
GUENO-O JESUCRISTO
SAN CALIBUTANON
NGA MGA TAUO

An pulong ni San Mateo
sadton iya Evangelio
uaray pag sayop toto-o
nganiya si Jesucristo
mabalic malusad ito.

Cay iya na pag huhoc man
an bug-os nga catauohan
condi diri hin babaru-an
ni hino man nga bara-an
con san-o nga oras ug adlao.

Ngan diri mag sasala
iton pag canhi niya
tican san unahan pa
nga ira iguin tagna
san mga Santos Profeta.

Busa an asuy guin taquib
sa bug-os Salmos ni David
an adlao maabot perit
maririgomoc uay sanglit
an tuna pate an langit.

San can Moises na idohul
napulo nga sugo sa Dios
cadam-an anag cacahadloc
san tuman nga pagcasayud
sa Sinay nga boquid man gud.

Pag dolom macamimingao
quiela nga uaray hongtoran
an pag dalugdug sugad man
sugad hin magugu nao
an bug-os nga cabuquiran.

Busa adto pag paquita
nga somabot ngatanan na
sa Dios san tauo may sala
angay mag tuman cunta
an tauo san sugo niya.

Ngan dida han pag dolhan
can Moises an casaugu-anan
han sugad nga cahadlocan
sa Dios ipinaquita lamang
sa Sinay nga cabaquiran.

Labe nga camaculba
con comanhi lumosad na
si quita pag hohocman na
pangangaru-an han cuenta
an tauo con nag tuman ba.

Dida ipatatan-ao man
san bug-os nga calibutan
an bug-os nga cagamhanan
ug tuman nga pagborat-an
sa Dios Gueno-o gamhanan.

Dina habobo nga bo-ut
ig papaquita ni Jesus
han una nga pag lusad gud
san pag raysangan sa Cruz
han mag lingo nga Judios.

Mga mata man lilesic
bayhon puno sin casaquit
an iya hauac may sacbit
an Dios nga masalabtec
espada ig sisiwasio.

Adlao nga gusto matuman
ni Jesus Hadi hata-as
balos han camagpintasan
casina dao mag lalarab
uaray pagtagam san unhan.

Ano pa dida uaray na
ni gote nga misericordia
ug an pag cacaptan niya
pag hocom san ngatanan na
san iya pagca justicia.

Ug con umabot naman
tiempo adlao nga tala-an
sa langit ug sa tuna man
sa hangin ug cadagatan
may malutao nga tigaman.

An mga cometa sadto
pangingita-un toto-o
con matapos na an Mundo
an cadam-an nga mga tauo
maririgomoc naman adto

Ug an adlao nga masanag
saguilayon pag dodolman
an lubos nga camalambrag
mag popula diri malibhas
sin dugo mahinonogad.

An cabitun-an ngatanan
planetas nga cadam-an
mag sasalumasum sin tuman
dayon mag lalain man
da-an nira nga cahimtang.

Ngadao magcacahulug
sa tuna ngatanan astros
toto-o magpacaharadloc
mag lain lain nga hayop
sa bongto mag cacasulod.

Sahid mag papanguang
husto nga macamimingao
ig papaquita sin tuman
an magigin cauacyan
ira mga cabuhayan.

Sadagat mag cacatindug
hagta-as dagco nga doyong
macalilisang an guinano-ug
an tuna dao mababalintong
haros sanapan han lauod.

Sa hangin pan hihidonggan
an daco nga camangiras
nga sugad hin mag guiguimbal
ug pariho nga cabutang
ejercito nag a arauay.

Macaharadloc nga kiklat
dalugdug macagarandat
lilinte nga man raga-ak
an bubquid ug cagugub-an
sugad hin mag lalarab.

Magugumoc diri masala
an mga tauo sa tuna
panono-osen an tagsa tagsa
dina mabubucas an dila
nga dao uaray huna huna.

Diri mag sisinasbot sadto
bata tigurang sa Mundo
pagca gumoc nga subrado
ig casi manta Cristiano
an ig a-arauay toto-o.

Condi ini diri pa
an sadang icabaraca
labe nga macacorulba
sa Mundo con sumirang na
tauo nga mapasipara.

Mapintas ug malingo
malimbunganon nga toto-o
palabilabi nga tauo
caupdanan san demonio
an pag ngaran *Anti Cristo*.

An pulong han mga mag aram
anag sabe nag pahayag
nga may tribo ni Dan
ancia dao an guinicanan
hiton malingo ug ka away.

Pagcamalao-ay subrado
han dugo ug pag catauo
ipinangingipa han malingo
an casalanan incesto
guin mican sa sacrilegio.

Con ini ig burod na
culang palad Yroy niya
firme ma-abat hin culba
cadam-an nga maquiquita
nga cangingirhatan niya.

Firme an calas nga calas
san Yroy culang sin palad
cundag firme nga cundag
uay sugad macangingirhat
demonio na con gomauas.

Yni amo an naquita
ni San Juan iguin asuy na
sa Apocalipsis niya
san tiempo nga unahan pa
hayup nga uaray sugad na

Labe san hayup ngatanan
an iya pagcahintang
macangingirhat pag quit-an
pito an ulo pate sungay
o osa la an calauasan.

Dida hini pamanglit la
daco nga cagamhanan niya
sinin mapintas nga banyaga
sia papagtoto-o na
san mga tauo sa tuna.

Sugad nga asuy ug sumat
san mga Santos Profetas
ancia an isinurat
san mga Evangelistas
sa Evangelio nga ma-anyag.

Yni cay pagborot-an
sa Dios pagpapasagdan
mag bubuhat catingalahan
ug iya hicacaplagn
an manggad sacadagatan.

An pinaca milagro
bubuligan han demonio
ancia an mangangabayo
ano pa an bug-os nga mundo
mag ha Hadi an malingo.

An iya mga catutdu-an
magraut diri camato-uran
damo nga batasan maliliuat
mag babantug san ngatanan
Cristiano sia nga tuman.

Ngatanan nga orupod niya
magpapa ca Profeta
lilimbungan ngatanan na
panotdo matoud manta
san lisa nga wale niya.

Hinoman nga di mag tuman
ug sa iya somuhay
cacastiguhon layon man
casaquit nga camamat yan
dao martir nga pagkabutang.

Ngan an mga mag alagad
buhat ngadica angayan
pinaura niya capinan
con baya-an ug talicdan
an Dios ta nga camato-uran.

Totolo ca tuig inin hayup
nga pag tugute sa Dios
panotdo buhat nga mara-ut
ngan san-o na pagca olpot
sira Eleas ug Enoc.

Ynin duha nga Profeta
manonotdo sa ngatanan la
hadton dimag pasipara
han mga lauas calag pa
ngatanan anac ni Eva.

Con hibaru-an sabuton
an manonotdo san matadong
ni Anti Cristo bua-un
saguilayon pananacpon
mga ulo popoguton.

Ngan may pagbubuhaton pa
sinin malinbong mapasipara
iya ig papacuha
in minatay nga dodoha
ig papahayag ha plaza.

Dida iya ig papadauac
san mga tauo ig gogoli-at
nga balico puro balicad
an mga totdo ngatanan
ni Enoc ug ni Eleas.

Hain diri pagmamato-ud
han comita macasabot
san magluyahon nga bo-ut
casingcasing nira matapoc
dayon macaca-abuyon.

Mag mamato-ud toto-o
panotdo ni Anti Cristo
labe pa con magpamilagro
may masakit patay nga tauo
pag babanhauon toto-o.

Sugad han sumat asuy pa
ni Jesus Hadi uay sama
san-o san-o mauauara
tauo malutao sa tuna
sugad nga pag oropud pa.

Santo Dios nga hata-as
pongut mo Gueno-o mag iban
sa amon nga imo ovejas
cami nga imo alagad
ngadao nahimumulag.

Hin-o in macacagsupla
san imo pagca Justicia
ancia an pagcastigoha
han mga tauo sa tuna
cadam-an mag pacasasala.

Con бага маматай ман
ан дудуаа nga bara-an
con mag upat na ca adlao
maule sin pagca banhao.
sa Dios nga pagborot-an.

Malusad nganhi adto
usa nga Angel ni Cristo
mabadlong san mag lingo
ngan popogutan toto-o
Hadi nira si Anti Cristo.

Ancia ini an guin luas
sa surat nahamomotang
ni San Miguel nga mapintas
Principe sa calangitan
an bua-un popogutan.

Ug con бага маматай на
ан mapintas mapasipara
san-o pa dimababalhin na
an mga nag pano-o na
han mga totdo nga lisa.

Condi cay panunugutan
sa Dios an catauhan
an Mundo san-o matunao
pa-a agui-un pag huhulatan
an cap-atan ca adlao man.

Busa ini an itinugot
san aton Gueno-o nga Dios
an mag basul sin hugot
quita mag liuat sin bo-ut
buhat nga balico ug mara-ut.

Sadaco nga catampalasan
naton capalabi labihan
gumican sin camang garan
an iba nga tampalasan
dinabalhin an batasan.

Labe nagud inin tauo
con mapotos na hin vicio
an guin pulong ni San Pedro
magmamacuri toto-o
lióton an bo-ut mabag-o.

Haros diri hamo-oc
nimadale dimacapiyong
sa casing casing dina o obos
firme an pag panomdom
capa labi labi guihaon.

Con an adlao na matuman
nga pag bo-ut san gamhanan
saguilayon bobohi-an
an pongut sacalangitan
castigo an ig hahatag.

Lilinte ug mga dalugdug
guiclat nga macalilipong
hangin baguio nga mabascug
hin casaquit malunop
san tubig nga elementos.

An tuna mababalintong
uaray hunongan nga linug
an catamsihan ug kahuy
mananangis mag ngunguynguy
han sugad nga pangorason.

Maguican casalangitan
masaquit calayo nga oran
an tuna haros matacpan
pag sunog nga casaquitan
san mga tauo tampalasan.

Con maubos maugtang na
bulauan manggad sa tuna
an calayo mag habubo na
susunugon guilayon pa
tauo hayop ngatanan la.

Mga torre ug Palacio
balay maupay nga edificio
mga quinahanglan sa Mundo
diri masayup toto-o
magigin oring ug abó.

Ngatanan nga camahalan
dinhi sa tuna nabaobao
nga di bo-ut pahanginan
con omabot na an adlao
sahid puro matutunao.

Ano man uaray ig tutura
tauo mangad ug ano pa
sahid poro mauauara
labe nga sadang ipangaraba
con may a abutan ta.

Ug sa valle ni Josafat
huhuypon an tromfetas
ig popocao han ngatanan
Angel an mag tatauag
ancia ini ang guin yacan.

Bangun camo mga patay
mga tubang camo sin tuman
sa hata-as nga Hoc-manan
han nag tubos san ngatanan
hadi nga may cagamhanan.

An camahascug san tingug
labe san linte dalugdug
sa tuma sa langit amngud
sa infierno nga masugung
an pagtauag madodongug.

Ano pa san ig asuy man
san Angel sugad nga yacan
sa guilayon nagecabuhat
tauo ngatanan cadam-an
sa tuna nagecamatayan.

Bisan mag cauauara man
tul-an naton sacalauasan
man hihi ule ngatanan
ano man di magcuculang
casang capan nga ano man.

An mga calag ngatanan
pasusudlon guilayon man
san ira mga calauasan
cay mag caca orupod naman
an lipay ug cacori-an.

Dida man hin sumpa-an
an calag ug calauasan
han mga may casalanan
condi an mga bara-an
nag dadayig uaray pahuay.

Con mabanhao an ngatanan
can Adan mga inanac
sa Valle manta ni Josafat
matitiroc uaray culang
sugad han sabe ug nasaygan.

Dida uaray tigurang na
ug uaray man liuat bata
edad catlo-an cagtolo nanga
panuigon san tauo manta
mag cacabanhao sa tuna.

Dida san tiroc ngatanan
an mag lingo ug bara-an
pag lalainon ug pindon man
dida mga nga lim-uag
mabaho adton sala-an.

Lauas san mga palaran
han ngatanan nga bara-an
mahamot manganga limuag
bayhon nira mag lambrag
labe san adlao casanag.

Ano pa guin pa urug na
bara-an tauo sa sala
lin musad sa guilayon na
si Jesus Gueno-o Amay ta
damo nga Angel an opod niya.

Sahid nag pangunsargud
ngatanan nga mga Santos
sira an mga tistigos
san pag borot-an ni Jesus
tauo mag pintas nga bo-ut.

Dida naman opod pa
an Virgen Sta. Maria
labing tistigos nag quita
san pag tubos pag sacupa
san canan tauo mga sala.

Ano pa inin Mesias
pinabot-nga san ngatanan
tupad an Virgen ma-anyag
nanonogtong nacop-cop man
sadton dampug nga mabusag.

Ngan dida san pan lusad gud
iguin o una an Cruz
estandarte iguin tubos
nga iguin daug ni Jesus
han mag pintas nga demonios.

Adton Cruz con hiquit-an
san tauo may casalanan
dayon pinangangalasan
han di nira pag pulos man
bunga han carasarasahan.

Condi camarayadaya
icalilipay han comita
an bara-an ngatanan na
nga nag tuman nagpenitencia
ug guin tangisan an sala.

Ug con domatong naman
sa Valle nga pag Horocman
iton Hocom nga bot-anan
maporoco guilayon man
mahal nga iya lincuran.

Ytinupad sa iya
usa nga trono andam na
nga lincuran ni Maria
dida an Abogada
cabtang san Virgen Yroy ta.

Condi angay mag tistigo
han nagtamay ug nagbido
sinohay nga mga tauo
guin asuy niya nga totdo
sin maupay ngapagpato-o.

Dida sa to-o naman
ni Jesus nga garamhanan
napulo cagduha an paroc-anan
andam nga lincuranan
san Apostoles ngatanan.

Adton napulo cagduha
nga mga Apostoles niya
sa iya nag papalanga
dida an sentencia
an malares cacastigoha.

Ano pa an mga bara-an
iya tino-o ngatanan
an malares ug sala-an
sauala tiroc ngatanan
sa infierno ibinutang.

Mag orupod magsaslado
cadam-an nga mga demonio
;Santo Dios ano ito!
;hino man hino nga tauo
an diman luya toto-o.

Dida pagboboclaron man
libro san mga bara-an
sugad man han may carat-an
dida fijo casawayan
tinago ta nga pamatasan.

Buhat san tauo ngatanan
an pag licao ngadi casaygan
sahid puro hadadauac
sugad hin ha pepintar
sa agtang nahisusurat.

Bisan mag macasasala
labe calao-ay uay sama
dida san sia buhay pa
sin marig-un nag basul nga
mag mamahamis hamis na.

Ano pa cay pag o osisahun
ngan dida panginginsayuron
ngatanan nga buhat naton
mga pulong ug panomdom
bisan pa dayag ug hilom.

Con casayuran casaygan
aton mga binuhatan
layon sesentenciahon
an mga Santos ug bara-an
ancia ini an guin yacan.

*venite benedictae Patris mei, et
principit regnum calorum.*

Cadina casangcayan co
nga pinalanga toto-o
sa Dios Hadi nga Amay co
cay niyan cacaptan niyo
calipayan sa Paraiso.

Cadina iyo pangaptan
an langit nga hita-asan
cahimaya-an nga andam
san Amay co labing mahal
sa mga Santos bara-an.

Ug ini san ig asuy man
ni Jesus san tauo cadam-an
an iya mga cabudlayan
lingue saguilayon man
an nauauala ngatanan.

Cabidu-an uaray sama
an bayhon namumula
macaharadloc an pag quita
an duha niya nga mata
dao mabusag nga centela.

Saguilayon ig papadas
castigo macagarandat
sa atubangan tauo ngatanan
ni Jesus Hadi hata-as
ancia ini an guin luas.

ite maledictae in ignem eternum.

Pomahirayo si camo
sa acon magpintas maglingo
tampalasan nga mga tauo
ug masuhayon toto-o
malingbong uaray paghusto.

Hala na iyo pangaptan
iyo an diablo ngatanan
calayo sa infierno poruy-an
nga iguin andam nga da-an
bisan di-in camo himotang.

Daco an pageapongut
han ipinamulong ni Jesus
nanalugdug an tunug
husto camacaharadloc
adton voces nagnana-us.

Mag bobutac guilayon na
an tinutumban nga tuna
an cadam-an lalamunon na
tauo diablo maglabha
mag pintas nga hunahuna.

Dida mag tutucub tucub
sira mag guiguisa-ug sa-ug
cadam-an an babasulon
curi saquit uaray topong
waray catapos ug tubtub.

Ug con buhaton na an ito
ni Jesus sadton mag lingo
ig o opod nga toto-o
an mga bara-an nga tauo
ngadto sa langit nga Reino.

Daco an lipay ug himaya
san lauas ug san calag pa
nag dadayig mag lipay sira
dida dadangatan nira
an dimatapos nga himaya

Santo Dios icao na
an husto bara-an labi pa
san magupay mapa ura
san mabangis mamaui ca
tauo nga malingo malabla.

ARAL

Oh Cristianos ngatanan
mga tutdo pag matu-orin
pamorobu uta sin mauay
bo-ut nga maraut bayean
buhat nga di catadungan.

Talicedan naman tot-o
an cabantugan sa Mundo
sundon ta si Jesucristo
si quita ayao pabuyo
toto san mga magligo.

An aton mga laua^e
dida sasala camamatay
sugad man an iba ng butang

bulauan salape nga mangad
matutunao ini ngatanan.

¿Anopa di mag iban ca
buhat nimo ngatanan na?
¿cay nao dica nababaraca
bo-ut nga mapasipara
buhat mo nga pacasala?

¿Ano nga di icamingao
naton ug ica alantad
an labe nga mga bara-an
ipimangorug an calauasan
con ini panomdomon man?

Oh tauo nga nalilimot
an sala iquinnacatorug
pucava an imo bo-ut
ngan pag isipon sin lubos
sacalibutan may catapos.

Ngan condica manginano
aba-a mo nga aba-a mo
dimag sasayup toto-o
nga an dadangatan nimo
cori saquit sa infierno.

Sanglit cay may oras capa
an pag andam tempranoha
con magab-e masirom na
labe nga magcocori ca
pag buhat mo pangarapcap la.

An casing casing mo ug bo-ut
imo ig halad sa Dios
mag basul ca ug mahadloc
nga dangaton moman gud
an bongto nga Santa ug Santos.

Ug con dangaton moman
an langit catiriguban
didto imo pag cacaptan
manggad nga cabubuhayan
sa Dios Gueno-o gamhanan.

KATAPUSAN

An marahalon nga Pasion ni Cristo nga aton manunobos nga sia an quina-admananon pag palandongan sa daco nga capairan han mga Coprades san ira Copradia sa ngatanan nga oras han caroha-an cag upat ca adlao ug gab-e, tungud san iya guin agui-an san mao nga Pasion nga tican san á las sies han culop.

An hino man nga bomate nga matunug an orasan mangadie sin usa nga Amay namon sa pag tabang san mga guin agui-an nga casaqitan san aton Gueno-o; sa oras nga amo ini; macarauat hin usa cagatos ca adlao ngai ndulgencia, caborot-un san guihatataase Señor Cordenal Murline sa España.

- Sa alas 6 An iguin iclop han Cordero.
 Sa alas 7 Pinamosa-an an mga te-il san iya mga discipulos.
 Sa alas 8 Gin larang an mahal nga St mo Sacramento.
 Sa alas 9 Ipinanotdo an mga casaugu-anon.
 Sa alas 10 Nag Ampo dida sa tanaman san iya Amay nga Dios.
 Sa alas 11 Pinacarig-un an iya bo-ut san Angel.
 Sa alas 12 An pag tubianan ni Judas.
 Sa ala 1 Nag antos san tampalo dida sa balay ni Anas.
 Sa alas 2 Hinimo sia nga tampalasan sa Dios.
 Sa alas 3 An pagsarusarabot san mga Judios.
 Sa alas 4 An pag lirungan ni Sn Pedro macatolo.
 Sa alas 5 Guin dara sa Hocmanan.
 Sa alas 6 An pag sumbungan sa atubangan ni Pilato.
 Sa alas 7 Hinimo nga tuyao ni Hirodes.
 Sa alas 8 Guin larang pag saliuanan can Burrabas.
 Sa alas 9 Guin hampac sa harigui.
 Sa alas 10 Guin mudong pudongan an ulo han tonoc.
 Sa alas 11 Pinapagpasan han Cruz.
 Sa alas 12 Iguin raysang sa Cruz gin botnga han duha nga cauatan.
 Sa ala 1 An pag togunan han iya mahal nga iroy han iya mga discipulos.
 Sa alas 2 An pag pa inoma han apdo ug suet.
 Sa alas 3 Namatay ug binono an iya caguilinn.
 Sa alas 4 Gin halugos na sa obos.
 Sa alas 5 Sia na iguin lubong.



315717

